

S T E N O G R A M

**6. HITNE SJEDNICE SKUPŠTINE KANTONA SARAJEVO, ODRŽANE
U UTORAK, 18.10.2016. GODINE SA POČETKOM RADA U 10,00 SATI**

Predsjedateljica Ana Babić (u daljem tekstu Predsjedateljica):

Otvaram 6. Hitnu sjednicu Skupštine Kantona Sarajevo.

Pozdravljam uvažene koleginice i kolege zastupnike, članove Vlade i uvažene goste, i predstavnike medija koji prate današnji rad sjednice.

Nadam se da će cijenjeni gledaoci Televizije Kantona Sarajevo sa pažnjom pratiti današnji rad zasjedanja Skupštine, te im upućujem pozdrave, a svima nama želim uspješan rad i ugodnu atmosferu.

PRIJE NEGO ŠTO POČNEMO SA RADOM MOLIM VAS DA UČENJEM FATIHE, MINUTOM ĆUTANJA ILI SVAKO NA SVOJ NAČIN ODAMO POČAST STRADALIM DJEVOJKAMA EDITI MALKOČ I SELMI AGIĆ

Neka im je rahmet duši.

Prema evidenciji Službe, sjednici prisustvuje 33 zastupnika, što je sasvim dovoljno za rad i održavanje ove Skupštine.

Izostanak sa ove sjednice nije niko opravdao, jedino je uvaženi zastupnik Amor Mašović najavio kašnjenje.

U skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine.

Kolegij je zasjedao 13.10.2016. godine i razmatrao zahtjev Komisije za sigurnost za održavanje Hitne sjednice Skupštine Kantona Sarajevo.

Kolegij je donio sljedeću odluku i zaključke:

1. Traži se od Vlade Kantona Sarajevo, Ministarstva unutrašnjih poslova, Uprave policije, Kantonalnog tužilaštva, Neovisnog odbora i Komisije za sigurnost Skupštine Kantona Sarajevo da hitno pripreme i dostave Skupštini Informaciju o stanju sigurnosti u Kantonu Sarajevo.
2. Hitna sjednica Skupštine Kantona Sarajevo, na kojoj će se razmatrati Informacija o stanju sigurnosti u Kantonu Sarajevo, održat će se u utorak 18.10.2016. godine u 10,00 sati.
3. Traži se od Policijskog komesara, Glavne kantonalne tužiteljice i predsjednika Nezavisnog odbora da lično prisustvuju na Hitnoj sjednici Skupštine.

Shodno naprijed navedenom Prijedlog Dnevnog reda 6. Hitne sjednice Skupštine Kantona Sarajevo glasi:

1. Sigurnosna situacija u Kantonu Sarajevo

Molim zastupnike da se izjasne o Predloženom dnevnom redu. Tko je za? Tko je protiv? Suzdržan? Hvala lijepo.

**KONSTATUJEM DA SMO JEDNOGLASNO DONIJELI OVU ODLUKU.
ZA JE GLASALO 33 ZASTUPNIKA, PROTIV NIŠTA I SUZDRŽANO NIŠTA.**

Prelazimo na realizaciju tačke 1.

AD – 1.

SIGURNOSNA SITUACIJA U KANTONU SARAJEVO

Prije nego što otvorimo raspravu molim da se u Skupštini Kantona Sarajevo obrati podnosioc informacije Predsjednik Komisije, gospodin Okerić. Pa izvolite.

Poslanik/zastupnik Elvedin Okerić:

Poštovana predsjedavajuća, dopredsjedavajući, uvažene kolegice i kolege, poštovani premijeru uvaženi gosti, predstavnici medija, poštovani građani, sve vas srdačno selamim i pozdravljam. U pogledu posljednjeg dešavanja sa smrtnim posljedicama i narušavanja sigurnosti u Kantonu Sarajevo, te nezadovoljstvom građana, možemo konstatovati da je sigurnosna situacija značajno narušena. Logično pitanje se nameće ko je odgovoran za ovakvo stanje? Zbog osjetljivosti i kompleksnosti sigurnosnog aparata kao što je MUP KS ne bi smjeli dozvoliti da se ovom problemu pristupa sa Ad hoc rješenjima. Kao predsjednik Komisije za sigurnost Skupštine Kantona Sarajevo danas ću vam reći stav komisije o stanju sigurnosti u Kantonu Sarajevo na osnovu analize do sada provedenih aktivnosti, te aktivnosti Komisije po zaključku Skupštine Kantona Sarajevo.

Komisija za sigurnost je održala 22 redovne sjednice, jednu vanrednu, dvije hitne, i jednu telefonsku na kojima je razmatrala izvještaje i primala informacije, donosila zaključke, te pokretala inicijative prvenstveno od MUP-a i Tužilaštva KS te drugih institucija koje svojim aktivnostima direktno učestvuju u kreiranju sigurnosne situacije u Kantonu Sarajevo.

U proteklom periodu u pogledu narušavanja sigurnosti u Kantonu Sarajevo kao što su pljačke, ubistva, saobraćajne nesreće sa smrtnim posljedicama i dr. krivična djela Komisija za sigurnost je u par navrata na sjednicama Skupštine Kantona Sarajevo sugerirala svim segmentima društva za provedbu zakona u Kantonu Sarajevo, da svi svoje kapacitete stave za potrebe sigurnosti građana Kantona Sarajevo, te da poduzmu sve aktivnosti što profesionalnijeg izvršavanja zadataka, odgovornosti prema građanima i društvu, te nužnog povećanja pravde i pravičnosti u svim postupcima koje provode od najnižih do najviših organa vlasti.

Na osnovu dosad provedenih aktivnosti Komisije za sigurnost kao što je pismena i usmena korespondencija sa MUP-om i Tužilaštvom Kantona Sarajevo, te analizom redovnih izvještaja utvrdilo se da je jako loša saradnja između ove dvije institucije za provedbu zakona, čija je zakonska obaveza da sarađuju u interesu građana i njihove sigurnosti, što ima negativnu refleksiju na sigurnosnu situaciju u Kantonu Sarajevo. Loša komunikacija i koordinacija ove dvije institucije posebno se mogla vidjeti u slučaju „Dženan Memić“.

Komisija za sigurnost je Skupštinskim zaključkom od 30.05.2016.g. zadužena, da provede skupštinski nadzor nad zakonitošću rada Ministarstva unutrašnjih poslova i Uprave policije u predmetu „Dženan Memić“. U skladu sa zakonom Komisija je donijela potrebne podzakonske akte i ispoštovala zakonsku proceduru.

Kada je u pitanju provedba aktivnosti na realizaciji skupštinskog zaključka može se donijeti sljedeći zaključak. Svojim postupcima i radnjama, odnosom prema Komisiji za sigurnost i Ad hoc tijelu, Komesar uprave policije KS je bez zakonitog osnova i objektivne argumentacije u slučaju „Dženan Memić“ u proteklom periodu onemogućio Ad hoc tijelo da izvrši analizu konkretnog događaja i postupaka policije koje je imalo i sada ima implikacije po sigurnosnu situaciju u Kantonu Sarajevo.

Nakon detaljne analize provedenih aktivnosti Komisije i Ad hoc tijela za slučaj Dženan Memić, Komisija za sigurnost je jednoglasnom odlukom pokrenula inicijativu za pokretanje disciplinskog postupka radi utvrđivanja disciplinske odgovornosti policijskog Komesara

Kantona Sarajevo radi postojanja osnova sumnje da je počinio povrede službene dužnosti i to:

- davanje netačnih podataka koji utiču na donošenje odluka nadležnih organa
- prikrivanje činjenica o načinu izvršenja službenih zadataka
- onemogućavanje primjene Uputstva o sadržaju i vršenju skupštinskog nadzora nad zakonitošću rada MUP-a Kantona Sarajevo i Uprave policije

Dana 08.08.2016 Inicijativa sa obrazloženjem je proslijeđena ministru MUP-a KS Vedranu Mulabdiću na dalje postupanje.

Ministar je 10.10.2016. donio Rješenje o pokretanju disciplinskog postupka i utvrđivanje disciplinske odgovornosti policijskog komesara Kantona Sarajevo i dostavio ga Nezavisnom odboru MUP-a KS na dalje postupanje. Prvostepeni postupak koji vodi Nezavisni odbor mora se okončati najdalje u roku od 60 dana.

Posljedice koje su nastale ovakvim dešavanjima i ponašanjima

Ovakvim odnosom Komesara prema Komisiji za sigurnost, te polu i dijametralno različitim informacijama između MUP-a i Tužilaštva KS, u javnosti i kod porodice oštećenog je stvorena slika da se „neko štiti“, „da se stvari zataškavaju“, „da se nešto prikriva“, što ima za posljedicu narušavanje ugleda Skupštine, Vlade, Tužilaštava i policije KS kao stubova sigurnosti u Kantonu Sarajevo.

Iz svega prethodno navedenog smatramo da je ozbiljno narušena saradnja između MUP-a i Tužilaštva KS, iz čega dalje proizlazi uznemirenost javnosti i otvoreno nepovjerenje u institucije KS, što je rezultiralo i sa protestima u više navrata u vezi sa ovim predmetom i ozbiljnog narušavanja sigurnosne situacije u Kantonu Sarajevo.

Pored jako loše komunikacije i koordinacije nadležnih institucija za provedbu zakona, Komisija za sigurnost je utvrdila i druge nedostatke kao što su:

- Nepostojanje Odbora za žalbe javnosti i ako je predviđen Zakonom MUP-a KS. Rad odbora ima za cilj osigurati objektivno i nepristrasno vođenje postupka u vezi sa izjavljenim žalbama na rad i ponašanje policijskih službenika, čime osigurava zaštitu ljudskih prava i sloboda. Odbor za žalbe je u potpunosti oslonjen na rad odjeljenja za unutrašnju kontrolu unutar jedinice za profesionalne standarde, kojima u potpunosti komanduje policijski komesar. Sada prijave na rad policijskih službenika dolaze na Komisiju za sigurnost koja nema nadležnost postupanja po prijavama.
- Dosadašnji izvještaji i informacije MUP-a KS o stanju kriminaliteta, javnog reda i mira i sigurnosti saobraćaja na području Kantona Sarajevo su svedeni na statističke podatke koji ne oslikavaju realnu sigurnosnu situaciju u našem gradu. Npr. broj krivičnih djela i prekršaja je manji od prethodnog mjeseca ili manji od istog mjeseca prošle godine, (iako tamna brojka kriminaliteta nije poznata)
- Od policijskih institucija se očekuje da svojim izvještajima obuhvate što više onih koji u jednoj zajednici počinju protiv-pravna ponašanja, tj da što manji broj krivičnih djela i prekršaja (u tamnoj brojci kriminaliteta) ostane neotkriven.
- Policijske institucije nadležne za provođenje krivičnih i prekršajnih propisa moraju da zadovolje organizacione standarde i potrebe efektivnog i efikasnog djelovanja. Otkriveno krivično djelo i identifikovati njegovog počinitelja spada u red najsloženijih poslova koji se u državnoj organizaciji provode. Uspješnost ovog djelovanja nerijetko opredjeljuje postupanje svih narednih pravosudnih institucija kao što su tužilaštvo i sud, tako da greške ili propusti u prvoj fazi borbe protiv kriminaliteta ,kao što je prikupljanje materijalnih dokaza ostavljaju nenadoknadive posljedice za sistem vladavine prava. Ovdje imamo jedan dokaz Tužilaštva Kantona Sarajevo na upit zastupnika Skupštine Kantona Sarajevo u odgovoru glasi da predmeti na Tužilaštvu između ostalog padaju zbog loše uzetih materijalnih dokaza na samom licu mjesta).

Postoje brojni preduslovi uspješnog djelovanja kako zakonodavni tako i materijalni koje treba obezbjediti međutim jedan od temeljnih i sigurno najvažniji element uspješnog obavljanja

povjerenih dužnosti jesu ljudski resursi. Uspješno obavljanje poslova u saobraćajnoj policiji, kriminalističkoj policiji, u odjeljenju za krvne delikte, odjeljenju za borbu protiv privrednog kriminala i korupcije zahtjeva specifična i veoma složena znanja i vještine policijskih službenika.

Pravilnikom o unutrašnjoj organizaciji sistematizacija radnih mjesta ne propisuje stepen i vrstu školske spreme za svako radno mjesto uzimajući u obzir složenost i opis posla na koje se radno mjesto odnosi. To znači da u policiji čin vas unaprjeđuje, a ne stepen i vrsta školske spreme. U policiji imate najmanje dipl. kriminalista i pravnika na odgovornim funkcijama u menadžmentu Uprave policije. To je kao da vam se o zdravlju brinu historičari, socijalni radnici i sportski radnici, pa se onda pitamo zašto nam je ovako sigurnosna situacija loša i nezadovoljavajuća. Nerijetko policijski službenici provedu po 15 godina u jednom od organizacionih jedinica, recimo u saobraćajnoj policiji, da bi došao do unapređenja taj policijski službenik mora preći u neku drugu organizacionu jedinicu kao što je Kriminalistička policija, pa prelaskom u tu drugu organizacionu jedinicu oslabi i jednu i drugu, s obzirom da je vamo stekao radno iskustvo i možemo ga smatrati ekspertom u svom poslu koji radi, međutim lošim pravilnikom o unapređenju dešavaju nam se i takve stvari. Preventivni rad policije u društvu mora biti bolji i efikasniji, moraju se pronaći uzroci koji su mogli dovesti do krivičnih fenomena, i opasnosti od nesreća. Prepoznatim uzrocima se mora preventivno pristupiti, povećati prisustvo policije na terenu i komunikaciju sa građanima, provoditi akcije preventivno represivne s ciljem suzbijanja osoba koje svojim ponašanjem i djelovanjem predstavljaju opasnost, kako za maloljetnike tako za društvo uopšte. Postavljanje kamera i radara kao mjera upozorenja učesnicima u saobraćaju. Povodom sigurnosne situacije u Kantonu Sarajevo na vanrednoj sjednici Komisije za sigurnost Komisija je donijela zaključke koje ću ja ovdje danas pročitati:

1. Pojačati komunikaciju i koordinaciju koja je evidentno narušena između MUP- a i Tužilaštva, Suda Kanton Sarajevo, te predložiti konkretne mjere u njihovoj koheziji što im je obaveza zakonom predviđena.
2. Potrebno je izanalizirati nedostatke Zakona o unutrašnjim poslovima Kantona Sarajevo i predložiti eventualne izmjene i dopune u što kraćem roku.
3. ukoliko ima odgovornih osoba za novonastalu situaciju nadležni organi trebaju da provedu procedure u što kraćem roku i pronađu odgovorne.

Ovo je bilo moje obraćanje i stav Komisije za sigurnost samim ovim Izvještajem pokazali smo da smo puno ranije pristupili odgovorno prema sigurnosnom problemu u Kantonu Sarajevo. Da smo od šestog mjeseca već pokrenuli konkretne aktivnosti a da smo već u osmom mjesecu podnijeli inicijativu za pokretanje disciplinskog postupka zato što su postojali osnovi sumnje da su prekršene određene odredbe Zakona, tako da Komisija za sigurnost je uradila po skupštinskom zaključku, onako kako je Skupština zadužila. Ta inicijativa je kod Nezavisnog odbora na daljnjem postupanju i čekamo njihovu odluku. Zamolio bih da se po toj inicijativi i zbog zainteresovanosti građana zbog loše situacije sigurnosti u Kantonu Sarajevo da dobijemo što prije odgovor. Ukoliko ima nekih pitanja stojim na raspolaganju. Hvala.

Predsjedateljica:

Hvala lijepo uvaženi zastupniče Okerić. Prije nego što otvorim raspravu, želim da vas obavijestim da su se Skupštini Kantona Sarajevo obratili Hana Sokolović i Amra Džindo u ime neformalne grupe studenata i studentica Univerziteta u Sarajevu, kojoj se pridružuju i drugi građani i građanke Kantona, molbom za obraćanje na današnjoj sjednici, vezano naravno za tačku dnevnog reda.

Kolegij je jutros zasjedao u 9,30 donio Zaključak da se neformalnim grupama ne dozvoljava obraćanje na sjednici Skupštine.

Ukoliko bude formalnih zahtjeva ispred studentskih udruženja i drugih udruženja, te asocijacija Skupština će napraviti pauzu kako bi se održala sjednica Kolegija i razmotrili dostavljeni zahtjevi.

Skupština, po već ustaljenoj praksi, ne zanemaruje glas građana, te poziva predstavnike neformalne grupe da prisustvuje sjednici proširenog Kolegija na kojima će upoznati Kolegij sa svojim stavovima.

Sada otvaram raspravu a prije rasprave pozivam glavnu tužiteljicu uvaženu gospođu Dalilu Burzić da nam se obrati. Izvolite.

Glavna kantonalna tužiteljica Dalila Burzić:

Sviju pozdravljam da ne naglašavam koga sve. I cijenim zainteresovanost građana i cijenim angažman Vlade, cijenim angažman poslanika ove Skupštine za zabrinutost koja Vlada u Kantonu Sarajevo i ja sam od prvog mog pojavljivanja pred vama, kao poslanicima, rekla da ste vi predstavnici građana i bez obzira na moju neovisnost kao glavne tužiteljice ja sam uvijek osjećala i uvijek ću osjećati moralnu potrebu i obavezu da uvijek odgovorim na sva vaša traženja i da dam određene podatke kojima mogu doprinijeti rješenju ove situacije. Ja sam čula zaključke Nezavisnog odbora, odnosno odbora za sigurnost. U isto tako vrijeme sam vidjela i dnevni red pa sam htjela samo da kažem jednu stvar; što se tiče nadležnosti Tužilaštva u Sarajevu, ono je propisano zakonom o kantonalnom Tužilaštvu i propisano je zakonom o krivičnom postupku FBIH. Dakle Tužilaštvo ne odgovara za sigurnosna situaciju u Kantonu Sarajevo, nego je nadležno da goni počinioce krivičnih djela i da iste počinioce krivičnih djela otkriva. Međutim, Zakon o kantonalnom Tužilaštvu u članu 11. postoji mogućnost da se glavni tužilac obraća poslanicima, Skupštini, Vladi i obavještava ih na lični zahtjev ili na njihov o primjeni materijalnog zakona. Nismo do sada to nikada koristili, možda na neki dio ćemo danas to i da uradimo u jednom dijelu. Zašto je ovo važno? Važno je da znate da Kantonalno Tužilaštvo u Sarajevu ne skida sa sebe nikakvu odgovornost, i duboko cijenim kao i sve moje kolege da ovo Tužilaštvo i te kako može na posredan način da utiče na sigurnosnu situaciju u Kantonu Sarajevo. Ne samo time što ćemo goniti počinioce krivičnih djela na način da ćemo podizati optužnice kada god postoji osnovana sumnja da su počinili neko krivično djelo, na način što ćemo istrajavati u predlaganju mjere pritvora kada god za to postoje zakonom ispunjeni uslovi i dokazi, na način što ni jedan sporazum sa Tužilaštva neće otići bez kontrole i mišljenja i da će se debelo voditi računa o dogovorenim kaznama koje će se takvim sporazumima dogovarati. Na način što će ovo Tužilaštvo neposredno komunicirati sa svim policijskim agencijama koje im stoje na raspolaganju pa je to tako MUP Kantona Sarajevo, Federalna uprava policije, obavještajna služba, SIPA i sve ostale policijske agencije, pa čak i iz drugog entiteta sve u cilju efikasnog gonjenja počinilaca krivičnih djela. U tom dijelu smatram da odgovornost Tužilaštva postoji i nisam jednom u više navrata sam rekla da jedino oruđe koje tužilac ima u rukama da popravi stvari za koje misli da nisu u redu, a ja kao glavna tužiteljica sam duboko uvjerena da kaznena politika u Kantonu Sarajevo nije odgovorila zadatku. Može samo podnošenju žalbi da utiče na odluke suda. Kada govorimo o kaznenoj politici u Kantonu Sarajevo mislim da je ona jako značajana upravo zbog toga što vi morate znate da kazna ima dvije pouke: jedna je pouka specijalne prevencije, znači da osobu koju ogласimo krivim naučimo, edukujemo, sankcionišemo za ono što je učinila i lično mu damo do znanja da se ne treba baviti kriminalom. A drugi segment kazne koji je apsolutno zanemariv od strane sudova i to odgovorno tvrdim, je taj generalna prevencija. Imam osjećaj da o generalnoj prevenciji sudovi jako malo vode računa. A generalna prevencija znači da sud svojom odlukom i kaznom treba da pokaže da se kriminal ne isplati. Mi imamo dobar Zakon. Naš Krivični Zakon FBIH koji primjenjujemo ima tzv. individualizaciju kazne i sudija ima stvarno mogućnost da shodno slobodnoj ocjeni dokaza i slobodnom sudijskom uvjerenju, a sve opet u skladu sa zakonom sam utvrđuje koje će činjenice prihvatiti kao olakšavajuće od strane optuženog, koje činjenice kao otežavajuće i nakon toga donijeti, ne samo zakonitu i pravoumnu odluku nego i pravednu odluku. Malo mi previše o zakonitostima i pravilnostima isto govorimo, ali kao da smo nekada tu pravednost zaboravili. Ovo govorim kao bivši sudija Kantonalnog suda u Sarajevu koja je

bila u mnogo slučajeva u prilici da odmjerava kaznu i uvijek sam se kao sudija trudila da podvedem pravdu pod normu. Mislim da je to u nekim segmentima imalo efekta. Tako se trudim da se ponašam i kao glavni tužilac i da istrajavam u borbi za pooštavanje kaznene politike u Kantonu Sarajevo. Možda sam jedini glavni tužilac koji je javno istupao u javnost. To su neki nazivali kritikujući sudove, sve iz dobre namjere, zato što sam smatrala da transparentnost u radu, javnost mnogo, mnogo može doprinijeti ne samo u edukaciji građana o dešavanjima u nekoj palati pravde, nego i na neki način da građanima se objasni šta je čija uloga u krivičnom postupku. Tužilac je stranka, sud je tu da sudi, i tužilac ima svoja instrumenta u skladu sa zakonom da reaguje prema sudu, pa i u smislu organizacije suđenja, trajne dužine postupka i odnosa suda prema predmetima koje mi donesemo na sud. Najveće kritike sam doživjela upravo od profesionalne zajednice, ne od građana. Nije me to pogodilo. Ja ću nastaviti tako dalje da se ponašam jer ja mislim da tako treba dalje da radim i u tome sam vrlo principijelna. Jedan od zaključaka koje sam danas čula je ne saradnja između institucija i to konkretno Kantonalno Tužilaštvo u Sarajevu i MUP-a Kantona Sarajevo. Poštovani poslanici/zastupnici i građani, saradnja između MUP-a Kantona Sarajevo i Kantonalnog Tužilaštva u Sarajevu nije narušena na način da se ne sarađuje, ne radi i ne rješavaju predmeti. Toga ste svjedoci svakodnevno. U onoj situaciji kada sam ja kao glavni tužilac procijenila da treba reagovati i da treba glava kuće, a to je komesar da utvrdi eventualnu odgovornost policijskog službenika u jednom vrlo delikatnom predmetu ja sam i reagovala. Ne želim da se to tumači lošim međuljudskim odnosima i ne želim da se to tumači nesaradnjom između ove dvije institucije. Vrlo principijelno. Tako u svojoj kući radim, pa mislim da tako imam pravo da reagujem i prema vani, uvijek ću ustrajavati na individualnoj odgovornosti. Ona ne mora uvijek biti u tome da je neko učinio nešto što nije trebao i mogao, nego i da je propustio nešto da uradi. Ja sam u pismu koje sam napisala oštećenom gđinu Murisu Memiću tada prvi put to i spomenula i pisala sam dopis komesaru da utvrdi a li ima elemenata neke odgovornosti u odnosu na tu ovlaštenu službenu osobu. Nakon toga ja sam reagovala još u tri navrata i dostavljala komesaru konkretne dokaze i pokazatelje da bi se možda i mogla raditi odgovornost nekog od ovlaštenih službenih osoba jer da nisam tako reagovala, vjerujte, osjećala bih se na neki način saučesnikom u ne činjenju i ne poštivanju sistema. Sistem kakav god imamo ne može funkcionisati bez pozivanja pojedinaca na odgovornost. Pojedinci niti jednoj kući nemaju pravo da narušavaju dignitet sistema, niti institucije i na tome ću uvijek istrajavati. Prema tome malo me, emotivna sam. Nije tačno da Tužilaštvo i MUP ne sarađuju. Vjerujte, ništa u ovom kantonu ne bi bilo riješeno od strane redovnog kriminaliteta. Samo je Tužilaštvo pokušalo da istraje principijelno uz dokaze i da se utvrdi čija je odgovornost mogla dovesti do poljuljanog ugleda i u policiju i u Tužilaštvo. To je bio neki početak priče koji se dešavaju možda negdje u martu, aprilu mjesecu o.g. i evo danas se nalazimo ovdje gdje jesmo. Ja sam vrlo odgovorno pristupila današnjoj vanrednoj sjednici. Pripremila sam određene podatke koje bi možda mogli vama biti pokazatelji nekog dešavanja. I to je ono što ću danas i da vam izložim. Prije nego što krenem s ovim egzaktnim podacima, želim da istaknem slučajeve saobraćaja sa smrtnim posljedicama i to tri slučaja gdje je Tužilaštvo nastupalo kao stranka i podizalo optužnice. Imamo slučaj Rastoder koji je završio kaznom zatvora od 5,5 godina, međutim sud nije nakon izricanja te presude Rastoderu odredio pritvor. Ja sam kao glavni tužilac bila šokirana, međutim, pravnog sredstava Tužilaštvo nije imalo da se žali zašto to sud nije uradio. Mi smo se žalili na visinu krivično pravne sankcije i Vrhovni sud još nije donio odluku po toj našoj žalbi. Slučaj Maslo, to je nesreća koja je bila na Socijalnom. Presuđeno je, odnosno osuđen je na 4,5 godine zatvora. Mi smo se žalili na odluku o kazni. Vrhovni sud je odbio našu žalbu na odluku o kazni, uvažio žalbu odbrane, izrekao Masli 4 godine zatvora. Znači kaznu od 4,5 godine je još smanjena. Što se tiče trenutnog postupka koji se vodi protiv optuženog Muđaleta to je događaj ispred predsjedništva, suđenja već intenzivno traje već duži period vremena. On se nalazi u pritvoru i odbrana se u nekoliko navrata obraća Tužilaštvu i predlagala sporazum o priznanju krivnje. Međutim Tužilaštvo je ustrajno, i neće dogovoriti ni jednu kaznu koja ne bude bila adekvatna

počinjenom, pa i bez obzira na to što neko se sporazumijeva i želi da prizna krivnju, može da dogovori manju kaznu. Javno ću reći zadnja ponuda koju je Tužilaštvo dobilo je pet godina, mi na to nismo pristali. Ali ne možemo ni omogućiti optuženog njegova branioca da se stalno obraća Tužilaštvu i predlaže sporazum i određenu krivično pravnu sankciju. Ja sam kao glavna tužiteljica često bila pitana, čak su to bila neka poslanička/zastupnička pitanja, kako se ne slažu podaci MUP-a Kantona Sarajevo i Kantonalnog Tužilaštva u pogledu broja predmeta, vrste krivičnih djela. Pa sam ja to nekoliko puta navrata i objasnila. Pa evo još ću jednom da objasnim. Kantonalno Tužilaštvo u Sarajevu ne postupa samo po prijavi koje podnosi MUP Kantona Sarajevo. Tužilaštvo u Sarajevu postupa i po prijavama koje podnosi FUP, prijavama koje nam dostavlja Tužilaštvo BIH, prijavama koje nam dostavljaju građani, prijavama koje nam dostavlja porezna uprava federalna, prijavama koje nam dostavlja Finansijska policija itd. Upravo zbog toga sam ja sabrala neke podatke za ovo kratko vrijeme, koliko sam mogla, koje ću da vam kažem- jeste statistika ali ova statistika nije suhoparna, nema puno podataka a može biti i znakovita. U toku 2015 godine po poznatom izvršiocu Tužilaštvo u Sarajevu je dobilo 7.661 predmet, a od toga je MUP Kantona Sarajevo kod nas otvorilo svojim prijavama 5504 predmeta, što znači da u toku prošle godine od ukupnog broja predmeta koji Tužilaštvo u Sarajevu zaprimilo, 71% predmeta se odnosilo na prijave MUP Kantona Sarajevo. U isto to vrijeme prošle godine Tužilaštvo je zaprimilo 9166 predmeta po nepoznatom izvršiocu. Što će reći da je od ukupnog broja prijavi koje su dole na Tužilaštvo odnos nepoznatog izvršioca i poznatog od strane MUP Kantona Sarajevo 40% je bilo protiv nepoznatih izvršilaca. Ja sam tamo poslanicima i objašnjavala koja je to vrsta predmeta, pa čak i građanima putem medija, kada su krenule velike akcije čišćenja tih spisa koji su stajali slobodno mogu reći 13 godina. U toku ove gospodine do 14. oktobra po poznatom izvršiocu smo dobili ukupno 5842 predmeta, od čega je MUP Kantona Sarajevo dostavio Tužilaštvu 3545 predmeta što je 60% predmeta od ukupnog broja koji smo primili do neki dan. Po nepoznatom izvršiocu dobili smo 5470 predmeta ili 64% od ukupnog broja po kada b i se omjer stavio poznatog i nepoznatog izvršioca. U toku 2015 godine to je zvanični podatak s kojim ste vi upoznati Tužilaštvo u Sarajevu je ukupno riješilo 2369 istraga. A u ovoj godini, do 14.10 1637 što znači da ćete vi naravno na kraju godine dobiti kompletan izvještaj o radu i do kraja godine koji je to konačan broj. Pa će se moći praviti usporedba u odnosu na prethodnu godinu. U toku 2015 godine mi smo podigli 1200 optužnica, a ove godine do 14.10 smo podigli 996 optužnica. Mi smo u toku 2015 gospodine, što bi vam možda bi interesantan podatak , podnijeli 275 žalbi a od čega 116 žalbi na kaznu. Do kraja godine ostalo je neriješeno 36 naših žalbi a podaci su sljedeći:

Odbijeni smo u 180 slučajeva, žalbe su nam uvažene u 60 predmeta i ni jednom nije preinačena odluka o kazni. Znači da Tužilaštvo nikada da se žalilo na odluku o kazni nije dobilo takvu odluku suda da bi kazna bila žešća. U ovoj godini do 14.10. podnijeli smo do sada 189 žalbi, od toga 104 su podnesene na kaznu. Odbijeni smo u 39 slučajeva, žalbe su uvažene u 17 predmeta i opet ni jednom na našu žalbu na odluku o kazni. Međutim, ono što je zabrinjavajuće, trenutno imamo neriješeno 133 predmeta po našim žalbama o kojima odlučuje bilo Vrhovni sud, bilo kantonalni sud u Sarajevu. Pritvori na kojim ovo Tužilaštvo zbilja istrajava, insistira, jer mi smatramo da je pritvor iz više razloga potreban, ne samo da se obezbjedi prisustvo optuženog na suđenju, nego da se vodi brži i efikasniji postupak. Mogu vam reći da smo u ovoj godini, opet u ovom periodu od 01. januara do 14. oktobra, sve ukupno izdejsvovali 103 pritvora na Općinskom sudu u Sarajevu, znači za krivična djela za koja je propisana kazna zatvora do 10 godina, i 27 pritvorskih predmeta na Kantonalnom sudu, gdje je zapriječena kazna zatvora preko 10 godina. Znači do 14.10. ukupno 130 predmeta. Ja ovdje imam pokazatelje otprilike po vrstama krivičnih djela. Najviše pritvora se odnosi na krivično djelo razbojništva, 9 na općinskom, 7 na kantonalnom sudu. Za tešku krađu 19 pritvora na općinskom sudu, izazivanje opće opasnosti 7 na općinskom sudu, za drogu 9 na općinskom sudu, za saobraćaj 2 na općinskom sudu, 1 na kantonalnom sudu, u ovom težem obliku saobraćaja. A ovom blažem obliku saobraćaja imamo jedan pritvor na općinskim sudu u Sarajevu. Nasilje u porodici u u 8

slučajeva, krivotvorenja 6 slučaja, prevare 2 slučaja. To su ono gdje smo uspjeli s pritvorima i moram odmah da vam kažem da za krivična djela za koje je nadležan općinski sud tužilac može dobiti pritvor samo u tri slučaja definitivno: to je ako je bio u bjekstvu ili postoji opasnost od bjekstva, ako to dokažemo, drugi slučaj je ako postoji opasnost da će uticati na svjedoke ili skriti tragove i dokaze važne za istragu u tom krivičnom predmetu, što obično otpadne čim se taj svjedok sasluša i dokaz pribavi, i ova tačka tzv. c) to je kada se radi o povratniku, osobi koja ranije kažnjavana. A ja ću vam objasniti šta to znači. I to opet pod uslovom da se radi o istom ili istovrsnom krivičnom djelu, šta se opet mora dovesti u vezi sa ličnosti osumnjičenog. Zakon je vrlo restriktivan, ali to nas ne obeshrabruje, mi se uvijek trudimo da damo dosta argumentacije, tako da recimo ova krivična djela koja su u nadležnosti opštinskog suda ili svi pritvori koje sam vam spomenuli iz nadležnosti tog suda, obično su proizašli iz ova tri razloga. Što se tiče potvrđenih optužnica, koje je Tužilaštvo podiglo 2015 godine, mi smo ukupno izdejstvovali 928 potvrđenih optužnica i najviše se njih na Opštinskom sudu odnosilo upravo na saobraćaj, 137, a ove godine do 14.10. dobili smo 728 potvrđenih optužnica. Što se tiče žalbi, dala sam određene podatke. Zašto hoću da napravim jednu razliku kada je u pitanju povratnik i kada je u pitanju ova situacija koju sam vam rekla da lice mora biti kažnjavano. To je da pojasnim i vama i građanima koji nas prate, jer mi moramo praviti razliku između osuđivanog lica i lica koje je u policiji registrovano u tzv. operativnoj evidenciji. Operativna evidencija nije dokaz da je neko ranije kažnjavao. To praktično znači da mi možemo imati izvod iz operativne evidencije koje nam ukazuje da se to lice dovodilo u vezu sa nekim krivičnim djelima ali nisu osuđeni za to, možda nije ni prijava podnesena koja procesuirala uspješno. I ono što se zove izvod iz kaznene evidencije, koji nam pokazuje po kojoj presudi kojeg suda, na koju kaznu, koje godine, za koje krivično djelo neko oglašen krivim. I molim vas treću stvar, vrlo važnu koju ne smijemo zanemariti, a to je maloljetnička delinkvencija, gdje jedno lice koje je odgovaralo kao maloljetnik i koje je procesuirano kao maloljetnik se ne može evidentirati kao kažnjeno lice. Ne samo da mu se to ne može računati kada se odmjerava kazna, nego se čak s tim podatkom ne smije izaći ni prema vani, a sve u cilju zaštite maloljetnika. I je tako Zakon rekao. Ovo potanko objašnjavam, zbog moje potrebe koju ne želim da iko smatram nekom konfrontacijom, samo smatram da svako ko izađe sa podacima, mora izaći argumentovano i da mora svako odgovarati za javno izgovorenu riječ. Na konferenciji za štampu komesar Čosić, koji je sazvao neki dan, iznio je podatke koje se ja nadam da je bila štamparska greška, kada su novinari rekli da je protiv Sefić Sanjina podneseno 18 krivičnih prijava. Ja se nadam komesaru da je ova evidencija bila greška jer je Tužilaštvo Kantona Sarajevo dobilo samo 8 prijava protiv Sefić Sanjina, u odnosu na 18 to je skoro duplo manje. Jer je tamo rečeno da ni jedna nije procesuirana znate. 8 prijava, od toga 6 se odnosilo na njega kao maloljetno lice i svih 6 puta je Tužilaštvo kao prema maloljetniku reagovalo na način što je podnijelo prijedlog za pokretanje postupka pred Općinskim sudom. 2 prijave su postojale u odnosu na Sanjina Sefića kao punoljetno lice i ove prijave su isto procesuirane, 1 je prijava otvorena istraga zbog nedostatka dokaza je obustavljena, a u jednom predmetu je optužen, oglašen je krivim, izrečena mu je uslovna osuda, s kojom Tužilaštvo nije bilo zadovoljno i podnijelo je žalbu u kojoj Kantonalni sud još nije donio odluku. Prekršajne evidencije su evidencije koje se odnose na prekršajnu odgovornost, s čim Tužilaštvo nema ništa, znači prekršaji se vode na Općinskom sudu u Sarajevu. To samo radi korektnosti i radi tačnih informacija. Dakle, nije tačno da Tužilaštvo u Sarajevu nije procesuiralo Sejfića ni po jednoj prijavi koju je MUP podnio. Po svim prijavama smo procesuirali odgovornog i čak se žalili na odluku o krivično-pravnoj sankciji. Ja ću u svakom slučaju biti vama na raspolaganju, bit ću ovdje cijeli dan, dokle god vi budete zasjedali i odgovorit ću na svako vaše pitanje ukoliko ih imate za mene. Hvala vam.

Predsjedateljica:

Hvala lijepo uvažena tužiteljice. A sada pozivam predsjednika Nezavisnog odbora.

Predsjednik Nezavisnog odbora Dragan Medović:

Uvažena gospodo predsjedavajuća, uvaženi predsjedništvo, uvaženi zastupnici Skupštine Kantona Sarajevo, poštovani premijeru, ministri u Vladi Kantona Sarajevo, uvaženi gosti, dozvolite da vas pozdravim ispred Neovisnog odbora za izbor i reviziju policijskog komesara Kantona Sarajevo. Ja sam Dragan Medović predsjedavajući u ovih šest mjeseci Neovisnim odborom. Uvažena gđo predsjedavajuća, Neovisni odbor je jučer u popodnevним satima dostavio vama našu Informaciju onako kako ste je zatražili. Istina, naša Informacija, složiti ćete se sa mnom nije baš mogla biti u smislu kako ste vi tražili, Aktuelna bezbjednosna situacija, jer to nije u isključivoj nadležnosti ovog Odbora ali smo vam dostavili jednu cjelovitu informaciju koja otprilike ukazuje na sve aktivnosti koje ovaj Odbor proveo u posljednje vrijeme. Ja ne znam da li ste uspjeli distribuirati zastupnicima zbog onoga što želim da otprilike u akcentima, ona je malo i veća, pa mislim da zbog te činjenice molim da bih znao kako izlagati.

Predsjedateljica:

Samo izvolite, izložite vaš Izvještaj. Kompletnu informaciju. Hvala lijepo.

Dragan Medović:

Evo ona ovako izgleda, dakle:

U vezi sa zaključkom Skupštine Kantona Sarajevo broj vaš od 13.10.2016 kojim je između ostalih zatraženo i od Nezavisnog odbora da dostavi Informaciju o stanju sigurnosti u Kantonu Sarajevo, podsjećamo na nadležnosti Nezavisnog Odbora koje su propisane članom 33. i 45. Zakona o unutrašnjim poslovima Kantona Sarajevo, pa član 33. propisuje nadležnosti. Evo ja ću ih samo reći:

Član 33.

- a) raspisuje i provodi Javni konkurs za imenovanje policijskog komesara;
- b) vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra;
- c) prati rad policijskog komesara i o tome izvještava Skupštinu kantona;
- d) predlaže smjenu policijskog komesara Vladi Kantona u skladu sa ovim zakonom;
- e) vodi prvostepeni disciplinski postupak protiv policijskog komesara i izriče disciplinske sankcije;
- f) prima, razmatra i postupa po podnesenim žalbama na rad policijskog komesara;
- g) usvaja poslovnik o radu Nezavisnog odbora i izvještava Skupštinu Kantona o svom radu;
- h) obavlja i druge poslove koji su stavljani u njegovu nadležnost ovim zakonom.

i člana 45. koji kaže:

Član 45.

- 1) Nezavisni odbor se sastaje najmanje jedanput mjesečno;
- 2) policijski komesar je dužan redovno izvještavati Nezavisni odbor o svom radu i staviti mu na raspolaganje sve tražene informacije i dokumentaciju iz nadležnosti rada Nezavisnog odbora;
- 3) Nezavisni odbor sačinjava detaljan izvještaj tromjesečni o radu policijskog komesara i dostavlja ga Skupštini Kantona Sarajevo.

E sada je naše izjašnjenje.

S obzirom na naprijed navedene odredbe koje se odnose na praćenja rada i izvještaja od strane policijskog komesara Neovisni odbor je u kontinuitetu tražio informacije kako pismenim tako i usmenim putem od policijskog komesara. U prethodnom periodu i izazova sa kojima se suočio Nezavisni odbor, a koji su od uticaja na sigurnosnu situaciju u Kantonu Sarajevo možemo dati informaciju sa posebnim akcentom na slučajeve za koje smatramo da su negativno uticali na sigurnosnu situaciju u Kantonu Sarajevo.

Slučaj Đenan Memić

Nezavisni odbor je 19.05.2016. godine učestvovao na Vanrednoj sjednici Vlade Kantona Sarajevo, koja je bila zakazana radi razmatranja sigurnosne situacije u Kantonu Sarajevo. Na sjednici su učestvovali i predstavnici Vlade Kantona Sarajevo, glavna tužiteljica Kantona Sarajevo Dalida Burzić, Ministar MUP-a Kantona Sarajevo Vedran Mulabdić i predstavnici Nezavisnog Odbora Skupštine Kantona Sarajevo. Na navedenoj sjednici se pokazao najblaže rečeno otvoreni animozitet između Uprave policije i Tužiteljstva koji su odgovornost za propuste u slučaju Đenan Memić međusobno prebacivali jedni na druge.

Zajednički zaključak je bio da građani Kantona Sarajevo ne mogu biti taoci takvog odnosa, te da se ta saradnja može i mora unaprijediti.

Vodeći računa o naprijed navedenom, Nezavisni odbor je planirao da u svojim redovnim aktivnostima posjeti Tužiteljstvo Kantona Sarajevo i Upravu policije - zaključak AD 4, sa 32 sjednice Nezavisnog Odbora od 12.07.2016 godine. Evo zaključka:

AD-4

Kako bi se poboljšala saradnja između MUP-a Kantona Sarajevo i Tužilaštva Kantona Sarajevo dogovoreno je se organizuje sastanak sa glavnom kantonalnom tužiteljicom. Ovu obavezu Nezavisni odbor će realizovati poslije godišnjih odmora početkom septembra.

Izvještavajući Nezavisni odbor o slučaju Đenana Memića, Policijski komesar je između ostalog istakao da je nakon tvrdnji Glavne tužiteljice preduzeo radnje koje su imale za cilj da utvrde postupanje ovlaštene službene osobe uprave policije (B.J) za koga je tužiteljica ustvrdila da je dao dva dijametralno različita službena iskaza. Nakon provjere navoda od strane Jedinice za profesionalne standarde, utvrđeno je da je istraga završena, citiram sa „nema dovoljno dokaza“.

U toku vođenja istrage u ovom slučaju, Skupština Kantona Sarajevo na sjednici održanoj 30.05.2016. godine donijela je zaključak kojim se prihvata inicijativa za donošenje odluke o pokretanju postupka skupštinskog nadzora nad zakonitošću rada Uprave policije MUP-a Kantona Sarajevo u predmetu Dženan Memić. Slijedom naprijed navedenog, Komisija za sigurnost Skupštine Kantona Sarajevo na sjednici održanoj 03.06.2016. godine donijela je Odluku o formiranju Ad hoc tijela za slučaj Dženan Memić sa utvrđenim zadacima koje će obavljati u skladu sa Uputstvom o sadržaju i vršenju skupštinskog nadzora nad zakonitošću rada MUP-a KS i Uprave policije Zbog postojanja osnova sumnje da je u gore navedenom slučaju Policijski komesar Kantona Sarajevo počinio povrede službene dužnosti iz člana 52. stav (1) tačka d) i g) Zakona, Komisija za sigurnost je podnijela ministru unutrašnjih poslova Inicijativu za pokretanje disciplinskog postupka i utvrđivanje disciplinske odgovornosti policijskog komesara.

Na osnovu Inicijative, dana 10.10.2016. godine ministar unutrašnjih poslova Kantona Sarajevo donio je Rješenje o pokretanju disciplinskog postupak koje je Nezavisni odbor zaprimio istoga dana.

Želim vas uvaženi zastupnici obavijestiti da je zakonska obaveza Neovisnog odbora da u roku od 60 dana kao prvostepeni disciplinski organ okonča ovaj disciplinski postupak donošenja svoje odluke.

Rad Uprave policije nakon vanredne sjednice

Naglašavamo činjenicu da se sigurnosna situacija po dostavljenim izvještajima znatno poboljšala, te je period iza održane ove sjednice koju sam maloprije pomenuo, Vlade Kantona Sarajevo obilježen sa nekoliko uspješnih akcija Uprave policije: akcija sprječavanja krađe vozila, policijska potjera, opravdana upotreba policijskih ovlasti u nekim predmetima itd.

Primjedbe Nezavisnog odbora na nedolazak policijskog komesara na sjednice Nezavisnog odbora

U ovom periodu do danas, Nezavisni odbor je imao primjedbi na nedolazak policijskog komesara na sjednice kojima je prisustvovao njegov zamjenik - načelnik sektora uniformisane policije Mevludin Halilović, koji nije uvijek mogao dati tražene informacije iz objektivnih razloga.

Budući da policijski komesar odgovor nije dostavio Nezavisni odbor je na svojoj 34. sjednici održanoj dana 29.09.2016 godine policijskom komesaru ponovo zatražio obrazloženje u vezi sa ne prisustvovanjem sjednicama u formi zaključaka i tom prilikom izrazio svoj protest. Evo ja ću citirati našu odluku.

Nezavisni odbor je iskazao protest zbog čestog odsustva Policijskog komesara sjednicama Nezavisnog odbora. Naime u zadnjih 6 održanih sjednica Nezavisnog odbora, Policijski komesar nije prisustvovao na 4. Zato je odlučeno da se od komesara traži pismeno obrazloženje zbog ne prisustvovanja sjednicama Nezavisnog odbora.

Dana 04.10.2016 godine policijski komesar je dostavio akt - Obavijest o poduzetim mjerama po zaključcima Neovisnog odbora u kojim je opravdao izostanak sa samo 2 sjednice (sjednicu od 14.06.2016 i 29.09.2016 godine) od traženih 6 sjednica. Na naprijed navedeni način Nezavisni odbor ostao je uskraćen za potpunu informaciju kako se to zahtjevalo.

Slučaj Orhan Bajraktarević

Dana 08.07.2016 godine temeljem informacija iz medija Nezavisni odbor je od Policijskog komesara zatražio da se dostavi informacija o događajima vezanim za profesora Fakulteta islamskih nauka Orhana Bajraktarevića, koji je prema informacijama iz medija navodno pretučen od strane policije.

Dana 08.07.2016 godine je dostavljena informacije u kojoj je između ostalog konstatovano kao zaključak - da citt: *"prema imenovanom nisu korištena bilo kakva sredstva prinude"*. Ova informacija je dostavljena i javnosti.

U dostavljenoj informaciji je uočeno nekoliko nelogičnosti i kontradikcija, te da uopće nije bilo opisano kako je profesor Orhan Bajraktarević sa lica mjesta došao do policijske stanice? Radi naprijed iznesenog zatražena je dopuna informacije.

Nezavisni odbor je ponovo zatražio informaciju o ovom događaju, te istu zaprimio dana 22.08.2016 godine u kojoj je ovaj put izvješteno da je ipak bilo upotrebe sile i da je pokrenut disciplinski postupak protiv policajca B.B. te ja saopšteno da je to nadzornim kamerama utvrđeno.

Dana 30.08.2016 godine na 33. sjednici Nezavisnog odbora na kojoj je prisustvovao i Policijski komesar gospodin Vahid Ćosić, se između ostalog razmatrao i slučaj Orhana Bajraktarevića od strane Nezavisnog Odbora. Od Policijskog komesara ponovno je zatražena informacija u slučaju Orhana Bajraktarevića - tačnije dopuna se tražila o postupanju Jedinice za profesionalne standarde u pogledu postojanja osnova sumnje da je i "drugi policajac" L.N. počinio povrede službene dužnosti. Jer su događaju prisustvovala dva policajca, a u dostavljenim informacijama drugi policajac spominje se samo „kao puki posmatrač“, bez uzimanja njegove izjave, odnosno službene zabilješke o ovom događaju.

Iz prvobitne informacije Uprave policije povodom ovog događaja koja je data medijima, a po kojoj "nije uopće bilo upotrebe sile" se pretpostavlja da su u smislu navedenog "oba" policajca dali izjavu da nije bilo primjene sile - na temelju čega je policija izašla sa prvobitnim saopštenjem.

Naknadno je utvrđeno, da ipak postoje osnovi sumnje da je upotrijebljena sila, te je pokrenut disciplinski postupak „ali“ samo protiv jednog policajca. Od strane Nezavisnog odbora je od Policijskog komesara usmeno zatražena konkretna informacija - Zašto nije pokrenut postupak disciplinske odgovornosti i prema drugom policajcu? u smislu odgovornosti za njegovo davanje (vjerovatno netačne izjave/službene zabilješke) o tome da se u ovom događaju nije primjenjivala sila. Policijski komesar je odgovorio da je to odgovornost jedinice za profesionalne standarde da će on u smislu navedenog provjeriti u Jedinici za standarde Uprave policije i dopuniti informaciju prema Nezavisnom Odboru.

Nezavisni odbor je konstatovao da je iz predmetne informacije vidljivo da je Uprava policije prvo izašla sa informacijom u javnost da nije bilo upotrebe sile da bi se kasnije utvrdilo da je ipak sila bila korištena i to na način suprotan propisima, tako da je kroz dostavljanje ovakvih informacija u medijima stvorena pogrešna javna percepcija predmetnog događaja što prema ocjeni ima uticaja na ugled i imidž policije. Zbog naprijed navedenog, Nezavisni odbor je sugerisao da se javnost informiše o provedenoj unutrašnjoj istrazi, zatim o činjenici pokretanja privremene suspenzije jednog policijskog službenika, kao i u vezi utvrđivanja činjenice da oštećena osoba nije fizički pretučena.

Zbog različitih informacija koje je Nezavisni odbor dobio u vezi slučajem Orhana Bajraktarevića naloženo je Policijskom komesaru da objedini i dopuni informaciju koja bi bila plasirana javnosti kao i Nezavisnom odboru.

Dana 04.10.2016 godine policijski komesar dostavlja dopunjenu informaciju u kojoj je Nezavisni odbor ponovno ostao uskraćen za traženu informaciju u pogledu pokretanja/ne pokretanju disciplinskog postupak protiv drugog policajca u slučaju Orhana Bajraktarevića.

Slijedi ovaj Slučaj paljevina pravoslavne crkve Svetog Preobraženja u Pofalićima, ali on toliko nije značajan. I sada imamo ovo što je aktuelno.

Predsjedateljica:

Mislim da je sve značajno, pročitajte.

Dragan Medović:

Dobro.

Nezavisni odbor je posredstvom medija došao do informacija da je u ovom predmetu bilo propusta od strane policijskih službenika, tačnije da lice D.N koje je osumnjičeni za ovo djelo nije prilikom privođenja pretreseno, te da je tom prilikom propušteno da se pronađe novac - isti je pronađen tek naknadno.

Dana 29.09.2016 godine (zaključci Nezavisnog odbora sa sjednice od 29.09.2016) od policijskog komesara je zatražena detaljna informaciju o istom. Policijski komesar je dana 04.10.2016 godine dostavio odgovor u kom je navedeno da je dana 21.08.2016 godine od policijskih službenika O.A i Ž.A učinjen prethodno opisani propust, te da je pokrenut disciplinski postupak protiv istih za ne izvršavanje, nesavjesno, neblagovremeno ili nepažljivo izvršavanje službenih zadatka. Postupak je pokrenut na inicijativu - obavijest tužioca dana 25.08.2016 godine.

Ovo je jedan od slučajeva za koji je Nezavisni odbor saznao iz medija, a ne od strane policijskog komesara, te je radi toga policijskom komesaru upućen zaključak Nezavisnog odbora broj 3. u kome se od policijskog komesara traži da Nezavisni odbor bude pravovremeno informisan o događajima u Kantonu Sarajevo koji imaju ili mogu imati implikacije po sigurnosnu situaciju u Kantonu Sarajevo, a ne da o istima saznaje putem medija, a od policijskog komesara tek naknadno.

Prijave protiv policijskog komesara

Dana 10.10.2016 godine, Nezavisni odbor je zaprimio Rješenje ministra unutrašnjih poslova Kantona Sarajevo o pokretanju disciplinskog postupka protiv policijskog komesara, donesenog na temelju inicijative o pokretanju disciplinskog postupka podnesene od strane Komisije za sigurnost Skupštine Kantona Sarajevo.

O ovome je zastupnik, gospodin Okerić detaljno govorio, ali ja samo želim ispraviti, ja vjerujem da je to bila u biti greška. On je pomenuo da se radi o Neovisnom odboru MUP-a kantona, a ne o Neovisnom odboru Skupštine Kantona Sarajevo.

Naglašavamo da za vrijeme dosadašnjeg mandata policijskog komesara nije bilo podnesenih prijava protiv policijskog komesara. Ovo su naše evidencije.

Prva hitna sjednica Nezavisnog Odbora (poseban osvrt na obavijest komesara o sjednici na kojoj su prisustvovali ministar unutrašnjih poslova, premijer Vlade Kantona Sarajevo i predsjednik Komisije za sigurnost Skupštine Kantona Sarajevo).

U vezi sa posljednjim događajima u Kantonu Sarajevo i po mišljenju eksperata narušene bezbjednosne situacije u Kantonu, Nezavisni odbor je za dan 11.10.2016 godine u skladu sa Poslovníkom o radu sazvao hitnu sjednicu Nezavisnog odbora, sa samo jednom tačkom dnevnog reda „Razmatranje sigurnosne situacije u Kantonu Sarajevu“.

Sjednici su uz dozvolu Nezavisnog odbora, prisustvovali ministar unutrašnjih poslova, premijer Vlade Kantona Sarajevo i predsjednik Komisije za sigurnost Skupštine Kantona Sarajevo.

Na sjednici je od strane Nezavisnog odbora, Policijskom komesaru ponovno upućena kritika da

je Nezavisni odbor ponovno zadnji upoznat sa proteklim događajima, posredstvom medija i portala, na šta je policijski komesar izjavio da je tek sada okonačana istraga i on može izvijestiti Nezavisni odbor o proteklim događajima. To su događaji od 10. oktobra o.g. svima nam poznati.

Instruktivna depeša

U prilogu odgovora na zaključke (zaljucci Nezavisnog odbora od 29.09.2016 godine) policijski Komesar je dana 04.10.2016 godine Neovisnom odboru dostavio i dokument - instruktivna depeša od 09.03.2016 godine koja ranije nije bila dostavljena ovom odboru.

Ovaj akt (instruktivna depeša od 09.03.2016 godine) je bio predmet diskusije na hitnoj sjednici Nezavisnog Odbora od 11.10.2016 godine, tačnije diskusije koja je nastavljena nakon nastavka sjednice (kada su gosti: premijer, ministar MUP-a i predsjedavajući Komisije za sigurnost napustili sjednicu).

U Instruktivnoj depeši se navodi da je, citiram: „za vremenski period 2015. godina, kao i dosadašnji period 2016. godine (do marta 2016. godine), evidentno je da se nisu ostvarili adekvatni rezultati niti postigli željeni efekti i ciljevi u oblasti sigurnosti na području Kantona Sarajevo što dodatno usložnjava ukupnu bezbjednosnu situaciju a samim tim i otežava rad Uprave policije". Dalje se naređuje provođenje niza mjera u cilju poboljšanja bezbjednosne situacije. Naravno te se mjere odnose na policiju.

U vezi sa navedenim Nezavisni odbor je postavio upit Komesaru kako je obzirom na ovu depešu Izvještaj policijskog komesara za period koji se tretira depešom 2015 i dio 2016 godine, ocijenjen suprotno? Na isto je Komesar odgovorio da je ovo stara depeša koja je za cilj imala unapređenje rada Uprave policije i da još uvijek nisu dobiveni rezultati njene realizacije obzirom da su za realizaciju naloženih mjera iz iste odgovorni rukovodioci organizacionih jedinica Uprave policije.

U ovom kontekstu treba napomenuti da je Nezavisni odbor na svojoj 34. sjednici održanoj dana 29.09.2016. godine, a zbog ne dobijanja traženih informacija od strane policijskog komesara predvidjeli stalnu tačku dnevnog reda "Realizacija zaključaka" i u tom smislu ponovo urgirali na dostavljanje informacija. U tom smislu smo a u cilju sagledavanja intenziteta i kvaliteta rukovođenja Upravom policije od policijskog komesara ponovno tražili dostavu informacije o izvršenom redovnom i vanrednom inspekcijskom nadzoru nad radom Uprave policije sa posebnim naglaskom na vanredni inspekcijski nadzor koji je prema mišljenju Nezavisnog odbora karakterističan jer se vanredni inspekcijski nadzor provodi iz posebnih razloga. Opravdanost urgiranja traženja ove informacije se potvrdila kroz sadržinu instruktivne depeše koju je policijski komesar dostavio Nezavisnom odboru, posebno u smislu diskrepancije između konstatacija u navedenoj depeši i informacija koje je Nezavisni odbor dobijao kroz redovne Izvještaje o radu Uprave policije i Policijskog komesara.

Nezavisni odbor je održao još jednu sjednicu 13.10.2016 godine na kojoj su bili prisutni i predstavnici političkog odjela OHR i izrazili želju da budu prisutni čemu je Nezavisni odbor udovoljio, na kojoj se razmatralo po slijedećim tačkama dnevnog reda:

1. Obavijest Policijskog komesara upućena Nezavisnom odboru;
2. Postupanje po zaključcima Kolegija Skupštine Kantona Sarajevo;
3. Zaključak Vlade Kantona Sarajevo upućen Nezavisnom odboru;
4. Zahtjevi građana povodom terora na sarajevskim ulicama;

U vezi sa Obavijesti broj: 02/PK-1-213 od 13.10.2016 godine podnesenoj od Komesara koja je upućena javnosti, OHR-u, Specijalnom predstavniku EU - Šef Delagacije EU u BIH, Američkoj ambasadi u Sarajevu, Skupštini Kantona Sarajevo i Neovisnom odboru, Nezavisni odbor je jednoglasno od svih prisutnih članova usvojio sljedeći zaključak:

Da su navodi iz Obavijesti Policijskog komesara potpuno neosnovani i da prisustvo premijera Konakovića, ministra Mulabdića i predsjednika Komisije za sigurnost Okerića, ni na koji način nije ugrozilo neovisnost Nezavisnog odbora, niti stavljanje istog pod nečiju kontrolu.

Na navedenoj sjednici Nezavisni odbor je donio zaključak slijedećeg sadržaja: *Nezavisni odbor na hitnoj sjednici održanoj dana 12.10.2016. godine, razmatrao je bezbjedonosnu situaciju u Kantonu Sarajevo u svijetlu tragičnih događanja i konstatovao da je ista nezadovoljavajuća.*

Tako da nije tačna informacija da je Nezavisni odbor odbio smijeniti policijskog komesara jer takva tačka nije niti bila na dnevnom redu.

Ocjenjujući ulogu Policijskog komesara Vahida Ćosića, u ovim tragičnim dešavanjima, Nezavisni odbor će izvršiti analize i prikupiti dodatne informacije, nakon čega će se utvrditi eventualna odgovornost Komesara, te preduzeti odgovarajuće mjere o kojima će javnost biti blagovremeno informisana.

Zaključak je od strane Nezavisnog odbora prosljeđen na objavljivanje svim medijima.

Dakle, uvažena gospodo predsjedavajući, to bi bila naša informacija. Želim da vam kažem samo šta Neovisni odbor, šta ga čeka u nekom vrlo skorom periodu. Vi ste ovdje uočili da imaju tri pravca rada. Jedan je postupanje po Rješenju ministra MUP-a kojim je pokrenut disciplinski postupak protiv Komesara, zbog povrede službene dužnosti. Neovisni odbor u tom predmetu ima zakonsku obavezu da donese odluku u rok od 60 dana od dana kada je zaprimio tu prijavu. To je 10.oktobar i mi ćemo u tom smislu sigurno postupiti. Imamo drugi pravac rada, to je ovaj zaključak Vlade Kantona. Ja mislim da je on od 12. oktobra u kome je od ministra MUP-a Kantona Sarajevo u smislu odredbe člana 50 Zakona o unutrašnjim poslovima zahtijevano da podnese inicijativu Neovisnom odboru za smjenu policijskog komesara, zato što je postupio protivno odredbi člana 23. stav (3) Zakona o unutrašnjim poslovima. Obaveza Odbora je da ovu inicijativu nakon što ona bude dostavljena na ovu inicijativu razmotri i da svoje mišljenje u roku od 15 dana. Do danas, ja mislim do petka, čini mi se i do jutros, ova inicijativa još uvijek nije dostavljena Neovisnom odboru, tako da ćemo i to učiniti onako kako to nalaže Zakon. I imamo ovaj naš zaključak od 12. oktobra koji smo sami pokrenuli inicijativu da utvrdimo prije bilo kakve odluke da izvršimo prikupljanje informacija i donesemo našu odluku i to ćemo u najskorije vrijeme uraditi. Želim vas podsjetiti najprije zbog onoga što je najbitnije u Neovisnom odboru to je profesionalnost i neovisnost a to zahtijevaju zakonske odredbe, da svaka naša odluka mora imati utemeljenje u dokazima koji će nam se ponuditi budući i uredba o provođenju disciplinskog postupka i utvrđivanju disciplinske odgovornosti predviđela, da policijski komesar odgovara za povrede radne dužnosti koje je učinio svojom krivnjom. Eto to bi bilo neko naše izjašnjenje u vezi sa svim ovim aktuelnim događajima. Mi smo ga sačinili i evo ja ću stajati na raspolaganju u granicama onoga što mogu da dam. Hvala.

Predsjedateljica

Hvala lijepo uvaženi gospodine Međoviću. A sada pozivam policijskog komesara Vahida Ćosića. Izvolite.

Polijski komesar Kantona Sarajevo Vahid Ćosić:

Poštovani pripadnici ministarstva unutrašnjih poslova, uvaŹeni ĉlanovi porodica tragiĉno nastradalih, uvaŹena predsjedavajuća, zamjenici predsjedavajuće, premijeru, ĉlanovi Vlade, poslanici/zastupnici, gosti, predstavnici medija, a posebno građani Kantona Sarajevo koji danas pored malih ekrana pratite današnju vanrednu sjednicu Skupštine Kantona Sarajevo, na osnovu informacije o usloŹnenoj sigurnosnoj situaciji na podruĉju Kantona Sarajevo. Prije nego što se referišem o svim aktuelnim sigurnosnim pitanjima, Źelim da vas obavijestim da naša informacija o stanju sigurnosti na podruĉju FBIH se saĉinjava na osnovu instrukcije o međusobnom izvještavanju o pojavama iz oblasti javne sigurnosti između Federalnog ministarstva unutrašnjih poslova i kantonalnih ministarstava unutrašnjih poslova o pitanjima kojima su od interesa za sigurnost FBIH, od 26. jula 2007.godine. Na osnovu svih analitiĉkih i statistiĉkih informacija koje dobijemo od nadleŹnih organizacionih jedinica Uprave policije MUP-a naša informacija o stanju sigurnosti se saĉinjava na takav naĉin. Znaĉi postoje dva segmenta, statistike i analitike potkrijepljene sa statistiĉkim pokazateljima i informacijom mi se u potpuno mi se u cijelosti moramo pridŹravati takvog koncepta izvještavanja Federalne uprave policije i nas kao kantonalnih policijskih organa. Ovdje su, ja ĉu samo najkarakteristiĉnije informacije koje su saĉinjene u jednoj novoj, inoviranoj verziji kada je u pitanju stanje sigurnosti na podruĉju Kantona Sarajevo da vas obavijestim da sam naloŹio da na našoj zvaniĉnoj web stranici u 09,30 sati bude postavljena ova informacija kako bi građani Kantona Sarajevo putem naše web stranice mogli da prate sve ove informacije o kojima ĉu ja danas zvaniĉno da se izjasnim.

Kada je u pitanju oblast kriminaliteta za januar – septembar 2016. godine evidentirano je registrovano 3489 kriviĉnih djela što je za 636 ili 15,4% manje nego što je to bilo u istom periodu prethodne godine. Ono što posebno ĉu naglašavati i što ĉu apostrofirati u svim oblastima, u oblasti kriminaliteta jeste povratniĉka populacija.

Za izvršenje navedenih djela prijavljeno je 1780, od kojih su 1073 povratnika u ĉinjenju kriviĉnih djela, ili 60,3% od ukupno prijavljenih.

Za period januar – septembar 2016 godine 2399 sluŹbenih izvještaja (iz izvještajnog i iz ranijih perioda), od strane Kantonalnog tuŹilaštva, donesena je naredba o obustavi i ne provođenju istrage za 1.079 ili 31% manje u odnosu na uporedne pokazatelje prošle godine.

Kada su u pitanju kriviĉna djela protiv Źivota i tijela evidentirana su dva kriviĉna djela ubistva, i 11 kriviĉnih djela pokušaja ubistva. Sva kriviĉna djela ubistva i pokušaja kriviĉnih djela ubistva su rasvijetljena. Poĉinioci kriviĉno tehniĉki obrađeni i u sluŹbenom izvještaju predati su postupajućim tuŹiocima kantonalnog TuŹilaštva.

Kada govorim o pojedinim dijelovima oblasti kriminaliteta, odmah ĉu naznaĉiti i apostrofirati ĉu sigurnosne događaje koji su dodatno uznemirili građane Kantona Sarajevo a odnosi se prije svega na 10. oktobar 2016 godine oko 23,45 sati, u Ulici DŹamijska do broja 6/III Opština Novo Sarajevo, pronađeno je lice Ambrozić Mladen sa teškim povredama u predjelu glave, koji je oko 23,55 sati uslijed zadobijen povreda i preminuo. Skratit ĉu, na lice mjesta je izašao postupajući tuŹilac Kantonalnog TuŹilaštva, formirana je uviđajna ekipa od strane operativno komunikacijskog centra, kome su prisustvovali pripadnici policije, sektora kriminalistiĉke policije, odjeljenja opšteg kriminaliteta, odsjeka za krvne, seksualne i delikte ratnog zloĉina i vještak sudsko medicinske struke. Za nepunih osam sati, policijski sluŹbenici sektora kriminalistiĉke policije su uspjeli indicirati moguće poĉinioce ovog teškog kriviĉnog djela ubistva. Za nepunih 20 sati, osobe za koje se osnovano sumnja da su izvršili ovo kriviĉno djelo, su lišene slobode, uviđaji su urađeni, kriminalistiĉko tehniĉki su zadokumentovani svi materijalni dokazi koji trebaju da idu u sluŹbeni izvještaj i tri osobe, od kojih dvije koje se osnovano sumnjaju da su izvršile kriviĉno djelo ubistva, jedno lice za pomoć poĉiniocu nakon izvršenog kriviĉnog djela ubistva predati su u nadleŹnost TuŹilaštva.

Kada su u pitanju kriviĉna djela protiv slobode prava ĉovjeka i građanina, dana 04.10. na

području Opštine Novo Sarajevo koje pokriva II policijska uprava pojavile su se određene informacije u vezi nepoznatih muških osoba koje se pojavljuju oko škola s ciljem eventualnog, pod navodima, moram da kažem „kidnapovanja“ odnosno otmice djece. Takav slučaj se desio i evidentiran je od 06.10 i 10.10 i 12.10. po svim ovim obavijestima, odnosno informacijama da se radi o ovakvim događajima aktivirani su i animirani policijski službenici MUP-a na svom teritorijalnom području s ciljem provjere navoda, eventualne identifikacije počinitelaca i daljeg procesuiranja. Dana 13.10. od strane građanina obaviještena je Prva policijska uprava u ulici Bakarevića Opština Stari Grad da je primijećeno jedno vozilo marke WV kombi u kojem se nalazila dva lica na zadnjem sjedištu uočena plastična maska. Odmah po zadobijenoj prijavi policijski službenici su u Ulici Telali Opština Stari Grad zatekli žensku osobu koja je izjavila da pomenutog dana u 12.50 sati u blizini Ambasade Kraljevine Norveške primijetila motorno vozilo. Navedena lica su identifikovana, pronađen je navedeni kombi, i u službene prostorije su pozvani radi obavljanja razgovora na navedene okolnosti. O prethodnom je obaviješten tužilac Kantonalnog Tužilaštva u Sarajevu da se predmetno vozilo fotografiše, lica na pomenute okolnosti saslušaju. Izvršenim provjerama utvrđeno je da se navedene osobe ne mogu dovesti u vezi sa uznemiravanjem djece, policijski službenici su nastavili dalje provjere svih navoda i medija odnosno građana s ciljem utvrđivanja činjeničnog stanja.

Kada je u pitanju oblast krivičnih djela protiv spolne slobode i morala u ovoj oblasti podneseni su službeni izvještaji protiv pet lica od kojih su tri povratnika a dva lica su lišena slobode. Krivično djelo protiv braka, porodice i mladeži, evidentirano je 171 krivično djelo, od čega su 102 povratnika ili 59,6% a 95 lica je lišeno slobode.

U oblasti krivičnih djela protiv zdravlja ljudi podnesi su službeni izvještaji protiv 247 lica, od kojih je 138 povratnika ili 55,9%.

Krivična djela protiv privrede, poslovanja i sigurnosti platnog prometa, evidentirano je 18 krivičnih djela, 10 više, proaktivno djelovanje sa ukupnom materijalnom štetom od 874.660,83 KM.

Krivična djela protiv imovine, najzastupljenija krivična djela u svim kantonalnim ministarstvima unutrašnjih poslova tako i u Kantonu Sarajevo, tako i na prostoru FBiH, i u drugim policijskim agencijama u okruženju i šire. U oblasti krivičnih djela protiv imovine, registrovano je 2376 krivičnih djela, što je za 576 ili 19,% manje nego što je to bio uporedni period prošle godine.

Prijavljeno je 650 lica od čega je 62 povratnika u činjenju ove krivičnih djela ili 71,1% a 227 lica je lišeno slobode.

Objekti napada prilikom vršenja ovih krivičnih djela protiv imovine najčešće su bila motorna vozila 629 puta. Želim da naglasim da u odnosu na uporedni period broj otuđenih vozila znatno je smanjen i to za 109 ili 19,1%.

Nadležnom Tužilaštvu podneseni su službeni izvještaji za počinjenje ovih krivičnih djela otuđenja motornih vozila protiv 32 lica, 8 manje, od kojih je 25 povratnika, ili 78,1%. Napominjem dvije akcije koje smo u skorom periodu izuzetno dobro planirali, organizovali i realizovali sa postupajućim tužiocima Kantonalnog Tužilaštva, akcija Kamen i Kum, sudski postupci u kojoj mjeri i u kojoj fazi zaista oko toga nemam povratne informacije.

U posljednjih negdje oko 30 mjeseci, državno Tužilaštvo BiH je odredilo i preuzelo tim za borbu protiv motornih vozila iz MUP-a Kantona Sarajevo gdje se nekoliko tužilaca zbog odlaska na pojedine posebne druge referate, ili na neke druge dužnosti, mislim da se ovdje promijenilo nekih četiri ili pet najmanje tužilaca gdje su prilikom preuzimanja, odnosno pri zaduživanju predmeta ponovo se vraćali na početak. Ove aktivnosti su provodene od strane državnog Tužilaštva i u saradnji sa Federalnim MUP-om i Državnom agencijom za istrage i zaštitu. Na području Kantona Sarajevo u izvještajnom periodu je registrovano 380 djela razbojništava, 7 manje. Navedena djela su izvršena, naglasit ću samo one najkarakterističnije stvari, upotrebnom vatrenog oružja 150 puta. Svo ovo oružje koje je upotrijebljeno ovo je oružje je koje se tretira kao ilegalni nosioci vatrenog oružja sa kojim su počinili ova krivična djela. Broj teških krađa na naročito opasnim ili naročito drzak način u periodu januar septembar 2016

godine isti uporedni period smanjen za 29 ili 21%. Evidentirano je 109 ovih krivičnih djela. Prijavljena su 33 lica od čega 29 povratnika ili 87,9% a 20 lica je lišeno slobode. Krivično djelo protiv opće sigurnosti ljudi i imovine iz ove oblasti evidentirana su 74 djela, 57 manje zbog postojanja osnova sumnje da su počinili ova djela nadležnom Tužilaštvu podneseni su službeni izvještaji protiv 47 lica od čega je 30 povratnika a 21 lice je lišeno slobode.

Krivična djela protiv javnog reda i javnog prometa evidentirano je 186 djela, 7 manje, nasilničko ponašanje 73 djela. Znači svugdje su elementi nasilja kao oblik izvršenja krivičnih djela evidentirani jako prisutni. Zbog postojanja osnova sumnje da su počinili ova krivična djela nadležnom Tužilaštvu podneseni su službeni izvještaji protiv 202 lica od kojih je 115 povratnika ili 57% a 88 lica je lišeno slobode.

Krivična djela počinjena od strane maloljetnih lica. Prijavljen je 61 maloljetnik da su počinila 124 krivična djela. Povećan je broj izvršenih krivičnih djela za 19,2% a broj prijavljenih maloljetnih počinilaca je povećan također za 6 ili 1,9%.

Najveći broj izvršilaca kada je u pitanju maloljetnička populacija je do 16 godina. Dok je povratnika u izvršenju ovih krivičnih djela bilo 19 ili 31,1%. Najbrojnija krivična djela su protiv imovine, njih 100. zatim dolaze razbojništva, teške krađe na naročito drzak ili opasan način. Znatno je povećan broj krivičnih djela teških krađa za 226 kada se uzimaju manji ovi brojevi, to malo ima utisak kao da je došlo do izuzetno enormnog povećanja što u percepciji zaista nije takav slučaj. Kada su u pitanju krivična djela protiv života i djela maloljetnici su izvršili jedno krivično djelo pokušaja ubistva, nanošenja teške tjelesne ozljede šest puta, nanošenja lake tjelesne ozljede pet puta. Napominjemo da je MUP Kantona Sarajevo prvi donio strategiju borbe protiv maloljetničkog prestupništva u BIH. Ta strategija je bila prepoznata od strane ministarstva sigurnosti BIH koja je bila prosljeđena kao godišnja strategija borbe protiv maloljetničkog prestupništva svim policijskim agencijama i svim policijskim organima u BIH. S obzirom da se ovo prepoznalo kao izuzetno značajan segment u oblasti sigurnosti, posebno kada je u pitanju maloljetnička populacija na osnovu sačinjen je Akcioni plan koga su preuzeli i drugi organi na nivou države i po istima postupili na donošenju strategije na državnom nivou. Želim sljedeće da naglasim, kada su u pitanju zakoni, Zakon o zaštiti i postupanju sa djecom i maloljetnicima u krivičnom postupku u FBiH pojavio se niz problema, nejasnoća u zakonskim uređenjima o čemu je MUP Kantona Sarajevo u više navrata skretao pažnju. Između ostalog, sačinjena u informacija o policijskom upozorenju koju propisuje navedeni Zakon, ista je dostavljena Komisiji za sigurnost Skupštine Kantona Sarajevo akt policijskog komesara od 13.10.2016.godine. želim da naglasim da smo i u ovom segmentu otišli dalje od svih drugih policijskih agencija, organa unutrašnjih poslova, već duži vremenski period, nekih možda pet ili šest godina, u svakoj policijskog upravi postoji jedna prostorija koji je propisao zakonodavac za rad sa maloljetnicima. Ta ista prostorija se nalazi u sjedištu MUP-a u odnosu na pomenuti Zakon. Primijećeni su određeni tehnički nedostaci što smo u budžetu za narednu godinu planirali da se svi ti tehnički nedostaci otklone. Sigurnosni događaj koji se također sam po sebi okarakterisan kao događaj koji je dodatno uznemirio građane i javnost koji se desio 16.10.2016 godine a odnosi se u grupu požara da je 02,05 sati policijskim službenicima Druge policijske uprave obaviješteni su da je u Ulici Aleja lipa zapaljeno putničko motorno vozilo BMW x5. Brzom intervencijom službenika policije Druge policijske uprave u ulici Džemala Bijedića pronađen je jedan od izvršilaca kojom prilikom je utvrđeno da se radi o A.B. rođen 86 godine u Istočnom Sarajevu dok je u 02,35 sati u ulici Nedima Filipovića do broja 6 Novo Sarajevo pronađen i drugi izvršilac. Kojom prilikom je utvrđeno da se radi o S.V. rođen 82 i nastanjen u Bijeljini. Pregledom pomenutog vozila policijski službenici su na zadnjem sjedištu uočili jednu automatsku pušku sa pripadajućim okvirom i pored iste još jedan rezervni okvir sa municijom. O navedenom je obaviješten dežurni tužilac Kantonalnog Tužilaštva Sarajevo da se lice mjesta obezbjedi do jutarnjih sati radi vršenja uviđajnih radnji a da se imenovani liše slobode zbog osnova sumnje da su počinili krivično djelo iz člana 323 KZ FBiH izazivanje opšte opasnosti. Na osnovu pismenog obavještenja CJB Istočno Sarajevo da postoje osnove sumnje da su

pomenute osobe mogu dovesti u vezu sa izvršenjem krivičnog djela teško ubistvo, koje je učinjeno dana 16.10.2016 u 02,00 upotrebom vatrenog oružja na području opštine Istočno Sarajevo, te da je ista potražuju gore navedena lica su nakon završene kriminalističke obrade u uz saglasnost kantonalnog Tužilaštva u Sarajevu predati u nadležnost policijskim službenicima CJB Istočno Sarajevo. Kada je u pitanju javni red i mir zbog raznih oblika narušavanja javnog reda i mira uručili smo i podnijeli ukupno 5023 prekršajna naloga i zahtjeva za pokretanje prekršajnog postupka. Što je u odnosu na isti period prošle godine povećanje za 283 ili 6%. Prekršajne sankcije su preduzete protiv 5232 lica, 189 ili 3,7% više. Najveći broj prekršajnih sankcija je izrečen za učinjene prekršaje prosjačenja. 2817 ili 56,1%. Policijski službenici rade na poslovima sprječavanja prosjačenja, uručuju prekršajne naloge licima koja su počinila prekršaj nakon čega se ta lica ponovo nastave na činjenju prekršaja na istoj ili drugoj lokaciji iz čega se vidi da izrečene sankcije nije postigla svoju svrhu. Napominjemo da je realizacija izrečenih kazni veoma mala jer se uglavnom radi o licima lošeg materijalnog stanja. Obzirom na činjenicu da je prosjačenje u jednom dijelu radna eksploatacija definisana odredbama člana 210 a) i 201 b) Izmjena i dopuna KZ FBiH, „Službene novine FBiH“ 46/16 dodatni problem. Znači ovo je nova odredba, dodatni problem kod dokazivanja predmeta krivičnog djela predstavlja dokazivanje elemenata prisile u izvršavanju krivičnog djela.

Policijski službenici su u prvih šest mjeseci 2016 godine učestvovali u osiguranju 1782 javna skupa koja su održana na području Kantona Sarajevo. 479 više ili 36,8% više a u 426 slučajeva izvršena je kontradiverziona osiguranje svih skupova, 140 ili 49% više.

Dodatno što je podgrijalo uznemirenost građana i usložnilo sigurnosnu situaciju na području Kantona Sarajevo jeste 20,30 sati 08.10. da se direktor Festival MESS izvršni producent Festivala i šef službe osiguranja Narodnog pozorišta pojavili u Prvoj policijskoj upravi i prijavili da putem društvenih mreža imaju određene prijetnje po njihovu sigurnost zato što određena udruženja građana najavljuju proteste i radikalne postupke kada je u pitanju predstava Naše nasilje – vaše nasilje. U koordinaciji ministar unutrašnjih poslova Kantona Sarajevo, ministra kulture i sporta pripadnika Prve policijske uprave iznašao se najbolji kompromisni način da se MESS privede kraju a organizatoru je ostavljeno u skladu sa zakonom o javnom okupljanju da s preduzme sve mjere kada je u pitanju sigurnost svih učesnika. Jedan broj građana se pojavio i izrazio želju da se predstava održi što je učinjeno i nakon svih tih događanja nije bio zabilježen ni jedan sigurnosni incident.

Oblast saobraćaja registrovano je 537 saobraćajnih nezgoda. 29 ili 0,3% više. 7856 sa materijalnom štetom, 28 ili 0,3% više i 681 sa nastradalim licem 1 ili 0,1% više.

U ovoj informaciji tačno su navedeni svi podaci ali ja ću ovdje najkarakterističnije reći sam da ću ih zaista ovdje spomenuti. Ono što je dodatno i najviše usložnilo uznemirenost građana i javnosti jeste saobraćajna nezgoda koja se desila 10.10.2016 godine oko 21,35 sati na kolovozu raskrsnica ulica Zmaja od Bosne i Nulte transferzale na području opštine Novo Sarajevo. Kolovozna traka koja je namijenjena za odvijanje saobraćaja u smjeru Marin Dvora dogodila se znači dogodila se predmetna saobraćajna nezgoda. Tragično preminuli su ovdje također navedeni u ovoj informaciji. Radeći na rasvjetljavanju ove saobraćajne nezgode policijski službenici policijske stanice Centar su radili na operativnim aktivnostima kao i policijski službenici Druge policijske uprave s ciljem pronalaska počinioca kao i vozila kojim je izvršena saobraćajna nezgoda. 11.10. policijski službenici Druge policijske uprave su u 00,45 sati pronašli putničko motorno vozilo Golf 6 registarskih oznaka E68-K-928 a sa vidnim oštećenjima koja su odgovarala oštećenjima nastalim u ovoj saobraćajnoj nezgodi. Daljim provjerama ustanovljeno je da je vozilo Golf 6 registarskih oznaka vlasništvo S.J. i da je prema prikupljenim informacijama vozilom u momentu saobraćajne nezgode upravljao vozač ja ću biti ovdje direktan Sejfić Sanjin rođen 91 godine u opštini Centar, nastanjen u ulici (nerazumljivo) opština Star Grad. Pored svih zakonom propisanih radnji na dokumentovanju predmeta iz saobraćajne nezgode MUP Kantona Sarajevo nakon određivanja identiteta vozača o istoj obavijestio sve policijske agencije u BiH s ciljem pronalaska i lišenja slobode. Istog dana, operativno

komunikacijski centar MUP-a je u 22,45 usmenim putem dao obavijest o potrazi za licem koji se osnovano sumnjiči da je počinio tešku saobraćajnu nezgodu izazivanja sa smrtnim posljedicama. I Zakon o osnovama bezbjednosti saobraćaja na putevima. Teškog krivičnog djela ugrožavanja sigurnosti. U 06,36 sati pripadnici Granične policije su obavijestili 11.10 Kantonalnog Tužilaštvo Sarajevo da je, pardon istog dana, obaviješteni smo od Granične policije BIH da je osumnjičeni 11.10.2016 u 06,36 sati prešao državnu granicu na graničnom prelazu Uvac nakon čega smo o tome obavijestili kantonalno Tužilaštvo Kantona Sarajevo u cilju raspisivanja potrage za osumnjičenim. Dana 13.10.2016 godine od strane nacionalnog centralnog biroa Interpola u Sarajevu obaviješteni smo da je osumnjičeni pronađen i lišen slobode na teritoriji Republike Srbije. Želim da naglasim da smo nakon podnošenja službenog izvještaja o počinjenom krivičnom djelu Kantonalnom Tužilaštvu – Kantonalno Tužilaštvo prosljedilo službeni izvještaj na osnovu čega je sudija za prethodni postupak odredio svojim rješenjem mjeru pritvora u trajanju od 30 dana i na osnovu toga je obrnutim redom raspisana međunarodna potjernica i evo nakon nepuna tri dana izvršilac ovog teškog krivičnog djela je stavljen pod kontrolu policijskih vlasti, gdje će na osnovu zahtjeva Ministarstva pravde biti pokrenut postupak za njegovom ekstradicijom.

Uzroci saobraćajnih nezgoda na osnovu statističkih i analitičkih pokazatelja pokazali su da su oni zaista heterogeni. U sklopu redovnih aktivnosti službenici policije su ukupno kontrolisali 204.852 vozila za 20.147 više nego u izvještajnom periodu prošle godine. Zbog tehničke neispravnosti iz saobraćaja je isključeno 617 vozila, 27 više. 3349 vozača je zatečeno da upravlja vozilom pod dejstvom alkohola. 457 više. 5481 bez korištenja sigurnosnog pojasa. 769 više. 2607 bez položenog vozačkog ispita. 468 više. A 2265 vozača je učestvovalo u saobraćaju bez važeće registracije. 477 više. Zbog kršenja propisa iz oblasti sigurnosti saobraćaja uručeno je 172.627 prekršajnih naloga vozačima 29.66 više. Podneseno je 409 zahtjeva za pokretnje prekršajnog postupka. 94 manje. I registrovano 71 krivično djelo ugrožavanje sigurnosti javnog prometa 5 više.

Želim javnost da obavijestim da je prilikom vršenja uviđaja i uviđajnih radnji neposredno na licu mjesta uviđaju i uviđajnim radnjama zajedno sa policijskim službenicima MUP-a Kantona Sarajevo direktno rukovodio postupajući tužilac kantonalnog Tužilaštva u Sarajevu. Kada je u pitanju saobraćaj i mirovanje u kretanju pješaka, a uručen je 73.644 prekršajna naloga vozačima koji nisu poštovali saobraćajne propise prilikom parkiranja. 14313 više u odnosu na isti period prošle godine. Upozorene 4.040 vozača. 280 više. Pješacima koji su kršili propise uručeno je 380 prekršajnih naloga. 2902 više. Upozoreni su 1.583 pješaka, 662 više.

Problemi i nedostaci koji utiču na sigurnost saobraćaja. Ovom prilikom ćemo navesti samo neke od problema i nedostataka koji bitno utiču na stanje sigurnosti saobraćaja na području Kantona Sarajevo. Stanje putne infrastrukture nije na zadovoljavajućem nivou a koje se ogleda u lošem stanju kolovoza što je najviše uzrokovalo prekidom saobraćaja na gradskoj obilaznici u periodu od novembra 2015 godine do maja 2016 godine, kada je sav teretni motorni saobraćaj bio usmjeren na glavnom gradskom saobraćajnicom. Ovo nije samo slučaj na području Kantona Sarajevo nego je ovaj slučaj sveukupno putnom infrastrukturom na području BIH. Nedostatak pripisane vertikalne saobraćajne signalizacije na glavnoj gradskoj saobraćajnici koje se ogledaju u tome da ista na pojedinim dijelovima nije obilježena kao put sa pravom prvenstva kao i da na pojedinim uključenjima sporednih saobraćajnica na istoj ne postoji saobraćajni znak stop ili saobraćajni znak uklanjanja na put sa pravom prolaza. Neusklađenost horizontalne vertikalne saobraćajne signalizacije koji često učesnike u saobraćaju dovodi u zabludu. Problem uočen u pojedinim ulicama gdje jednim vidom saobraćajne signalizacije dozvoljeno parkiranje a drugima je to zabranjeno. Nedosljednost u izricanju kazni kako je to propisano zakonom koje se ogleda u tome da i pored minimalne novčane kazne koju je izrekao policijski službenik za početni prekršaj sud izriče uslovnu kaznu ili kaznu upozorenja. Sistem naplate novčanih kazni propisan Zakonom o prekršajima u FBiH, koji nije jasno propisao nadležnosti kod prinudne naplate novčane kazne, kao i provođenja izrečene mjere društveno korisnog rada, utiče na to da

izrečena sankcija ne bude realizovana a samim tim ne postiže se željeni efekat. Problem državljana BIH koji upravljaju motornim vozilom sa stranim registarskim oznaka jer isti kao korisnici navedenih vozila nisu nigdje evidentirani u slučajevima činjenja prekršaja ili krivičnih djela veoma se teško dolazi do podataka o istima. Mjere koje su preduzete u cilju unapređenja stanja sigurnosti saobraćaja. Sačinjene planske radarske kontrole brzine kretanja motornih vozila na području Kantona Sarajevo po kojem svakodnevno postupaju policijski službenici, sačini elaborat o proširenju stacionarnog radarskog uređaja u Kantonu Sarajevo te Uprava policije MUP-a Kantona Sarajevo inicirala od strane Vlade Kantona Sarajevo realizaciju navedenog elaborata, što je Vlada i prihvatila svojim zaključkom u 2015 godini u augustu mjesecu. Navedenim elaboratom planira se nabavka još šest radarskih uređaja, 17 kućišta koji bi bili instalirani na utvrđene lokaliteta u cilju preventivnog tako i represivnog djelovanja na vozače koji upravljaju vozilima, čine prekršaje prekoračenja dozvoljene brzine. Samo da kažem, u ovim proširenom stacionarnim radarskim sistema apsolutno se eliminiše subjektivnost policije gdje se mjere dva prekršaja, to je prolazak kroz crveno svjetlo i prekoračenje dozvoljene brzine kretanje. Ovaj elaborat proširenog stacionarnog radarskog sistema nije samo prezentiran ovoj Vladi koja je to odobrila. On je sačinjen od prije tri godine. Raniji ministri, raniji sazivi Vlada nisu prepoznavali na zahtjev odnosno naše napore da učinimo sigurnost saobraćaja na putevima u Kantonu Sarajevo sigurnijim, boljim i učinkovitijim. Sva postojeća četiri stacionarna radara čine ih četiri mobilna HRD radara sa foto registracijom koja se ovisno o potrebi na osnovu raspoloživih mogućnosti i analiza ugroženih lokaliteta stavljaju u funkciju. Tokom prvih devet mjeseci 2015 izdato je 25863 prekršajnih naloga, dok je za prvih devet mjeseci 2016 izdato 27222 prekršajna naloga što je za 1359 prekršajnih naloga više u donosu na isti period prošle godine.

U cilju procesuiranja vozača koji su počinili prekršaj vozilima stranih registarskih oznaka, izvršena je nadogradnja postojećeg softvera za automatsku obradu prekršaja i nabavku 4 PDA uređaja koji policijski službenici koriste na terenu za neposrednu i direktnu provjeru vozila stranih registarskih oznaka, a eventualno zabilježene prekršaje, te se prema vozačima preduzimaju mjere i radnje u skladu sa zakonom.

Jedinica za saobraćaj sa svojim odsjecima kontinuirano prati stanje sigurnosti učesnika u saobraćaju, svoje aktivnosti prilagođava uočenim propustima, pa je nakon rekonstrukcije saobraćajnice na lokalitetu Stupske petlje uočena problematika prekoračenja dozvoljene brzine od strane vozača koji su za kretanje vozila koristili saobraćajnu traku površinu namijenjenu za autobusko stajalište ispod Stupske petlje u pravcu Ilidže, čime su izbjegavali mjerenje brzine. Postavljen je stacionarni radar nakon čega je pokrenuta inicijativa za proširenje mjernog lokaliteta i na navedenu saobraćajnu traku površinu što je rezultiralo izdavanjem dodatnog broja prekršajnih naloga i stavljanja uočene problematike pod adekvatnu kontrolu. Sačinjen je plan pojačanih aktivnosti policijskih službenika tako što se sve raspoložive auto patrolne svakim radnim danom u vremenu od 07,00 do 09,00 i od 15,00 do 17,00 sati a po potrebi i u dane vikenda, shodno stanju na terenu, vrše fizičko regulisanje i ubrzavanje protoka saobraćaja na najfrekventnijim raskrsnicama na području Kantona Sarajevo. U okviru preventivne aktivnosti u oblasti saobraćaja, kao i preventivne aktivnosti u drugim oblicima policijskog djelovanja javni red i mir, kriminalitet u skladu sa planom, navedenih u prethodnoj tački, policijski službenici posebno policijski službenici u zajednici i rukovodioci sektora ostvaruju preventivno prisustvo ispred obrazovnih institucija na području Kantona Sarajevo, naročito osnovnih i srednjih škola, i to neposredno prije i nakon nastave, za vrijeme velikih odmora, u vremenskim periodima, među-smjenama, kao i drugim terminima u skladu sa procjenom stanja sigurnosti na lokalitetima škola. Dobra saradnja između menadžmenta organizacionih jedinica, načelnika policijskih uprava, komandira, zamjenika, pomoćnika komandira, a posebno vođa patrolnih sektora, i vođa pozornih reona, karakteriše što je ostvarena kontinuirana neposredna saradnja sa rukovodstvima osnovnih i srednjih škola, profesorima, pedagozima, psiholozima, direktorima, zamjenicima i sa vijećima roditelja. Uzimajući u obzir da je u proteklom periodu određeni broj

pješaka učestvovao u saobraćajnim nezgodama koje su za posljedice imale povrede ili smrt pješaka, Jedinica za saobraćaj MUP-a Kantona Sarajevo u cilju smanjenja broja poginulih i povrijeđenih pješaka u saobraćaju na području Kantona Sarajevo u 2016 godini donijela plan akcije pojačane kontrole pješaka, učesnika u saobraćaju koja se provodi svakim radnim danom u vremenskim terminima koja je najveća frekvencija pješaka.

U cilju poboljšanja ukupnog stanja sigurnosti saobraćaja na putevima na području Kantona Sarajevo tokom ljetnih mjeseci jedinica za saobraćaj MUP-a Kantona Sarajevo je za period od 24. juna do 30.09.2016.godine donijela Plan pojačane kontrole kretanja u saobraćaju vozila i vozača, motocikla, lakog motocikla, tricikla, četverecikla i mopeda. U realizaciji sa navedenim planskim aktivnostima pored policijskih službenika Jedinice za saobraćaj uključeni su i policijski službenici od I do V policijske uprave kantonalnog MUP-a Sarajevo. U prvih devet mjeseci 2016 godine policijski službenici jedinice za saobraćaj kontrolisali 581 vozača naprijed navedenih vozila, upozoreno je 137 vozača, izdato je 444 prekršajna naloga iz oblasti Zakona o osnovama bezbjednosti saobraćaja na putevima u BiH, dok je zbog stvaranje nepotrebne buke rada motornog vozila, motocikla, shodno Zakonu o prekršaju protiv javnog reda i mira sankcionisano 40 vozača. A u istom periodu od višestrukih povratnika u vršenju prekršaja iz oblasti Zakona o osnovama bezbjednosti saobraćaja na putevima u BiH uz suglasnost sudije Opštinskog suda u Sarajevu prekršajnog odjeljenja privremeno su oduzeta dva motocikla. Potpisani su ugovori o međusobnoj saradnji između MUP-a Kantona Sarajevo, Pravnog fakulteta u Sarajevu i Fakulteta političkih nauka, dok se sa Fakultetom za saobraćaj i komunikacije u Sarajevu ostvarena veoma dobra i kontinuirana saradnja a ruka naše saradnje pružena je prema svim institucijama kada su u pitanju međusobna pomoć i saradnja. Rasporedom službe formirale su se povremene patrolne staze kao i kroz redovne poslove i zadatke kontinuirano su se sprovodile pojačane aktivnosti na sprječavanju nepropisnog parkiranja i premještanja nepropisno parkiranih vozila u prvih devet mjeseci 2016 godine zbog počinjenih prekršaja iz člana 73 i 74 i 130 ZOPS-a sankcionisano je 73644 vozača, specijalnim vozilom pauk zbog nepropisnog parkiranja izvršeno je premještanje 1893 vozila. U proteklom periodu policijski službenici posebnu pažnju posvetili su kontroli višestrukih povratnika u činjenju najtežih prekršaja iz oblasti sigurnosti saobraćaja kojim prilikom upravljanja vozilom ugrožavaju svoj život i život drugih učesnika u saobraćaju radi zaštite života i sigurnosti svih učesnika u saobraćaju 2016 godine od višestrukih povratnika u vršenju prekršaja iz oblasti saobraćaja uz saglasnost sudija nadležnog suda za prekršaje policijski službenici privremeno su oduzeli 34 vozila, dva motocikla i 32 putnička vozila na osnovu pravosnažnih i izvršnih rješenja nadležnih sudova te po formiranju komisije MUP-a Kantona Sarajevo za prodaju oduzetih predmetnih vozila u mjesecu martu 2016 godine trajno oduzeta vozila su putem licitacije prodana a sredstva od prodaje vozila uplaćeni su u odgovarajući budžet. Jedinica za saobraćaj kao ovlašteni organ koji je odgovoran za praćenje izvršenja novčanih i drugih mjera izrečenih prekršajnim nalogom prema kažnjenicima koji nisu izmirili novčane kazne za počinjene prekršaje procesuirane od strane policijskih službenika jedinice za saobraćaj, nadležnom sudu u prvih pet mjeseci 2016 godine podnijelo 1791 prijedloga za prinudnu naplatu odnosno prijedloga za lišenje slobode zbog neplaćanja novčane kazne. Rukovođeni činjenicom da je glavni uzročnik saobraćajnih nezgoda u većini slučajeva neprilagođena brzina kretanja vozila, te da je od ukupnog broja smrtno stradalih lica u saobraćajnim nezgodama 15 lica za 2015, osam lica stradalo zbog nepropisnih i neprilagođene brzine kretanja motornih vozila, našim aktom od 2015 od oktobra mjeseca, i aktom iz 2016 godine u martu 2016 upućena je inicijativa Ministarstvu saobraćaja Kantona Sarajevo za smanjenje najveće dozvoljene brzine u naseljenom mjestu na području Kantona Sarajevo sa 60 km na 50 km/h. Uzimajući u obzir da su na snazi takva rješenja i u većini zemalja u okruženju koje uspješno upravljaju bezbjednošću saobraćaja iz godine u godinu imaju manji broj saobraćajnih nezgoda i nastradalih na putevima. Zbog oštećenja dijela magistralnih puteva M15, M17, M18 policijski službenici Jedinice za saobraćaj su inicirali dolazak na lice mjesta predstavnika JP Ceste FBiH i predstavnika službe za

održavanje navedenog puta, gdje je na osnovu terenskih snimanja postojećeg stanja saobraćajne signalizacije i opreme ceste od strane predstavnika JP Ceste FBiH sačinjen zapisnik i donesen nalog za dopunu saobraćajne signalizacije. U prethodnom periodu pripadnici Jedinice za saobraćaj vršili su obilazak putne komunikacije Vijećnica međuentiteska linija Lapišnica, područje Opštine Stari Grad i uočili da se kroz tunel Vratnik koji nije osvijetljen često kreću pješaci kako trotoarom tako i kolovozom. I imajući u vidu da je u proteklom periodu u navedenom tunelu evidentiran saobraćajne nezgode kojim su smrtno stradala dva pješaka, prema Ministarstvu saobraćaja Kantona Sarajevo u cilju unapređenja stanja sigurnosti saobraćaja upućena je inicijativa za osvjjetljenje navedenog tunela. Upućeni akt sa prijedlozima i sugestijama na prijedlog izmjena i dopuna ZOPS-a na putevima u BiH na pooštavanju kaznene politike i izmjeni određenih propisa kojima se uređuje u oblasti saobraćaja s ciljem stvaranja što bolje sigurnosti učesnika u saobraćaju i efikasnijeg djelovanja policijskih službenika definisan u kategoriji višestrukih povratnika u vršenju težih oblika saobraćajnih prekršaja odrediti istima adekvatne sankcije za počinjene prekršaje te određenim zakonskim i podzakonskim propisima jasno definisati postupak isključivanja iz saobraćaja vozača za koje su ispunjeni zakonski uslovi da budu isključeni i sankcionisani kao i postupak privremenog ili trajnog oduzimanja sredstava izvršenih prekršaja motornih vozila, postupak prinudne naplate novčane kazni evidentiranih u registar novčanih kazni shodno zakonskim odredbama kako bi se sve izrečene sankcije izvršavale što predstavlja jedan od osnovnih uslova za postizanje svrhe kažnjavanja. Kada je u pitanju zakonitost u radu policijski službenici su u prvih devet mjeseci na policijski službenici u prvih devet mjeseci registrovana su 23 napada, 13 više nego u istom periodu prošle godine. U napadu su učestvovali 28 punoljetnih i 1 ili više nepoznatih lica. Službenici su tokom izvršenog perioda 44 puta opravdano upotrijebili silu. 19 puta više nego što je to bilo u istom izvještajnom periodu prošle godine. Fizičku snagu i sredstva za vezivanje 32 puta, vatreno oružje 11 puta, fizičku snagu policijsku palicu i sredstva za vezivanje jednom.

Unutrašnja kontrola

Jedinica za profesionalne standarde u daljem tekstu jedinica JPS, kao neovisna, molim vas lijepom na ovo bih zaista želio jedan poseban akcenat da dadnem, kako zbog vaše percepcije poslanika u Skupština Kantona Sarajevo, tako i građana u Kantonu Sarajevo. Dakle, jedinica za profesionalne standarde je kao neovisna organizaciona jedinica Uprave policije, koja u svom sastavu ima odjeljenje za unutrašnju kontrolu i odjeljenje za razvoj načela i zaštitu tajnih podataka u skladu sa odredbama Zakona unutrašnjim poslovima Kantona Sarajevo Sl. Novine navedene ovdje /16 Zakona o policijskim službenicima Kantona Sarajevo, Pravilnikom o radu Jedinice za profesionalne standarde koji je donesen 2009 godine redovno i blagovremeno je poduzimala mjere iz svoje nadležnosti unutrašnje istrage, rad policije u zajednici, razvoj načela i zaštite tajnih podataka. Unutrašnja istraga provodi se isključivo na način propisan odredbama navedenog pravilnika i u svim njenim fazama inspektori za unutrašnju kontrolu su nezavisni u radu, odnosno onemogućen je bilo kakav uticaj na njihov rad. Policijski komesar samo nadgleda rad jedinice za profesionalne standarde i nema apsolutno nikakvu kontrolu nad njihovim radom. Mislim ima pravo uvida, ali nema pravo uticaja bilo kakvog kada su u pitanju njihova autonomnost i samostalnost u radu. Na osnovu odredbe Zakona o unutrašnjim poslovima Kantona Sarajevo na prijedlog policijskog komesara, a nakon pismene saglasnosti Komisije za izbor i imenovanje i administrativna pitanja Kantona Sarajevo ministar je donio Pravilnik o uvjetima za imenovanje i razrješenje članova odbora za žalbe javnosti broj ovdje kroz /16 od 12.10.2016 godine. Tako da se očekuje raspisivanje konkursa za izbor predsjedavajućeg i članova ovog tijela. U periodu od 01.10.2016 godine do 30.10.2016 godine Odjeljenje za unutrašnju kontrolu zaprimilo je, registrovalo 307 predstavki, a nakon detaljne analize predstavki i prikupljene dokumentacije, na prijedlog inspektora i uz saglasnost načelnika jedinice za profesionalne standarde donosi zaključak da se za 74 predstavke sprovede unutrašnja istraga a za 142 razmotrene predstavke donesen je zaključak da nema osnova za vođenje unutrašnje istrage, za 1 predstavku dostaviti obavijest PU i za 2 predstavke odustanak od žalbi.

Od 219 razmatranih predstavlja 189 predstavlja su podnijete od strane građana a 30 predstavlja predstavljaju saznanja iz službe. Podnese predstavlja 16 iz ranijeg perioda u kojima su vođene unutrašnje istrage, tako da je ukupno vođeno 90 unutrašnjih istraga. Okončano je ukupno 80 unutrašnjih istraga, i to 18 predstavlja su okončane kao osnovane, 36 su predstavlja su okončane bez dovoljno dokaza, 16 predstavlja su okončane kao neosnovane, 8 predstavlja odustanak od žalbe i 2 predstavlja su okončane kao oslobađajuće. Tokom prvih 9 mjeseci 2016 godine za 16 policijskih službenika je u 10 provedenih istraga utvrđena teža povreda službene dužnosti, a za 12 policijskih službenika je u 8 provedenih istraga lakša povreda službene dužnosti. Pa su ovdje navedene koje su to lakše ili teže službene dužnosti što imate u vašem izvještaju koji su dostavljeni. Odjeljenje za unutrašnju kontrolu je povodom pisanja više medija da je profesor Fakulteta islamskih nauka u Sarajevu Orhan Bajraktarević dana 01/02.07.2016 godine fizički pretučen i vrijeđan od strane policijskih službenika PU Stari Grad, Ulica Zelenih beretki Opština Stari Grad sproveli unutrašnju kontrolu i istragu protiv policijskog službenika PU Stari Grad gdje je isto zaključilo kao osnovana zbog više počinjenih povreda službenih dužnosti pokrenut je disciplinski postupak, a policijski komesar je u skladu sa odredbama Zakona o policijskim službenicima Kantona Sarajevo izrekao mjeru suspenzije iz policijskog organa. Određeni broj unutrašnji istraga sproveden je na osnovu zahtjeva i obavijesti Kantonalnog Tužilaštva Sarajevo. Nakon sprovedene unutrašnje istraga, u tri slučaja iste su zaključene kao osnovane a u jednom slučaju unutrašnja istraga je zaključena pod navodima bez dovoljno dokaza. Prema policijskim službenicima koji su osnovane sumnje da su počinili teže povrede službene dužnosti, u skladu sa procedurom pokrenuti su disciplinski postupci. Također odredbama člana 114 navedenog Zakona propisan je postupak suspenzije policijskih službenika a za tekuću godinu suspendovana su dva policijska službenika. Kada je u pitanju strategija borbe protiv korupcije, MUP Kantona Sarajevo djelujući u pravcu sprječavanja i otkrivanja korupcije u MUP-u Kantona Sarajevo je jedno od prvih policijskih agencija u BiH koja je 25.10.2007 godine donijela strategiju borbe protiv korupcije koja je na snazi i obaveza je svih organizacionih jedinica da je primjenjuju. Također, MUP Kantona Sarajevo je izvršilo i usvojilo plan borbe protiv korupcije MUP-a Kantona Sarajevo da period 2015-2019 godina. Vlada Kantona Sarajevo donijela je 27.09. 2012 godine plan Vlade Kantona Sarajevo za borbu protiv korupcije u čijoj izradi su aktivno učestvovali predstavnici svih ministarstava među kojima i MUP-a Kantona Sarajevo gdje se prilikom izrade plana imali u vidu ciljevi državne strategije borbe protiv korupcije 2009 -2014. tim planom su zadužena resorna ministarstva da sačine svoje planove koje samo MUP Kantona Sarajevo ima donesenu strategiju borbe protiv korupcije, na koji način bi se potakla i druga ministarstva na donošenju dokumenata koji bi prevenciju i borbu protiv korupcije. Vlada Kantona Sarajevo je 15.10.2015 usvojilo je Akcioni plan za borbu protiv korupcije za period 2015-2019 godina. Shodno tome, MUP Kantona Sarajevo je izradilo plan borbe protiv korupcije MUP-a Kantona Sarajevo za period 2015 -2019. MUP Kantona Sarajevo i Uprava policije su u januaru 2015 godine aktivirali aplikaciju za on line prijavu korupcije putem oficijalne web stranice MUP Kantona Sarajevo. Time su zaokružene projektne aktivnosti na realizaciji ovog projekta kojim se omogućava građanima na još jedan način prijava koruptivnih aktivnosti koji omogućava prijavitelja da prati tok istrage, a sve u okviru projekta „Mapiranje rizika od korupcije u sigurnosnom sektoru“. U cilju kvalitetnije implementacije strategije policijski komesar je donio odluku o uspostavljanju operativnog tima, u sastavu sedam članova za provođenje istraga podsjećamo na suzbijanju slučajeva korupcije u Ministarstvu, na sprječavanju i uspostavljanju operativnog tima u MUP-u Kantona Sarajevo članovi antikorupcionog tima su imenovani odlukom komesara iz različitih organizacionih jedinica, prvenstveno oni koji rade po pitanju kriminalističke policije zajedno sa pripadnicima jedinice za profesionalne standarde, što potpunije implementira pojedine konkretnije zadatke i strategije. U saradnji sa nadležnim tužilaštvom, policijski službenici MUP-a Kantona Sarajevo postupaju po svim žalbama na rad službenika MUP-a Kantona Sarajevo te blagovremeno obavještavaju Tužilaštvo o preduzimanju svih mjera i radnji iz svoje nadležnosti. U vremenskom periodu od 4

do 16 godine zaprimljeno je 10 prijava u kojima je poznato i Kantonalno Tužilaštvo Sarajevo te su provedene istrage kod prijave u kojima je postojao dovoljan stepen sumnje da su policijski službenici počinili krivična djela korupcije. U jednom slučaju istraga je okončana kao neosnovana, izrečena je prvostepena presuda na opštinskom sudu kao osnovana i izrečena je prvostepena presuda na Opštinskom sudu u Sarajevu. Također vrši se kontinuirana edukacija policijskih službenika drugih državnih službenika i namještenika koji rade u Upravi policije bez redovne godišnje obuke u tzv. Koruptivnim djelima. Kada su u pitanju razvojna djela i normativna aktivnost, rad policije u zajednici, Uprava policije i MUP-a Kantona Sarajevo je implementirala 37 projekata koji se neposredno tiču rada policije u zajednici i kontakata sa svim građanima, organizacijama i institucijama koji izražavaju interes kada je u pitanju rad policije u zajednici. Zakon o unutrašnjim poslovima Kantona Sarajevo je donesen i svi podzakonski akti su doneseni, osim Pravilnika o unutrašnjoj organizaciji i sistematizaciji MUP-a Kantona Sarajevo, gdje je aktom sekretara MUP-a Kantona Sarajevo naloženo da se će se pravilnik o unutrašnjoj organizaciji i sistematizaciji donijeti tek nakon donošenja Zakona o državnoj službi. Ministar je već pokrenuto postupak odnosno inicijativu formiranju radne grupe, komisije za izradu pravilnika o unutrašnjoj organizaciji i sistematizaciji u čijem sastavu će participirati policijski službenici, odnosno uposlenici iz Uprave policije MUP-a Kantona Sarajevo. Pored toga, u formi prijedloga nacrtu dostavljeni su ministru unutrašnjih poslova, prijedlog Nacrta zakona o policijskim službenicima Kantona Sarajevo, prijedlog nacrtu zakona o plaćama i naknadama policijskih službenika Kantona Sarajevo, prijedlog nacrtu zakona o nabavljanju, držanju, nošenju oružja i municije, ovdje je provedena sveobuhvatna, jedna proaktivna kampanja kada je u pitanju donošenje ovog zakona pošto sam na početku rekao da 150 krivičnih djela razbojništva kao sredstvo izvršenja koriste vatreno oružje, i to sve ilegalno. Ovaj Zakon je zaista u svom donošenju u formi prijedloga nacrtu zaista konsultovalo jako puno agencija, jako puno udruženja građana koji se direktno tiče donošenja ovakvog zakona. Mislim da će ministar pokrenuti dalju inicijativu oko donošenja ova tri zakona. Također, za ovaj proteklih devet mjeseci doneseno je 15 podzakonskih akata iz različitih oblasti. Kada su u pitanju predstavnici ministarstva iz jedinice za profesionalne standarde participirao je u radu radne grupe na nivou BIH a u vezi na sačinjavanju propisa koji se donose na osnovu zakona o kontroli kretanja oružja i municije. Aktivnosti policije na provođenju zakona o nabavljanju, držanju oružja i municije za prvih devet mjeseci je evidentirano 58 krivičnih djela koja su regulisana Zakonu o nabavljanju, držanju nošenju oružja i municije, 14 manjih počinjenih od strane 65 izvršilaca od kojih je 24 lišeno slobode. Također u sklopu aktivnosti na oduzimanju nelegalnog posjedovanja oružja i drugih predmeta oduzeto je 49 pištolja, 25 pušakapušaka, 8 komada eksplozivnih naprava i sredstava, 161 nož, mač, sablja i slično hladni predmeti, 8 boksera, 8 ručnih bombi, 20 komada petardi, 1 kg eksploziva, 3208 komada municije različitog kalibra. To je ukratko što sam ja imao kada je u pitanju informacija o stanju sigurnosti na području Kantona Sarajevo na osnovu statističkih i analitičkih pokazatelja koji su sačinjeni na osnovu informacija koje su dostavljene na sve PU, Uprave policije, MUP-a Kantona Sarajevo. Želim sa ove pozornice, jezikom istine, po prvi put da zvanično javnosti, građanima Kantona Sarajevo, vama poslanicima, a posebno se obraćam porodici nastradalog Dženana Memića, njegovom ocu Murizu i želim da saopštim sljedeće: nakon izlaska na lice mjesta i formiranja uviđajne ekipe, koju je predvodio postupajući tužilac Kantonalnog Tužilaštva Sarajevo, gdje su uviđaj obavili policijski službenici odsjeka za saobraćajne istrage, i nakon prikupljenih operativnih podataka i informacija, sačinio se akcioni plan od strane sektora kriminalističke policije, tu je i načelnik sektora kriminalističke policije, koji je najodgovorniji za rad kriminalističke policije i saradnju sa Kantonalnim tužilaštvom Sarajevo. Želim da naglasim, specifičnost pravilnika o unutrašnjoj organizaciji i sistematizaciji MUP-a Kantona Sarajevo gdje ni jednog trenutka policijski komesar, osim što prati, nadgleda samu realizaciju pojedinih aktivnosti nema uticaja na konačan tok istrage, nego isključivo je taj postupajući tužilac koji rukovodi istragom i izdaje tužilačke naredbe i zahtjeve, koje trebaju da provode policijski službenici u organizacionim jedinicama MUP-a Kantona Sarajevo. Nakon

nekih 20-tak dana kada se počela buditi javnost u Kantonu Sarajevo na poziv glavne kantonalne tužiteljice Sarajevo, načelnik sektora kriminalističke policije, policijski komesar i šef odsjeka za krvne i seksualne delikte i delikte ratnog zločina, otišli smo na sastanak u sjedište kantonalnog Tužilaštva na kojem sastanku je pored nas, predstavnika MUP-a bila prisutna glavna kantonalna tužiteljica, postupajući tužilac i dva tužioca kantonalnog Tužilaštva. Tada sam saopštio, doslovno ću citirati, glavnoj kantonalnoj tužiteljici: „Gospodo, glavna tužiteljice, policijski komesar vam stavlja na raspolaganje, sve ljudske resurse, počevši od policijskog komesara, do najmlađeg policijskog službenika, sa svim materijalno tehničkim sredstvima, s ciljem da vi odredite, jednog, dva, tri ili više kantonalnih tužilaca koji će raditi na ovom slučaju i da izaberemo najstručnije, najsposobnije, najkvalitovnije policijske istražitelje, i policijske inspektore, da bismo mogli počinioce ovog teškog krivičnog djela privesti licu pravde“. Nakon toga glavna kantonalna tužiteljica je zatražila od načelnika sektora kriminalističke policije sedam imena i osmi šef odsjeka za saobraćajne istrage, što je odmah istog tog trenutka, iz glave izdiktirao imena i prezimena koji će činiti sastavni dio operativnog tima za otkrivanje i procesuiranje počinioce ovog krivičnoga djela. Iz ovog mog, znači govorim jezikom istine, svi bi morali da budu toliko iskreni i poštjeni da kažu, koja je uloga policijskog komesara u eventualnom skretanju, usmjeravanju istrage u pogrešnom pravcu ili davanju netačnih podataka, kada na čelu istrage uporno ponavljam, stoji postupajući kantonalni tužilac. Drugi primjer, kada sam bio na godišnjem odmoru u kome su evidentirani moji nedolasci na sjednice Neovisnog odbora za izbor i reviziju policijskog komesara na sjednicu Vlade, jeste događaj koji se desio, odnosno radni sastanak, sačinjena službena zabilješka od strane glavnog inspektora Uprave policije MUP-a Kantona Sarajevo gdje je ispred kantonalnog Tužilaštva na sastanku bila prisutna glavna tužiteljica Dalila Burzić i Velida Topalović, zamjenica glavne tužiteljice. Na sastanku ispred MUP-a Kantona Sarajevo bili su prisutni Vedran Mulabdić – ministar unutrašnjih poslova, Džafer Hrvat – načelnik sektora kriminalističke policije, Irfan Nefić i nije prisustvovao ovom sastanku. Između ostalog, razgovaralo se o saradnji MUP-a Kantona Sarajevo i Tužilaštva na okolnosti određenih izjava koje su direktno dovodile kvalifikovanost Tužilaštva, opravdano ili neopravdano ne bih ulazio u taj meritum. Međutim, glavna tužiteljica je na tom sastanku spomenula i predmet Memić u konkretnom zahtjevu Komisije za sigurnost Skupština Kantona Sarajevo, u vezi vršenja nadzora, gospodine predsjedniče Komisije za sigurnost, želim da posebno obratite pozornost na ovo što će biti i jedan od predmeta materijalnih dokaza prilikom procesuiranja za vrijeme vođenja disciplinskog postupka protiv policijskog komesara. Znači, u kontekstu zahtjeva Komisije za sigurnost Skupštine Kantona Sarajevo u vezi vršenja nadzora nad radom kantonalnog Tužilaštva, također, upoznala nas je da je tražila od Federalnog tužilaštva da ostvari uvid u rad Kantonalnog tužilaštva po predmetu Memić, jer Komisija nije nadležna za kontrolu rada Kantonalnog Tužilaštva, upozorivši nas da ne pogriješimo kada je u pitanju dostavljanje dokumentacije za predmetni slučaj Ad hock komisiji, koja je formirana od strane Komisije za sigurnost Skupštine Kantona Sarajevo, obavijestila da je odredbama ZKP-a propisano da se dokumentacija za bilo koji predmet može dostaviti strankama u postupku tek nakon potvrđivanja optužnice. Glavna kantonalna tužiteljica je nakon potvrđivanja optužnice organizovala press konferenciju a potvrđivanje optužnice je bilo daleko iza pokretanja inicijative Komisije za sigurnost za vođenje disciplinskog postupka policijskog komesara, a na osnovu toga je se samo naslonila određena inicijativa premijera i članova Vlade, prema Neovisnom odboru za reviziju policijskog komesara za mojom smjenom. Također, glavna tužiteljica je istakla da ponovno traži utvrđivanje odgovornosti za policijskog službenika Barića Josipa. Nakon toga je donesen zaključak da kantonalnog Tužilaštvo povodom održanog sastanka saopšti saopštenje za javnost, u kontekstu donošenja buduće saradnje MUP-a Kantona Sarajevo i Kantonalnog Tužilaštva. Želim malo da objasnim ovaj slučaj. Da je kojim slučajem na osnovu zahtjeva Komisije za sigurnost Skupštine Kantona Sarajevo policijski komesar dozvolio da se izvrši uvid u pojedine dijelove dokumenata ovog krivičnog spisa u fazi istrage, na čijem čelu se nalazi postupajući tužilac, ja sam taj zahtjev Komisije za sigurnost

prosljedio na očitovanje glavnoj kantonalnoj tužiteljici, gdje sam odgovorno dobio sasvim neodređen odgovor gdje u smislu kaže da apsolutno ne vidi razloga zbog čega sam dostavio takav zahtjev Komisije za sigurnost njoj na mišljenje i očitovanje. Našao sam se u pat poziciji, jednostavno nisam imao konkretnu uputu od mog prirodnog saveznika kada je u pitanju dokumentovanje i procesuiranje krivičnih djela, u ovom slučaju Tužilaštva. Odlučio sam, vođen odredbama ZKP-a i onoliko koliko mi moja policijska praksa u mojih 27 godina služi, da sam omogućio uvid u pojedine akte i dokumente krivičnog spisa, ili da sam dozvolio kopiranje kompletnog spisa, policijski komesar odgovorno vam tvrdim, i tada bi glavna kantonalna tužiteljica ili postupajući tužilac imali pravo da me liše slobode i uhapsu jer bi sigurno počinio krivično djelo zloupotrebe službenog položaja i samim tim svojim postupkom bi sigurno stavljalo bi mi se na teret da sam ugrozio istragu. To su bili razlozi moga nedstovaljanja. Na kraju krajeva, iz možda moje dovoljne neinformisanosti na sjednici Komisije za sigurnost, kao što postoje stručnjaci iz oblasti, odnosno eksperti iz oblasti saobraćaja, iz oblasti mehaničke struke, iz oblasti mašinske struke, iz oblasti finansijske struke, pitao sam pošto nisam znao, da li postoje eksperti iz oblasti sigurnosti. Da li postoji takva lista, da li je negdje objavljena? Sasvim dobronamjerno, iskreno sa srca, pošto sam bio možda u tom datom trenutku neuk, međutim, lista takvih eksperata za sigurnost, apsolutno ne postoji. Takve osobe, kako i koji je bio kriterij da se te osobe imenuju u Komisiju za sigurnost, po čijem prijedlogu i na osnovu kakvog postupka, to ostaje sada predmet utvrđivanja disciplinske odgovornosti, odnosno eventualno određeni sudski postupaka dokazivanja. Kada su u pitanju 47. vanredna sjednica Skupštine Kantona Sarajevo, apsolutno nije stara konstatacija uvažene glavne kantonalne tužiteljice da se mi nismo čuli godinu i po dana. Znači, neposredno nakon ubistva Dženana Memića, nakon 20 dana, tada smo se vidjeli, sreli, koji su razlozi, odgovorno tvrdim da policijski komesar u imenu Vahida Ćosića, zaista, personalno, funkcionalno kao policijski komesar i institucionalno ispred MUP-a gledam vas sve u oči, kao i građane Kantona Sarajevo, nemam apsolutno protiv bilo koga, bilo šta, niti imam bilo kakav sukob bilo koje visine, odnosno razmirice. Meni nisu jasni razlozi zbog čega je glavna kantonalna tužiteljica prekinula jednostavno našu saradnju. A na kraju nije ni bitno, personalno ako je prekinula, bitno je da je institucionalno nastavljena saradnja između kantonalnih tužilaca kantonalnog Tužilaštva i sektora kriminalističke policije MUP-a Kantona Sarajevo. Zatim, ponovo je na toj sjednici izrečena jedna konstatacija da je ponovo Barić Josip bio na licu mjesta saobraćajne nezgode prilikom smrti i pogibije ove dvije mlade djevojke, na licu mjesta te saobraćajne nezgode ni u blizini nije bio Barić Josip, nego je bio predmet tretiranja i uviđaja sasvim male saobraćajne nezgode koja se desila na drugom dijelu grada, a to je bila 4. PU. Kada su u pitanju optužbe gdina premijera, Dine Konakovića da se u njegovom kvartu i lokalitetu, tamo gdje premijer kupuje mlijeko i štrucu onaj njegov čovjek koji radi u granapu na špijunku stalno otvara i zaključava, mi smo to uradili u 1. PU gdje smo za prošlu godinu utvrdili na osnovu naših evidencija da su počinjeno pet krivičnih djela, da je od toga rasvijetljeno tri, a dva su nerasvijetljena, za kojima policijski službenici intenzivno rade. Da su u prvih devet mjeseci o.g. na tom istom lokalitetu izvršeno šest krivičnih djela. Pet smo uspješno rasvijetlili, jedno nismo rasvijetlili. Počinioci ovih krivičnih djela su prve komšije od tog čovjeka koji radi u granapu, odnosno nalazi se u tom kvartu. To su lako dokazive i provjerljive informacije koje se mogu provjeriti u 1. PU. Odgovorno tvrdim da smo naš rad bazirali na generalnom planu rada UP, na operativnim planovima, i na osnovu akcionih planova, odnosno prioriteta svih organizacionih jedinica kojima je Ministarstvo trebalo da učini ambijent sigurnijim i boljim u Kantonu Sarajevo. Apsolutno ne stoje činjenice ove koje je Vlada Kantona Sarajevo stavila što se policijskom komesaru stavlja na teret, one poslove i zadatke koje obavlja policijski komesar. Znači odredbama člana 50. Zakona o unutrašnjim poslovima, data je mogućnost, odnosno predviđeno je da ministar može podnijeti inicijativu za smjenu policijskog komesara, ali inicijativa i stava 1 ovog člana podnosi se u slučaju kada se raspolaže dokazima da policijski komesar nije obavljao pravilno poslove iz člana 23. stav 3 tačka b) i r) ovog Zakona. A član 23. ovlaštenja policijskog komesara kaže: stav 3) tačka b) nadgleda i usmjerava

aktivnosti uprave policije kojima rukovodi u skladu sa prioritetima koje odredi Vlada Kantona Sarajevo, uz konsultacije sa ministrom. Ja kako sam policijski komesar od 2010 godine ni jedna Vlada, ni jedan ministar nije odredio nikakve sigurnosne prioriteta po kojima bi postupali policijski službenici Uprave policije MUP-a Kantona Sarajevo. Znači, automatski stav pod b) ne može se dovesti u kontekst u vezu sa optužbama policijskog komesara za težu povredu službene dužnosti. I pod r) redovno izvještava ministra o preduzetim aktivnostima Uprave policije, a odmah po događajima i rezultatima poduzetih aktivnosti koje imaju značaj za sigurnost građana i interesa Kantona, što će ministar bliže urediti posebnim općim aktom u saradnji sa policijskim komesarom. Ministar nikada nije uredio općim posebnim aktom, ali jeste zato policijski komesar uredio uputstvom kojim se reguliše rad službe za odnose sa javnošću operativno komunikacijskog centra, gdje doslovno, evo ministra tu, i svi ministri unutrašnjih poslova, ovo je šesti do sada u mom mandatu policijskog komesara su nakon obavještanja od strane operativno komunikacijskog centra bili obaviješteni o aktuelim sigurnosnim događajima koji mogu ili ne mogu imati same refleksije po sigurnost građana Kantona Sarajevo. Nakon policijskog komesara, ministra unutrašnjih poslova, nadležnih rukovodilaca organizacione jedinice također je bio obavještavan, obavještavani su postupajući tužioci ili neki drugi državni organi, organizacije i institucije koje su imale interesa da se uključe u rješavanje takvog sigurnosnog događaja. Odgovorno tvrdim da sam uvijek, i pored usmenog, pismenim putem obavještavao, putem pismenih informacija ministra MUP-a. Neovisni odbor za izbor i reviziju policijskog komesara sam uvijek obavještavao o svojim informacijama o stanju sigurnosti, a na osnovu posljednjeg zaključka, redovno sam obavještavao o sigurnosno interesantnim događajima kada je u pitanju Nezavisni odbor. Zadnja informacija što je uvaženi predsjedavajući Nezavisnog odbora kazao da nije stigla na vrijeme, ministru unutrašnjih poslova i predstavnicima Vlade Kantona Sarajevo na 47. vanrednoj sjednici Kantona Sarajevo su prezentovane aktivnosti. Molio bih zaista sve tada koji su izrekli i kazali određene zaista vrlo krupne optužbe gdje je policijski komesar, policijski službenici Uprave policije MUP-a Kantona Sarajevo i menadžment medijski linčovan. Ostavio sam mogućnost da se eventualno neko za određene krune optužbe kada se radi u ovom slučaju, barem u najmanju ruku izvine. Iako je sutradan imao informaciju, ne od policijskog komesara i Uprave policije Kantona Sarajevo, znači imao informaciju od pripadnika Granične policije i Kantonalnog Tužilaštva da je lice prešlo i napustilo granični prelaz odgovorni menadžment Granične policije preduzeo adekvatne mjere za sankcionisanju onih koji su uradili određene propuste. Ovdje su sa mnom danas zajedno najodgovorniji policijski službenici iz Uprave policije MUP-a Kantona Sarajevo, tri načelnika sektora, načelnik sektora uniformisane, kriminalističke policije i načelnik sektora za pravne kadrovske i logističke poslove i edukaciju, analitiku i planiranje, načelnik jedinice za profesionalne standarde, načelnici pet PU, komandiri jedinica, jedinice za specijalističku podršku, jedinice za podršku i jedinice za saobraćaj. Odgovorno tvrdim da smo na osnovu našeg generalnog plana, operativnih planova, i akcionih planova zaista tražili da učinimo sve kako bi smo ispoštovali sve ove aktivnosti na području Kantona Sarajevo. Ovo što gospodin premijer traži da mi provodimo određene racije gdje on ide na području ZDK ja vas samo mogu informisati o sljedećem: u sklopu preduzimanja potrebnih mjera i radnji u cilju poboljšanja ukupnog bezbjednosnog ambijenta na području Kantona Sarajevo policijski službenici Uprave policije MUP-a Kantona Sarajevo su a osnovu prikupljenih informacija izvršili detaljne analize ugostiteljski objekat u kojem najviše dolazi do narušavanja javnog reda i mira, odnosno okupljanja izvršilaca krivičnih djela. Na osnovu izvršene analize došlo se do zaključka da je određeni broj ugostiteljskih objekata bezbjednosno interesantan na način a se u istima okupljaju lica sklona izvršenu krivičnih djela i činjenju prekršaja protiv javnog reda i mira te da se kod ovih lica može pronaći vatreno oružje, opojna sredstva i drugi predmeti podesni za nanošenje tjelesnih povreda ili eventualno za lišenje života. Shodno navedenom preduzete su potrebne mjere i radnje u cilju identifikovanja ovakvih ugostiteljskih objekata te je depešom policijskog komesara, od marta mjeseca 22. 2016 godine svim PU Uprave policije MUP-a Kantona

Sarajevo naloženo da se za sve bezbjednosno interesantne ugostiteljske objekte pripremi zahtjevi za izdavanje naredbi za pretrese istih sa detaljnim obrazloženjima razloga pojedinačno za svaki ugostiteljski objekat kako bi se stekli uslovi za izdavanje ovakvih naredbi. Od strane policijskih službenika Prve PU, samo primjere navodim, upućen je pismeni zahtjev za izdavanje naredbe za pretres ugostiteljskih objekata Općinskom sudu u Sarajevu na koji zahtjev sud nije odgovorio. Dok je na pismeni zahtjev policijskih službenika Četvrte PU, u pet slučajeva nadležni sud donio rješenje da se zahtjev odbija kao neosnovan. Obzirom na praksu suda da se u svakom zahtjevu moraju precizirati činjenice i saznanja šta se tačno traži pretresom, precizno opisati i koji predmeti, koji dokazi se žele osigurati pretresom, te tačno navesti koja će lica biti zatečena i tretirana kroz pretres, tačno navesti motorna vozila koja se namjeravaju pretresati, vlasništvo registarske oznake i slično. Svi upućeni zahtjevi su odbijeni kao neosnovani jer se unaprijed ne mogu precizirati činjenice neophodne da sud izda naredbu za pretres. U obavljenim razgovorima sa postupajućim tužiocima, policijskim službenicima Uprave policije MUP-a Kantona Sarajevo prezentiran je zvaničan stav suda gdje je rečeno da ni jedna navedena tačka, da ni jedna navedena naredba neće biti izdata dok se ne ispune gore navedeni uslovi. Da bi se krenulo u operativno taktičku mjeru, raciju, mnogi brkaju raciju samo jednostavno da se dođe na lice mjesta da se može sve kontrolisati, sve pregledati i pretresati. Ogromne su razlike u skladu sa ZKP šta je pregled a šta je pretres. Ko ih može raditi. Da bi se racija kao operativno taktička mjera i radnja sa konkretnim ciljem ovim koji sam ovdje naveo izvela i realizovala moraju biti ispunjeni preduslovi, moraju se primijeniti operativno taktičke mjere i radnje, opseravacije određenih prostora, objekata i lica za koja ćemo utvrditi osnove sumnje a ćemo ih pronaći na ovim mjestima sa ovim karakteristikama, mora se uraditi blokada užeg i šireg lica mjesta, konkretan plan akcione situacije koju treba da provode, i tek tada pripadnici policije MUP-a Kantona Sarajevo ulaze u lice mjesta uže i šire blokade objekta koji se tretira, i vrše operativno taktičku mjeru u radnju racije, gospodine premijeru. Mi smo i pored toga preduzimali pojačane aktivnosti kada su u pitanju ove aktivnosti ali sve u aktivnosti pojačane kontrole saobraćaja, sa akcentom na ove aktivnosti koje smo provodili, ali direktno da smo mogli provesti raciju kao operativno taktičku mjeru i radnju zato nismo imali razumijevanja i evo ja sam to ovdje elaborirao.

Ovo što je glavna tužiteljica kazala radi se vjerovatno o određenoj neinformisanosti medija zato što su oni zaista objedinili na pres konferenciji na kojoj sam ja iznio doslovno o počinjenim prekršajima za počinioce ovog krivičnog djela, 47 prekršaja je počinio, sankcionisan je za to, ukupan dug njegov je iznesen. Radi se o prekršajima protiv bezbjednosti saobraćaja na putevima u 46 slučajeva i vjerovatno nisu evidentirani i registrovani još nekoliko prekršaja iz Zakona o javnom redu i miru. Mnogo ne razlikuju prekršaj od krivičnog djela. To je razlika nebo i zemlja. Ja sam rekao da je lice u operativnim evidencijama evidentirano za počinjenih 18 krivičnih djela, između ostalog razbojništva, pokušaja razbojništava, nanošenje teških tjelesnih povreda, izazivanje opšte opasnosti, a samo za jedno krivično djelo napad na službenu osobu u vršenju poslova sigurnosti procesuirano 2014 godine sankcionisan je od strane Opštinskog suda, uslovnom kaznom. Mi smo dostavili zaista, znači jeste, može tužiteljica, ima šest službenih izvještaja, ali na jednom službenom izvještaju lice je tretirano kao lice koje je počinilo više krivičnih djela koja mu se stavljaju na teret gdje je evidentirano u našoj operativnoj evidenciji. Želim zaista da ovom prilikom pozovem građane Kantona Sarajevo da zajedno sa policijskim službenicima Uprave policije MUP-a Kantona Sarajevo nakon ovakvog cjelovitog i iscrpnog izvještaja sa predloženim mjerama koje treba da određeni nivoi vlasti, zakonodavna vlast prepozna aktivnosti s ciljem pooštavanja kaznene politike, dosljedne implementacije svih kaznenih odredbi i provođenja kaznene politike na području Kantona Sarajevo. Osnovni oblik prevencije djelovanja policije jeste prisustvo uniformisanih policijskih službenika na određenom mjestu i u određeno vrijeme, što stalno i permanentno radimo. Vidite ujutro na svim važnim frekventnim raskrscima, u blizini osnovnih i srednjih škola, prisustvo je uniformisanih ovlaštenih službenih lica, policijskih službenika. Ja postavljam pitanje kada se radi o ovoj

tamnoj brojci kriminaliteta, kako vrlo često puta od naših uvaženih diplomiranih kriminalisti često kažu koja je. Slažem se, apsolutno su u pravu, ima te tamne brojke kriminaliteta iz raznoraznih razloga, ali postavljam pitanje, koliko smo mi našom prevencijom, policijski službenici na ovakvim aktivnostima neposrednog prisustva na određenom vremenu, i na određenom mjestu spriječili izvršenja krivičnih djela. To je zaista nemjerljiv podatak i sigurno onaj koji ima loše namjere okrenuo se i nije realizovao, odnosno nije izvršio takvo krivično djelo. Kada su u pitanju saradnja s Fakultetom kriminalističkih nauka, ništa lično protiv bilo koga nemam, vrata kuće MUP-a su širom otvorena. Kada e govori o strukturi policijskih službenika u MUP-u Kantonu Sarajevo od 1161 policajaca, starijih policajaca, narednika i starijeg policajca uz rad se obrazovalo i ima završenu višu školsku spremu 27 policijskih službenika koji izvršavaju poslove i zadatke predviđene pravilnikom o unutrašnjoj organizaciji. I 120 policijskih službenika sa visokom školskom spremom, onih koji su stekli određeno akademsko zvanje, nemamo ih u našim evidencijama. Dakle ukupno 148. kada je u pitanju ukupan broj kriminalista, evo danas, ako posmatramo strukturu menadžmenta uprave policije, nas trojica smo završili vojnu akademiju kopnene vojske, u starom sistemu nekada u Beogradu. Završile su kolege političke nauke, ovdje u Sarajevu ili na nekom drugom fakultetu. Fakultet kriminaliste, kriminologije i sigurnosnih studija, zatim PMF, i završili su kolege Fakultet tjelesnog odgoja i sporta ovdje u Sarajevu. Vidi se heterogen sastav. Ovakav isti. Ja ne mogu uticat na evropske standarde i principe koji su decidno tražili ovakav i identičan Zakon o unutrašnjim poslovima, nalazi se u svim policijskim agencijama, počevši od državnog entitetskog i kantonalnih nivoa. Ja nisam mogao uticati na to zbog samih evropskih parametara, a to sa ja objasnio vama i uporno ste insistirali da se u okviru pravilnika o unutrašnjoj organizaciji uvedu opšti i posebni uslovi kada su u pitanju stepen školske spreme. Da se i to primijeni, ja bih morao iz personalnih dosjea izvaditi sve školske spreme zato što su već policijski službenici uvedeni u svoje stečajno pravo i mora bih u tim opštim i posebnim uslovima predvidjeti sve školske spreme i diplome koje se nalaze kod nas u Kantonu Sarajevo. A uvijek smo vodili računa apsolutno o svim potrebama za ovim profilom kadrova. Oblik prevencije, znači pješačkih patrola, kombinovanih patrola, auto patrola, posebnu pažnju želim da naglasim našeg preventivnog djelovanja, u ljetnoj turističkoj sezoni. Ni jedan grad toliko nije opterećen sa turistima, sa posjetiocima kao što je to glavni grad BIH. Određene turističke destinacije koje su u BIH nisu toliko posjećene kao što je sam glavni grad BIH. Tada se sačinjavaju posebni planovi kada je u pitanju sigurnost, posebno oblast Centra, Starog Grada, međutim ovo se je sada poprimilo oblik samih destinacija na području cijelog Kantona, naša izletišta, olimpijske planine, olimpijska borilišta također su posjećena i u ljetnom i u zimskom periodu. Sačinjavaju se posebni akcioni planovi. Planiraju se pješačke patrole, biciklističke patrole, motociklističke patrole, planiraju se policajci koji rade Rad policije u zajednici, vođe patrolnih sektora, vođe pozornih reona, kriminalistička policija također biva angažovan u pojačanom svom obimu kada su u pitanju ove aktivnosti i angažuju se policijski službenici koji mogu biti na usluzi stranim turistima, koji poznaju jedan od stranih svjetskih jezika. Želim da ponovo naglasim apsolutno potpunu i punu kontrolu osim ovih incidentnih situacija koje dodatno uznemire građane i javnost, dodatne uznemire i nas. I ja sam roditelj. I ja imam studenta i srednjoškolca. I ja živim u ovom gradu od svoje rane mladosti. Ne bi niko sretniji bio od mene i ovih policijskih službenika da imamo što manje posla, međutim rastući oblici kriminaliteta, mislim da UP može uspješno, odgovorno tvrdim, građanima, vama poslanicima, da se nosi sa svim pojavnim oblicima kriminaliteta. Saradnja sa drugim policijskim agencijama u BIH, se ogleda u potpisanim međusobnim sporazumima, memorandumima o međusobnoj pomoći i saradnji, i proaktivnom djelovanju policijskih službenika. I na kraju, zbog ličnog svoj autoriteta, policijske etike, i digniteta svih policijskih službenika, ako ne budem stigao danas, to ću uraditi u toku sutrašnjeg dana da ću obavijestiti VSTV BIH, ured glavnog disciplinskog tužioca da ispita odgovornosti glavne kantonalne tužiteljice, postupajućih tužilaca na ovoliku beskurpuloznu hajku, prozivanje, odnosno obezvjeđivanje, omalovažavanje, rada policijskih

službenika Uprave policije MUP-a Kantona Sarajevo. Ovo otvoreno javno sada kažem zato što je potvrđena optužnica. Dao sam informaciju u kojoj mjeri u kojem obimu i kojem svojim radnjama je policijski komesar učestvovao kada je otkrivanje krivičnih djela ubistva Dženana Memića, da porodica, da javnost građani komšije i svi vi ovdje znate da apsolutno policijskog komesara u skladu sa pravilnikom o unutrašnjoj organizaciji, opisom mojih poslova i zadataka i aktivnosti ni na koji način nisam mogao uticati na one, vrlo teške, optužbe što mi se stavlja na teret. Također upozorio sam ministra MUP-a Kantona Sarajevo kada je u pitanju pokretanje inicijative za smjenu policijskog komesara prema Nezavisnom odboru za izbor i reviziju policijskog komesara na član 50 odnosno da se samo u dva slučaja može tretirati policijski komesar, kada je počinio službene dužnosti, a iz ovoga što sam vam kazao vidite se jasno i na snazi materijalnih dokaza da sam apsolutno radio sve kako bi ova linija rukovođenja, princip subordinacije, hijerarhije, kao vrlo značajni principi u okviru rada Uprave policije MUP-a Kantona Sarajevo jer mi smo policijska, a postoji i vojna formacija. Ovi principi se primjenjuju na obadviije ove formacije. Ako bude bilo kakvih pitanja, budu vrlo interesantni da ih mogu odgovoriti ja bih vas zamolio uvažena predsjedavajuća da mi se još jednom dadne riječ. Hvala vam lijepo.

Predsjedateljica:

Hvala vam lijepo gospodine Ćosiću. Za riječ se javlja premijer. Da, da oprostite što sam rekla da se javljate, nego imate riječ.

Premijer Elmedin Konaković:

Poštovana predsjedavajuća, dopredsjedavajući, poštovani sekretaru, zastupnice, zastupnici u Skupštini Kantona Sarajevo, ministrice i ministri u Vladi Kantona Sarajevo, poštovani predstavnici MUP-a Kantona Sarajevo, poštovana glavna tužiteljice, komesaru, svi prisutni mediji, građani Kantona Sarajevo, sve vas srdačno u svoje ime i u ime Vlade Kantona Sarajevo pozdravljam i želim vam uspješan tok ove sjednice. Nije to mali granap, to je Konzumova prodavnica. A iznad je granap, koji se isto tako pljačka. Ne znam jesu li isti podaci. Ja sam govorio o Konzumovoj prodavnici, a evo i taj mali je šest puta opljačkan ove godine. Mi smo govorili o opštem osjećaju sigurnosti i govorili smo o statistikama. To su dva različita parametra. Mi kao Vlada ponašajući se ozbiljno i profesionalno govorili smo o svim segmentima koji čine ovu oblast, o djelovanju svih institucija i pojedinaca, a naš fokus jeste isključivo na Ministarstvu unutrašnjih poslova i radu uniformisane policije jer je to jedino polje u kojem imamo nadležnost. Nadležnost nad radom Tužilaštva, i nadležnost nad radom sudova nemamo, da imamo i tu bi smo poduzimali određene radnje. Mi smo zatekli jedno stanje u kom je obavljanje ovog časnog posla policajca, teško. Sa nizom objektivnih problema s kojim se ovi ljudi susreću svaki dan obavljajući ovu dužnost. I pri tom dodatno je teško ovaj posao raditi u Sarajevu. Ja sam onaj koji je više puta ponavljao koliko je to teže nego u drugim gradovima BIH, počevši evo primarno od tog obezbjeđenja javnih skupova, kojih, evo sada smo čuli ponovo, negdje oko 1700 bilo ove godine. Podaci koji kažu da u toku jedne godine, jedan od ovih ljudi obezbijedi skupova onoliko koliko u drugim Kantona za života obezbijede policajci. Zatekli smo MUP u jednom stanju u kom je zaista bilo potrebno ovim ljudima pomoći sa aspekta materijalnih sredstava, posebno ljudskih kadrova i kapaciteta, opreme i drugih potreba. Imali smo prakse sudova koje su im do beskonačnosti otežavali njihov posao. Dva puta su mi ukrali auto u Kantonu Sarajevo. Meni lično. Nisam bio tada član ni Skupštine. To je period prije sedam, osam godina. Tada sam s ljudima koji rade zapisnike vidio prvi put sa čim se oni susreću. Oni kažu uhapsimo mi, čak ga nađemo na djelu, uhapsimo kriminalca, a on za 48 sati izađe na ulicu i zove nas na kafu, kaže ajte evo ja sam ponovo vani. To je nešto što je jako otežavajuće u smislu njihove motivacije, a kamo li šta više za obavljanje ovog časnog posla. Naše zakonodavstvo je katastrofalno. Dakle, zakonodavstvo je katastrofalno. Dakle govorimo o višim nivoima vlasti. Prihvatam kritike da nismo dovoljno uradili svi zajedno, ni ja, ni ministar,

ni Vlada ni vi kao Skupština. Da na tom polju zakonodavstva izvršimo ozbiljniji pritisak na one koji bi morali početi donositi mnogo ozbiljniji Zakon. To je naš propust. Imali su iza sebe Tužilaštvo, ili Tužilaštvo su imali sa sobom, koje u ovoj Sali tri godine za redom je imalo nulu ruku za izvještaj. Sjećate li se? Mi smo ocjenjivali rad Tužilaštva, prvog prirodnog partnera kako to kaže komesar, bivše tužiteljice, i njihov rad, nula za. Ujedinjenje pozicija i opozicija misle da to Tužilaštvo ne radi dobro svoj posao. Blago rečeno. To su bile naše ocjene i na to nismo mogli uticati. Sjećate se da smo nakon prve nule ponovo imali tužiteljicu koja ovdje dođe ispriča, i to je bila vrlo onako žena flegman, vrlo je mogu reći nosila se dobro s tim. Ispriča nam istu priču. Ponovo nula i ona ponovo na posao, iduće godine ponovo nula. I VSTV nije učinilo ništa iako smo pisali sjećam se, čak i njima obrazlažući razloge zašto je bila ta nula s aspekta Skupštine koju biraju građani Kantona Sarajevo. Evo ovdje je 200.000 građana dalo vama povjerenje da danas zastupate njihove interese. Sa predsjednikom tada suda kantonalnog sam imao razgovor u kom je rekao planiram zatvoriti odjel privrednog kriminala u Kantonu Sarajevo. Čovjek kaže hoću da nemam procesa i procedura. To sam više puta govorio, ponavljam neke ću stvari vjerovatno ponoviti. A govorim sve u smislu koliko je teško tada biti policajac. I jedna je uloga zastupnika, druga je uloga premijera i Vlade. Druga je uloga premijera i Vlade. Kada smo napravili analizu stanja u Kantonu Sarajevo sjećate se da je segment sigurnosti visoko pozicioniran u svim našim prioritetima. Stalno govorim o njemu kao jednom od najvećih problema. I iščitali smo svoje ingerencije, nadležnosti, profesionalne obaveze i reći ću vam sada šta smo na tom polju mi kao Vlada uradili. Prije nas je neko dozvolio obuku 129 ljudi. To nije isključivo zasluga ove Vlade, 129 ljudi je prije nas, čini mi se da je Pećanac to uveo u sistem ali nije obezbijedio plate, nije ostavio novac. Mi smo to kao prvi prioritet naravno riješili u roku od sat. Našli smo sredstva, obezbijedili smo upošljavanje 129 novih ljudi uz činjenicu da je njima tada otišlo u penziju blizu 80-tak. I to je istina. Dakle, mi smo, zamislite da nije, zamislite da nismo imali novac i da recimo nismo stavili to u prvi prioritet. Sve što je bilo zahtjeva, bili su vrlo objektivni, reducirani, navikli da se ne investira previše u policiju, mi smo ispunili. Čak smo jednom raspakovali budžet jer nam je nekom mis komunikacijom između ministarstava otišla jedna javna nabavka u deficit pa su uspjeli ministar Halebić, ljudi iz MUP-a da vrate nabavku opreme za MUP; i to smo uspješno realizovali, i niz drugih stvari smo uspješno realizovali kako bi njima pomogli u obavljanju njihovih poslova. Primili smo deset novih tužilaca na zahtjev Tužilaštva. Njihove zahtjeve za prostor, za parking, za sve materijalne potrebe ispunili potpuno. I to je bio drugi korak u kom smo pokazali šta nam znači sigurnost u gradu Sarajevo a iz nadležnosti je Vlade Kantona Sarajevo. I Skupštine. Pri tom govori, mi smo kod vas lobirali a vi ste sve ovo dozvolili. Mi smo predlagali, čak ste i vi predlagali, i u budžetima tamo kada dignete ruke, i ponavljam da ste ruke dizali skoro jednoglasno. Ovo smo sve uspjeli obezbijediti u jako kratkom periodu. 6,5 miliona KM povećali budžet MUP-a. 10% procentualno. Daleko najviše u odnosu na sva ostala ministarstva. Svi smo zajedno glasali, čini mi se da jednoglasno donešen Zakon o unutrašnjim poslovima. Ispravite me ako griješim kao pretpostavku za jedan, ne potpuno, ali inovirani novi model upravljanja sistemom sigurnosti u Kantonu Sarajevo, u kojem se mnogo veće ovlasti u smislu finansijskog upravljanja daju komesaru i njegovim saradnicima, apsolutno dakle, i nastavlja se koncept te operativne samostalnosti MUP-a, u kojem se ministar unutrašnjih poslova a i s tim se kritikama slažem, trebao bi imati više operativne nadležnosti, nema operativne nadležnosti. Posmatramo s jedne strane zakona. Dakle, svi smo glasali za takav Zakon. Podržali ga kao reformski, u njemu su učestvovali predstavnici ministarstva, zastupnici, Vlada, međunarodni sektor, OHR, svi su dali tome jedan veliki značaj. Naišli smo na jedan, ja sam lično naišao na jedan veliki problem. U kontaktu s ljudima, često s njima komuniciram, i sa njima pojedinačno s nekima od prisutnih, sa njihovim uposlenicima isto tako. Od Zujevine, koliko god nekome bilo dosadno, ja ću ih ponavljati non stop do danas smo jedan brutalan odnos društva prema njihovoj profesiji u kojem su decertificirani policajci ostali bez posla. I bio sam svjedok jednom od ovih događaja kada jedan mladi policajac koji je učesnik jedne od ovih dobrih akcija kaže da ga je veliki broj starijih

kolega naružio zbog toga šta je uradio jer očekuju sada ponovno, kako bih rekao negativnu reakciju javnosti i posebno negativnu reakciju zakonodavstva prema njima koji su prvi bedem odbrane od kriminala. Lišio je života. I sreo sam tog momka, imaš problem, kaže nikakav nemam problem profesionalno, to je moj posao. Imam problem na reakciju. Oni se vjerovatno opravdano, ne mogu reći plaše, oni se ne plaše, nego se suzdržavaju u obavljanju svog posla. Više puta smo kao Vlada bodrili i išli tim ljudima davali podršku, nagradili ih čini mi se, komesar ili ministar, ne znam ko, nagradili ih, kupili im satove, podigli plate, pojavili se među njihovim kolegama da kažemo to je koncept koji ova Vlada potpuno podržava, institucionalno. Dali saopštenje. To je još jedan borbe ozbiljne u podršci obavljanju njihovog posla. Na polju sigurnosti u drugim ministarstvima, neću puno tu, dugo su govorili prethodnici, imate zaista ja vjerujem svašta reći. U oblasti ministarstva za rad, socijalnu politiku i obrazovanje evo već se implementira naš projekat akcionog plana borbe protiv maloljetničke delinkvencije ulaze nam psiholozi, pedagozi, sociolozi, njih veliki broj kroz Ministarstvo za rad, socijalnu politiku u saradnji sa Ministarstvima obrazovanja već je implementirana ta ideja. U Ministarstvu saobraćaja imenovali smo vijeće za sigurnost u saobraćaju prije ovih dešavanja. Imenovali smo ga, i raspisali konkurs za eksperte a već je sedam ministara u tom vijeću. Dakle, kao dio drugog akcionog plana u kom Vlada daje podršku i učestvuje u kreiranju tog sigurnosnog ambijenta. To je niz stvari koje smo uradili prije ovog zadnjeg događaja. Šta se promijenilo? Mene pitaju šta se to promijenilo u nastupima mojim, u onim što i danas ponavljam, da je ovo najbolja policija u državi, i da radi najteži posao. Promijenio se niz činjenica koje smo, promijenio mi je stav u jednom dijelu odgovornosti komesara. Niz činjenica koje sam dobio na sjednicama Vlade, hitnim, jer smo imali hitne sjednice Vlade po pitanju sigurnosti kada vas nismo time zamarali. I redovnih okolnosti nadzora zato što nam i Ustav i Zakon o djelokrugu organa uprave i Zakon o unutrašnjim poslovima daje široke ovlasti nadzora nad radom ministarstva unutrašnjih poslova. I ovdje je komesar u pravu. S pravnog aspekta da li će biti dovoljno dokaza u pravnom postupku, ovdje ispravljam krivi navod, nije Vlada naložila ministru, nego u zaključku stoji ministar će, jer on ima te ovlasti. I u diskusiji na sjednici Vlade smo došli do informacije da će ministar to uraditi. Nije mu Vlada ništa naložila. Vlada nema nadležnost. Dakle mi to govorimo javno. A ministar će u skladu s članom zakona 50. b) i r) pozivajući se na član 23. vaših nadležnosti uraditi to i to. A postaviti ću par pitanja po ova dva stava Zakona. Na hitnim sjednicama smo dobijali informacije koje smo mi danas dijelom čuli, a ja ću radi potpune transparentnosti i potpune potrebe da se ovaj proces otvori potpuno do kraja reći nekoliko još informacija koje nisu moji prethodnici rekli. Tvrdim da su odnosi između ove dvije institucije narušeni, a evo zašto. Na jednoj od sjednica, sad mi se to već brka, evo počeo ću od one zadnje na kojoj nije bila glavna tužiteljica nego njena pomoćnica koja kaže komesaru: „da li ste vi znali da je jutros od 10 do 1 lica osumnjičena za pomaganje Sejfiću bila na adresi Cvijetina broj taj i taj u kući Sejfića?“ Komesar kaže nisam. Da li ste vi znali da je od 1 do 3 isti ti počinioci za koje sumnjamo, evo danas ste ih uhapsili, čestitam. A prije tri dana ste o tome pričali. Četiri. Komesar kaže nisam. Ne znam ko je kriv. Ja ne mogu reći, možda je Tužilaštvo trebalo reći eto vam ih, de uhapsite ih, ne čekajući da pita MUP gdje su. Ne znam. Govorim o funkciji ove dvije institucije. Na sjednicama prije, na hitnoj sjednici evo sada ću se vratiti na onu prvu hitnu koju smo sazvali kada smo imali nekoliko napada na moj granap, i nekoliko napada s dugim cijevima u Kantonu Sarajevo. Sazvali smo hitnu sjednicu Vlade. Tada je prvi put, juli je mjesec, prvi put smo čuli salvu optužbi od Tužilaštva u kojem smo čuli da Tužilaštvo preskače našeg komesara, bira njegove saradnike i kaže ne njemu nego nekom drugom na ruke. Bio je prisutan Halilović nije bilo Ćosića. Dakle, vrlo argumentovano, tužiteljica Burzić iznijela niz podataka koji govore o nesaradnji i iznijela činjenicu, tvrdnju pred Vladom da bolje sarađuje s drugim organima unutrašnjih poslova: Federalnim MUP-om i višim institucijama. Čuli smo tada da informacije negdje cure, da je bilo akcija koje su se trebale desiti a nisu, i nema više toga pod tepih. Jedna od stvari. U kontaktima s Nezavisnim odborom na toj sjednici nama predstavnici Nezavisnog odbor kažu ne dolazi nam komesar na sjednice. Nas informišu. Tu su sve svjedoci ljudi ozbiljni. Kada

smo počeli Vladu i kada sam počeo slušati ove informacije, prekinuo sam Vladu, sve koji nisu članovi Vlade sam zamolio da izađu, i ostali smo u Kolegiju kako ovim informacijama ne bi smo uznemirili javnost. Ovo govorim na sjednici Kolegija informacije koje će ovdje svi potvrditi ili će neko negirati. Neće niko negirati. Dakle, još jedna od informacija na predzadnjoj sjednici kaže: e sada to je ono što mene zbunjuje ko je na čelu istrage? Tužilac. Nama komesar kaže tužilac je na čelu istrage. Kaže pomoćnica, a u toj sam akciji učestvovao je, pratio je, došao na lice mjesta navečer kada je bila jedna aktivnost dole na Ilidži. Oduševio se, filmskim raspletom hapšenja počinilaca krivičnog djela u kom je jedno lice poginulo. Filmski su ljudi to riješili. Druga nisu. I na sjednici Vlade kaže pomoćnica tužiteljice mi smo odabrali sami 12 ljudi iz MUP-a koji će nam raditi tu istragu fenomenalno. Vi ste nam ih komesaru dali sve redom, sva imena koja smo tražili ste nam dali. I završena maestralno. Kada smo drug put tražili iste ljude, vi nam ih niste dali. I to je jedan od ovih komplikovanih procesa, koji još nisu riješeni. Saradnja je loša. S Komisije za sigurnost smo dobili informaciju mi kao Vlada ovu koju imate i vi. Evo danas se referirao komesar. Ja zaista pazim ljudi nije isto imati hitnu sjednicu o sigurnosti i hitnu sjednicu, uz dužno poštovanje, o nekom drugom segmentu života. Da nekoga ne uvrijedim. Jer ovdje su odluke vrlo hrabre, ali ih je potrebno donositi. Jer jedino šta je gore od toga je ne donošenje odluka i nastavak sistema koji nije onakav kakav ova Vlada misli da Sarajevu treba. Dakle, zato je potrebno, ja neću iznositi niz informacija koje imam, koje ću proslijediti Nezavisnom odboru, u radu Vlade sam ih dobio dokumentovano, od institucija. Jedna od njih je OSA. Čija je depeša stigla na moja vrata, na adresu, koju sam pročitao članovima Kolegija. Da ono što smo čuli od komesara na hitnoj sjednici Vlade nije tačno, OSA kaže potpuno se drugačije rasplelo. Neću dalje pričati o tome. Dakle govorim šta se promijenilo. Zbog čega sam ja imao potrebe da odgovarajući javnosti, i to stalno često radim, nekada me ruži neko od kolega što izlazi često premijer, ono kada je bilo fino. Sada izlazi premijer i kada nije fino jer je to moj posao. I posao mi je da se pojavim u javnosti i da odgovorim na pitanje građana, da budem u medijima i više nego što bih lično volio deset puta. U našoj analizi rada, to za šta smo ustavno potpuno nadležni i ono o čemu nam komesar po članu Zakona o unutrašnjih poslova odgovara po članu 23 ministru i Vladi, nama odgovara komesar. Ne možemo ga smijeniti, odgovara nam. Na ove informacije o funkcionisanju pojedinih dijelova MUP-a smo dobijali ovakve slične informacije, da u jedinici za profesionalne standarde, i nas je to bilo uplašilo, isto ime čovjeka koje je izašao na slučaj Sefić, isti čovjek koji je promijenio iskaz. Službena osoba koja je promijenila iskaz u slučaju Memić. Dakle, nije svjedok, policajac sa značkom, sa grobom Kantona, jedno na uviđaju, drugo malo kasnije. Mene to, ma ne plaši me ništa, mene to zabrinjava. Dakle, to zabrinjava. Onda smo dobili da je taj isti, komesar je opovrgnuo i rekao nije taj. Ima taj isti još prije u jednom slučaju, vjerovatno ćete o tome danas govoriti. I naravno da nas zanima šta je s tim pojedincem. Kada to pitamo komesara on kaže to radi jedinica za profesionalne standarde. U nekim procedurama ja mislim da ima komesara, nije nam to ovdje rekao. Da bez odobrenja komesara ne znam može li jedinica za profesionalne standarde. Može li? Ne može. Samostalna u svom radu uz odobrenje komesara. Logično. Nikakva saglasnost, ništa? Dobro. Evo mi smo pitali komesara koji samo nadgleda rad jedinice za profesionalne standarde šta se s tim čovjekom dešava, on je rekao oni su samostalni, ja to ne znam. Ko ih bira? Ko ih postavlja? Ko ih razrješava je bilo naše pitanje? Komesar kaže ja. Drugu stvar, ja sam prigovarao lično na odnose s drugim institucijama, s Fakultetom kriminalističkih nauka u kojem ima čovjek pravo da se na pojedince s tog fakulteta ljuti jer sam svjedok ovdje nasrtaja na njegov čin i na njegovu poziciju političkog nasrtaja u ovoj Sali. Tad. Ima pravo da nosi neku svoju ličnu frustraciju ali nema pravo da ove dvije institucije ne uvezuje maksimalno. Maksimalno. Tada smo dobili drugu informaciju, komesar kaže imam neki odjel privrednog kriminala, tamo sjedi 11 diplomiranih kriminalista ništa ne rade-. To je rekao Vladi. Tamo 11 diplomiranih kriminalista ništa ne rade, evo ljudi koji su to slušali. Kaže kako je onda moguće da su tu? Što su tu ti ljudi? Što ih potpuno ne promijenite? To je ono zbog čega je njemu sigurno teže nego nikome drugome danas, al tako mu u zakonu piše. Piše tačna nadležnost u

Zakonu o unutrašnjim poslovima. Ministra, a onda tamo gdje piše zaštita života, ljudi, građana, organizacija, signalizacija saobraćaj sve njegove nadležnosti. Jesmo li trebali to rasteretiti ga? Jesmo, slažem se. Slažem da smo ga trebali rasteretiti da dio toga radi i ministar unutrašnjih poslova i drugi ljudi u sistemu da nije sve na leđima jednog čovjeka. Mi smo više puta sam govorio o tim racijama. Evo i na to ću se referirati. Dakle, dobio sam te odgovore iste kao i danas. Kako može Zenica stvarno raditi? Evo neki dan, u ponedjeljak ujutro informacija u medijima, ljudi su obavljajući svoju redovnu aktivnost koju rade često lišili slobode jednog, našli bombu, našli dva pištolja, našli to, vjerovatno preventivno spriječili neku posljedicu iz onoga što su tamo zaplijenili i procesuirali. Ja nisam ekspert. Čak je neko od zastupnika postavio to pitanje. Nisam to samo ja. Dakle ja mislim da je to prisustvo policije veće na terenu stalna prevencija. Komesar kaže ima ga. Mi smo procijenili da ga nema dovoljno. I pri tom opet ne ulazeći u struku, o tome će ljudi iz struke. Još ću samo par rečenica. Htjeli smo evo još neke stvari kada je riječ o upravljanju novcem. Dakle ove godine komesar ima apsolutnu nadležnost. Naknadno sam dobio informaciju da je dogovoreno unutar ministarstva unutrašnjih poslova da se napravi neki diobeni bilans pa da i dalje MUP učestvuje čini mi se u nabavkama, je li tako? Ali i to je samo voljom komesara. Dakle Zakon je dao apsolutnu ovlast komesaru u oblasti nabavki. Zna li koliko je na današnji dan izvršenje nabavke opreme i materijala ? procentualno. 15. oktobra. 1,04%. Od 5,2 miliona koje smo mi ove godine izdvojili , pri tome gro otpada na automobile, jer smo rebalansom još oteli para dali MUP-u za nabavku auta jer su njihova auta katastrofa. Tu akciju koju su rasvijetlili trčali su za počinocima. Ima sada dole na Ilidži auta. Tada su trčali ljudi za onim u BMW-u i rekli smo odmah nabavka 70 vozila. 70 početkom naredne godine. To je također stav ove Vlade. Mi do danas nemamo, imali smo tender. Nismo imali tender. Tek ide tender za nabavku automobila. 45 dana. Međunarodni tender. 48. ima neki rok žalbe. Ako se žali neko ode nam u deficit nabavka automobila MUP-a. Ode 3 miliona u deficit ili ću ja vas morati moliti, izmoliti ću vas da nam date u decembru brzi neki rebalans da ne ode puno para u deficit da neke stvari uradimo koje su operativne. To je sada njegova odgovornost. A i do sada ja u zadnjih 10 godina imam izvještaj u kojem je posebno 2010, 11 i 12 preko 3 miliona godišnje s pozicije nabavke za MUP završavalo u deficitu zbog ne izvršenja. Dakle, preko 3 miliona 10,11 i 12. ove godine 5,5 miliona nam visi. Ima još 2 za nabavku. Dakle to je ono što njima treba. I nije dovoljno. Naravno da nije dovoljno. S ovim nabavkama nije dovoljno. Trebamo još dati policiji. Vidjet ćemo koliko možemo u narednoj godini i odakle ćemo. Treba li im dati veće plate? Naravno. Dogovorili smo se da ide Zakon o policijskim službenicima, da im treba dati još veće plate, iako oni su potpuno izdvojeni iz sistema. Oni prvi primaju plate, oni su najmanje ugroženi u cijelom ovom sistemu, i prije nas, ne samo našom odlukom. To se kod mene promijenilo. Ne kod mene, ja sam glasnogovornik ove Vlade. To mi je posao. Ja ovdje izlazim kada vam budemo prezentirali ove godine na platama, izaću ja ponovo poslije Halebića da se foliram. A sada moram izaći da obrazložim šta je to što brine Vladu Kantona Sarajevo i što brine građane Kantona Sarajevo. Dakle, ponavljanje krivičnih djela, zakonodavstvo, sudstvo, sve je to činjenica. Slabo zakonodavstvo, praksa sudska, sve sam to rekao, ali ovaj broj krivičnih djela dnevno. Ovaj procenat ako ćemo o statistikama nepoznatog počinioaca u Kantonu Sarajevo po N.N. slučaj Salčin koji nije riješen samo je prebačen na viši nivo. Slučaj Memić koji je komplikovan do bola. I čekamo svi nestrpljivo da vidimo šta se dešava i gledamo u ovu Komisiju ko da je neka CIA komisija uz sve vas koji ste institucije koji vodite proces. Slučaj Sefić. A vidite ovo, vidite šta ste nam još rekli, zašto smo mi reagovali, što je Vlada reagovala, zato što vi ne znate šta smo mi tada znali. U slučaju Sefić kažu nam MUP je pozvao pogrešnog tužioca. Jel tako? Dakle, niste pozvali onog koji je tu zadužen, taj je slučajno došao tužilac vraćajući se s nekog drugog mjesta. Informacija Vladi. Ljudi ja ništa ovdje ne izmišljam. Dakle, došao je taj, pa je onda usput došao i drugi. Šta nas je prepalo jel isti čovjek il nije. Što je taj koji je radio uviđaj promijenio, sinoć je to neko analizirao, pogriješio datum rođenja počinioaca. Pogriješio datum rođenja što u konačnici u njegovom matičnom broju nije ista osoba. Greška, evo super, ljudski faktor. Nek to ispita

ponovo jedinica za profesionalne standarde. Što smo pitali odmah jel bilo dovoljno telefonom da zovete Graničnu policiju? Oni kažu jeste. I Granična policija kaže jeste ali ipak nam sinoć direktor Granične policije direktno kaže nije to bilo dovoljno jer smo depešu dobili u 6,30 ujutro. A lice prešlo u 6,35. jel tih 5 minuta, dakle i tu govorim ponovo o sistemu nikada optužujući samo MUP; nikada. I posebno ne generalizirajući. Nikad. Mi smo sve to znali. A zato i bez da možda ima prava vidjet ćemo, možda ima prava, pa ćemo i to u postupku nekog dokazivanja mi pokušati. Vidite ovo, šta su smjernice Vlade, da li je Ekspoze dokument koji govori o našim prioritetima. Ja mislim da jeste, pravno jeste. Da li su donošenje planovi i programi rada? Trivijalni su. Da li je smjernica Vlade kada na hitnoj sjednici Vlade skupite komesara, nije bio tada, opravdano zaista, tada nemamo nikakav prigovor. Bio je njego prvi saradnik. Da li su smjernice Vlade kada kažemo izađite bolan ljudi, zatvorite šest izlaza iz grada, jel moguće. Evo nemamo ponovo u budžetskom zahtjevu kamere na izlazima iz Sarajeva. Nemamo ih. Znači ponekad možda prelazim laički u sferu profesionalnog samo na osnovu informacije koju dobijem od profesionalaca. Dakle, to su smjernice, to su hitne Vlade, to su stalna zasjedanja, to su naša nastojanja, direktni kontakti da se takve stvari poprave. Jer je nemoguće da Banjaluka nema ovaj broj krivičnih dijela ni u šlj, ni blizu procentom. Evo djela krađa auta. Nemoguće da mi imamo toliki broj. Znam za sve njihove probleme, opet neću ući u državno Tužilaštvo, nemojte mene Filipović. Najkraće od sviju njih govorim moram reći. Ozbiljna je tema od mene tražite stalno odgovornost pustite me da kažem šta mislim. Probleme koje im pravi državno Tužilaštvo s kojim ne može. Neću pričati šta smo sve mi sarađivali. Koliko smo puta one sitne materijalne probleme rješavale koje po zakonu ne možete rješavati. Rješavali smo ih u kabinetu premijera. Od Salčina, Memića, ovih informacija koje smo dobili kao Vlada, onoga što smo dobili Nezavisnog odbora se promijenio stav. Zbog argumenata koje mi imamo i ovim. Pošao sam završiti, to sam pošao reći. Nije možda pravo, ali je pravda da u okviru svojih ustavnih nadležnosti ukažemo na problem koji smo evidentno uvidjeli kao Vlada. Da sam nevladina organizacija ja bi to uradio, a ne ko premijer Vlade. Hvala.

Predsjedateljica:

Hvala lijepo uvaženi premijeru. Otvaram raspravu. Izvolite uvaženi zastupniče Halilović. Rasprava, rasprava. Vi možete i postaviti pitanje.

P.O. sekretar Almira Kulovac Šetkić.

Po ustaljenoj našoj praksi uvijek idu pitanja, pa se poslije pitanja obraćaju radna tijela Skupštine, zatim se otvara rasprava. Međutim, ovo je hitna sjednica Skupštine, gdje se baš svi rokovi, proceduru ne poštuju, dakle do vas je hoćete li. Dakle, možete ići sa pitanjima.

Predsjedateljica:

Hvala sekretaru. Izvolite uvaženi zastupniče Halilović.

Poslanik/zastupnik Semir Halilović:

Hvala lijepo. Ovo je trajalo tri i pol sata, policija, tužilac, jedan odbor, drugi odbor, mislim da su ljudi koji gledaju ovu sjednicu Skupštine Kantona Sarajevo vidjeli svu pravnu zavrzlamu i nemogućnost i pravo lice zašto svi ovi organi nisu u stanju da riješe bilo šta u Sarajevu. Nezavisni odbor tvrdi da tužilac i komesar nisu u dobrim odnosima, tužilac tvrdi da jesu u dobrim odnosima, komesar tvrdi da je to onako, premijer kaže da nisu ni u kakvim odnosima, i Komisija za sigurnost kaže također da nisu u dobrim odnosima. Dakle, neko ne govori istinu? Statistički podaci koji su ovdje iščitavani od strane tužioca i policije mogu se pogledati na drugačiji način. Vi ste sada imate slučaj ubistva ove dvije mlade djevojke, i na žalost i to treba, ovo će neko njima prenijeti, samo će tuga u njihovoj porodici ostati, i samo će ovaj problem rješavanja ovog problema ostati njihova trauma. Jer što se tiče policije i Tužilaštva Kantona Sarajevo, vi niste u stanju niti želite da riješite ništa što remeti vaše funkcije. I o tome se radi.

Nemojte mi dobacivati s mjesta gospodine.

Predsjedateljica:

Izvolite, poslovnička intervencija,

Poslanik/zastupnik Kemal Ademović:

Uvažena predsjedavajuća, zaamjenici predsjedavajuće, premijeru, kolegice i kolege zastupnici, predstavnici policijskih struktura, Tužilaštva, predstavnici međunarodne zajednice, udruženja građana, dragi gledaoci sve vas selamim i pozdravljam. Dakle, kao što ste rekli predsjedavajuća, prvo idu pitanja po Poslovniku, to ste rekli dakle. Trebalo bi prvo završiti sa pitanjima. Ja se zaista izvinjavam kolegi Haliloviću, dakle ako on to nije dobro čuo. Moja namjera nije da njega spriječim da nešto kaže, ali treba prvo završiti sa pitanjima, pa onda rasprava. Hvala.

Predsjedateljica:

Hvala lijepo uvaženi zastupniče Ademović. Sekretar je objasnila da je ovo specifična sjednica te da po Poslovniku naravno prvo idu pitanja, a onda rasprava, a pošto je specifična sjednica dali smo mogućnost da ovo bude rasprava. Pa ako se slažete, ići ćemo po Poslovniku, a ako ne, onda ćemo otvoriti raspravu. Iz tih razloga je bila ovakva situacija. Ali evo, ja ću se držati Poslovnika. Postavite pitanje.

Hoćete li vi gospodine Halilović nastaviti? U redu. Hvala lijepo. Sljedeći je bio uvaženi zastupnik Okerić. Ima li neko pitanja? Uvaženi zastupnik Marić pitanje.

Poslanik/zastupnik Zvonko Marić:

Naravno hvala vam predsjedavajuća. Pozdravljam sve prisutne u ovoj Sali. Posebice gledatelje pored malih ekrana koji prate tok ove sjednice. Ovdje smo čuli niz stvari i očigledno da je tu stara naša boljka da najviše govorimo kada riječi gube svaki smisao. I ova rasprava koju smo do sada slušali prijetila je da nas komira. Morat ćete priznati. Ništa konkretno, sve teče med i mlijeko sa ove govornice, i tako dalje. Međutim, ja bih samo jedan detalj za komesara Ćosića. Govorio je o ubojstvu u Džamijskoj ulici, u ulozi policije, brzom intervenciji. Ali ako se pogleda, evo ja imam taj izvještaj, ne znam kako sam došao do njega. Gdje on obrazlaže na koji način, i pod kojim okolnostima su rasvijetljavani slučajevi ubojstva dvije mlade studentice i ovo ubojstvo u Džamijskoj ulici. Nisam mogao a da ne primijetim, iako sam to čitao površno, da ovdje nedostaje jedan vrlo važan detalj, pa ga stoga pitam, da li je sin od majke koja je zlostavljana od strane ubijenog koji je ušao u stan i zadobio teške povrede zato što ga je lice koje je ubijeno prije toga klalo nožem, u društvu svog cimera prijavilo policiji taj slučaj i posavjetovano šta dalje da radi i šta je u tom trenutku policija poduzela, da li je ta informacija tačna, ja ću vam reći ili nije. I te večeri, zaposlenica koja je bila nekada moja učenica, MUP je sa svojim suprugom pokušavala da dobije broj 122 i nikada nije dobila. Ali sam također primijetio da satnica kada je druga povrijeđena osoba, ne ona koja je podlegla prebačena u Državnu bolnicu, u koje vrijeme je prebačena u Klinički centar i zašto taj način pružanja pomoći? Hvala.

Poslanik/zastupnik Selma Filipović:

Koristim priliku da pozdravim sve prisutne kao i građane pored malih ekrana. Ja ću samo postaviti jedno pitanje gđinu Vahidu Ćosiću a tiče se sigurnosti. Da li je gospodin Vahid Ćosić, njegova porodica, njegovi prijatelji i komšije, da li se osjećaju sigurno u Kantonu Sarajevo? I pošto se radi o velikom broju žrtava da li će iz moralnih razloga podnijeti ostavku ili će i dale se nastaviti prebacivati loptica odgovornosti s jednih na druge? Hvala lijepo.

Poslanik/zastupnik Mario Vukasović:

Zahvaljujem predsjedavajuća. Prije svega iskoristio bih priliku da vas sve srdačno pozdravim. Ja imam jedno pitanje za komesara MUP-a Kantona Sarajevo koji su mehanizmi borbe protiv korupcije unutar MUP-a, odnosno u policiji Kantona Sarajevo? Koliko je evidentirano djela nuđenja mita policijskim službenicima, prvenstveno mislim na saobraćajne prekršaje, te koliko je lica odnosno građana sankcionisano zbog nuđenja mita? Mislim da je ovo nešto što svi znamo da se dešava, pa me interesuje koja je službena informacija o navedenim djelima. Hvala.

Poslanik/zastupnik Mirza Čelik:

Zahvaljuje m predsjedavajuća. Pozdravljam se prisutne kao i gledaoce pored malih tv ekrana. Pa naime, o čemu se radi? Ja imam tri pitanja. Na jedno su mi već odgovorili. Grupa građana koji su dolazili u zadnje vrijeme kroz našu kancelariju izražavali su zainteresovanost da pitamo na ovoj današnjoj sjednici i ja ću postaviti pitanje komesaru. Šta je sa vozilima tzv. presretačima koji su opremljeni kamerama za koje je Kanton izdvojio novac prije nekoliko godina? Koji su njihovi rezultati rada i zašto ih nema na cesti? Drugo pitanje jeste, da i je moguće da policijski službenik za dvije godine dobije unapređenje tri zvjezdice? A na treće pitanje već su govorili i premijer i Vahid, a to je bilo zašto se ne rade racije u našem gradu, kao preventivne aktivnosti policije? Zahvaljujem.

Poslanik/zastupnik Predrag Kojović:

Zahvaljujem predsjedavajuća. Pozdravljam sve prisutne. Meni je neobično i izuzetno žao što nismo imali priliku da nam se obrati i ministar unutrašnjih poslova. Ja sam nekako očekivao da će to biti svakako logično. Ali imam dva pitanja. Prvo se odnosi na ono što propisuje član 9. kantonalnog zakona o unutrašnjim poslovima. Da li je Vlada ikada u pismenom obliku formirala nešto što bi se moglo nazvati kao smjernice ili odluke i uputila ih prema ministru unutrašnjih poslova i komesaru? I pitanje iz člana ja mislim 21. u kome se kaže da ministar unutrašnjih poslova utvrđuje prioritete i politike prema policiji, odnosno prema komesaru, odnosno da li to postoji u pisanom obliku? Uz jedan samo dvije rečenice komentar. Velika se diskusija svojevremeno vodila kada je usvajan Federalni Zakon o unutrašnjim poslovima o mišljenju Venecijanske komisije koja je precizno rekla da sve upute od zakonodavne ili izvršne vlasti prema direktorima policije, odnosno prema komesarima policije moraju ići u pismenom obliku. Ja sa žaljenjem konstatujem da naš kantonalni Zakon o unutrašnjim poslovima nije prepoznao tu preporuku i nije je uvrstio u ovaj Zakon koji smo usvojili. Hvala.

Poslanik/zastupnik Amar Dovadžija:

Zahvaljujem predsjedavajuća. Koristim priliku da poselamim i pozdravim sve prisutne kao i gledaoce pored malih ekrana. Ja imam pitanje prema komesaru gđinu Čosiću. U nekoliko navrata je spomenuto ime Josipa Barića, koji evo spominje se u nekoliko slučajeva, ali eto vi ste rekli da nije bio tu, ali evo uzet ćemo samo slučaj Dženana Memića. Ja imam pitanje za vas, da li ste komesaru poduzeli konkretne mjere i radnje u cilju istraživanja i eventualnog sankcionisanja ovakvog postupanja ovlaštenog službenog lica? Hvala.

Poslanik/zastupnik Safet Mešanović:

Sve vas srdačno selamim i pozdravljam. Ja imam pitanje jedno za glavnu tužiteljicu kantonalnu. Bio je jedan slučaj 2013 godine kada se dogodila pucnjava na Dobrinji ispred restorana Kuća, gdje je došlo do teških ozljeda sedam lica. Treća policijska uprava je vodila istragu. Došlo se do saznanja da je počinilac Džamonja Nikola, za kojeg i danas dan znamo da je na slobodi, odnosno mi nemamo informaciju da je do danas pokrenuta tužba, odnosno potjernica da je izdata. Hoću reći u ovom slučaju da smo svjedoci da je po mojoj nekoj procjeni i evidenciji koju imam puno više policija uradila posla, nego što je to poslije uradilo Tužiteljstvo odnosno naša sudska vlast. Naravno, u raspravi ću se osvrnuti malo na današnje izlaganje i tužiteljice i ostalih

učesnika. Hvala lijepo.

Poslanik/zastupnik Mario Vukasović:

Zahvaljujem predsjedavajuća. Ja bih također naveo jedan slučaj koji ovdje nije spomenut a to je ubistvo mladića Harisa Salmana, koji je ubijen također na Ilidži. I to ubistvo nikada nije razriješeno a desilo se prošle godine. Također jedno pitanje za glavnu kantonalu tužiteljicu. Da li je istina da su osobe koje su se prijavile u policiju samostalno kao izvršioci djela priznali u Tužilaštvu da su dobile novac da urade tu prijavu? I ako jesu da li su rekli od koga? Zahvaljujem.

Poslanik/zastupnik Mirsad Pindžo:

Zahvaljujem uvažena predsjedavajuća. Kolega Kojović je pomenuo da mu je žao što ministar policije, ministar unutrašnjih poslova nije nam se obratio. A dobili smo informacije iz medija i danas od premijera da je ministar donio rješenje o pokretanju disciplinskog postupka protiv policijskog komesara. Tema sigurnost i razlozi odnosno činjenice i dokazi koje je ministar imao na raspolaganju ja mislim da i zastupnici imaju pravo da ih znaju. Kada smo razmatrali na Kolegiju današnju sjednicu, bilo je prijedloga da ona bude zatvorena za javnost, rekli smo da to nema smisla, da javnost ima pravo da zna, a ako ministar cijeni, ili tužitelj ili komesar u određenom dijelu da neki podaci ne treba da idu u javnost mi možemo poslovnički zatvoriti dio sjednice. Ali ja smatram da ministar unutrašnjih poslova mora zastupnike Skupštine informisati o svom rješenju i o razlozima za pokretanje disciplinskog postupka, bez obzira šta se u medijima govori. Ministar unutrašnjih poslova sjediti u Sali a raspravljati se o temi sigurnosti, a štititi, neću reći neuobičajeno, a ja tražim da nas ministar izvijesti o tome. Hvala lijepo.

Predsjedateljica:

Hvala lijepo uvaženi zastupniče Pindžo. Ima li još pitanja? Nema. Imate vi. Izvolite uvaženi zastupniče Okerić.

Poslanik/zastupnik Elvedin Okerić:

Zahvaljujem predsjedavajuća. Imam jedno pitanje zašto nema predstavnika MUP-a Kantona Sarajevo u Timu Vlade Kantona Sarajevo za prevenciju maloljetničkog prijestupništva, iako je Vlada imenovala predstavnika MUP-a da aktivno učestvuje ovog Akcionog plana? Zahvaljujem.

Predsjedateljica:

Hvala lijepo. Ima li još pitanja. Pošto nema evo ja pozivam komesara, pošto je za njega dosta bilo pitanja. Izvolite uvaženi komesaru Ćosić.

Policijski komesar Vahid Ćosić:

Ako dozvolite uvažena predsjedavajuća ja ću samo da se referišem, a ima veze sa izjavom premijera. Znači, pravilnikom o unutrašnjoj organizaciji i sistematizaciji MUP-a Kantona Sarajevo predviđeno je 1579 policijskih službenika, a imamo popunjeno 1444. nije popunjeno 135 policijskih službenika. Izradom novog pravilnika o unutrašnjoj organizaciji i sistematizaciji naša je procjena da će nedostajati MUP-u Kantona Sarajevo oko 250 policijskih službenika, jer parametar za procjenu sigurnosne situacije i određivanja broja policijskih službenika i europski standard je na 100.000 između 360 i 400 policijskih službenika. Na koordinaciji direktora Federalne uprave policije i policijskih komesara svi smo stali da ovaj parametar bude taj s obzirom da smo društvo onakvo kakvo jesmo. Mi smo u jednoj velikoj tranziciji, da ipak imamo potrebu na 100.000 stanovnika da to bude 400 policajaca. Uz to, poseban, konstantan problem koji imamo jesu 137 invalida II kategorije. Znači policijskih službenika koji su zauzeli status i ostavljeni na status nakon invaliditeta i rješenja drugostepene invalidske komisije. Znači oni su zauzeli 127 pozicija policijskih službenika. 127 pozicija, prethodno prije njih ne mogu biti

unaprijeđeni u taj čin. I iz tog čina ne mogu biti unaprijeđeni u veći čin. Komisija, dvije komisije za unapređenje policijskih službenika koju sam formirao prilikom dolaska na poziciju policijskog komesara, do sada je za vrijeme pet godina mandata unaprijedila oko 560 policijskih službenika, od čina stariji policajac do čina glavni inspektor. Ono što želim sa ove govornice javno da poručim, evo još nije u potpunosti ni završen Zakon o unutrašnjim poslovima, u toku je najozbiljniji, najkomplikovaniji podzakonski akt, znači Pravilnik o unutrašnjoj organizaciji, sistematizaciji, opisi poslova i zadataka kako izvršilaca, tako i (nerazumljivo) jedinica. Nešto mi je kratko pobjegla, umoran sam zato što imam nekih pitanja gdje sam htio na vaše pitanje da odgovorim. Da, činovanje, jedan od zastupnika je postavio pitanje kada je u pitanju činovanje. Meni nije poznato da je bilo ko dobio čin suprotno odredbama Zakona o unutrašnjim poslovima, Zakona o policijskim službenicima i Uredbe o dodjeli i oduzimanja činova u Upravi policije MUP-a Kantona Sarajevo. Isključivo preispitivanje, ako je neko to primijetio, imao je pravo pouke o pravnom lijeku, i mogao je bez ikakvih problema da podnese žalbu Policijskom odboru kao drugostepenom Vladinom tijelu za rješavanje te žalbe. Problemi su počeli ovdje, kada kaže premijer mi smo dali komesaru. Premijeru, sve što ste dali uzmite mi iz džepa. Izvinjavam se. Malo je nekorektno. Ali nekorektno je i to da premijer kaže 6,5 miliona maraka. Kazat ću samo, ok, sve stoji, ali kazat ću ovo, da smo projekcijom budžeta za 2014 godinu zaista projicirali, za nabavku opreme koja nije nabavljena 2014, 15, 16 i projekciju za 17 godinu. Evo premijera, evo odgovornih ljudi. Kada je, kada su bile poslije februarskih demonstracija, aktivnosti oko zaključka Skupštine Kantona Sarajevo, kojim je naloženo Vladi Kantona Sarajevo da po specifikaciji opreme koja je potrebna u skladu sa Pravilnikom o standardizovanoj policijskoj opremi da se kupi, ni do dana današnjeg, odgovorno upoznajem građane Kantona Sarajevo i vas kao zastupnike, po tom zaključku, nikada nije kupljena niti jedna jedina čačkalica. Ovo što premijer kaže, postoji dobra volja, i jeste se Vlada odredila, ali odgovorno poručujem lešinarnima raznoraznim koji trljaju ruke kada su u pitanju javne nabavke, da policijski komesar nije adresa kojom će se eventualno obraćati kada su u pitanju javne nabavke. Javne nabavke su još u skladu sa zakonom u nadležnosti i na osnovu diobenog bilansa koji smo potpisali raniji ministar Jusko Ismir i ja, i to je izuzetno u vrlo kratkom vremenskom roku završeno i urađeno. I ima jedna tamo odredba u kojoj smo kazali da tek od 01.01.2017.godine nakon budžetske 2017 godine da će policijski komesar zajedno sa službama koje budu u toku da vrše javne nabavke, početi vršiti potpisivanje tendera ili poziva za javne nabavke, sada trenutno to je u ingerenciji uvaženog ministra Mulabdića koji je formirao Komisiju za javne nabavke rješenjem, i komisija je apsolutno sa Poslovníkom o radu komisije i Zakona o javnim nabavkama sve ove javne nabavke o kojim priča uvaženi premijer, izvršila, napisala tendersku dokumentaciju i raspisala tendere, javne pozive. Policijski komesar apsolutno ni sa jednom nabavkom apsolutno nema ništa. Pogrešan navod, ili krivi navod. Tek od 01.01. ja sam kazao i tada dogovorili smo se da ni tada samostalno nikada neću posegnuti, svi su mislili sada kada dođe budžetska samostalnost predviđena novim zakonom da ću ja pohrliti, da su to moji novci. Ne, to su novci naših građana, budžetskih korisnika. Sve instrumente i mehanizme kontrole koji se budu mogli upotrijebiti kada eventualno neko, ako budem policijski komesar ili neko drugi, podržavam da uvijek mogu izvršiti uvid u stanje apsolutno rada komisije za javne nabavke i tenderske dokumentacije kada je u pitanju nabavka materijalno tehničkih sredstava za potrebe UP. Mi samo (nerazumljivo) najnužnije prioritete, da kažem da mi trenutno, otvoreno moram da kažem, kada je u pitanju borba protiv organizovanog kriminaliteta imamo u našem naoružanju kada su u pitanju duge cijevi, neupotrebljivo naoružanje. Mi to oružje koristimo u slučaju nužde i po prioritetima zbog toga da bi smo u akcijama i akcionom smislu spasili život sebi ili eventualno nekim građanima kojima budemo trebali pomoći te vrste. Znači to naoružanje je neupotrebljivo. Kada su u pitanju smještajni kapaciteti, napominjem vas, sjedište ministarstva unutrašnjih poslova Kantona Sarajevo je predmet restitucije. Vlasništvo Jevrejske zajednice. Jedina za saobraćaj nije u vlasništvu MUP-a Kantona Sarajevo. Druga policijska uprava, Policijska uprava Novo Sarajevo je napravljena na neuređenom, hoću da kažem kapacitetu, ovo što smo govorili oko budžeta. A

kazat ću uvažena zastupnice Filipović zbog čega ovo govorim. Kazali smo da objekat Druge policijske uprave također nije u vlasništvu MUP-a Kantona Sarajevo. Uložio sam dodatne napore pošto smo dobili informaciju za 7000 kvadrata. Evo uvaženog premijera sa kojim sam razgovarao ranije.

Predsjedateljica:

Izvolite uvaženi zastupniče Ademović.

Poslanik/zastupnik Kemal Ademović:

Predsjedavajuća, ja vas molim da vodite sjednicu po Poslovniku, a to znači kada se da da se odgovori na pitanje, da se odgovori na pitanje. Nije to neka druga diskusija. Dakle, mi sjedimo ovdje 3,5 sata nas maltretirate. Pustili ste da ljudi pričaju po sat i po. Ovo mi liči na onog Budimlića kada je izlazio kao ministar gore pričao sat i po i onda nam još rekao sljedeće, ko ne zna dođite da vas educiram dole na Fakultet kriminalistike. Dakle ovo je maltretiranje. Dajte, odgovorite na pitanja i da idemo dalje po Poslovniku koliko šta traje, koliko minuta. Sve je propisano.

Predsjedateljica:

Hvala lijepo. Komesaru odgovorite na pitanja.

Komesar Vahid Ćosić:

Brzi poziv ili crveni poziv gospodin Zvonko Marić 122. vrlo često puta nas građani zovu možda u datom trenutku je vjerovatno linija bila zauzeta, to su tehnički kapaciteti. Ne mogu ništa drugo odgovoriti nego to. Nešto prebacivanje, nisam dobro razumio pitanje gdina Marića ako može samo da mi ponovi drugo.

Poslanik/zastupnik Zvonko Marić:

Trudio sam se gospodine Ćosiću. Dakle nije nevažna uloga policije u rasvjetljavanju ovih djela o kojim na žalost govorimo. Prvo sam pitao vezano za ubojstvo koje se desilo u Džamijskoj ulici. Znamo da je tom ubojstvu prethodila tuča, može se reći pa i upotreba noža s kojim je povrijeđen moma, sin od majke koja je živjela sa tim licem, koje je ubijeno u stanu, i imam informaciju da je to prijavljeno policiji. Međutim posavjetovan je taj momak šta bi trebao da uradi jer je ulazio u tuđi stan, da bi to moglo biti njegovo krivično djelo i njegovog cimera. On je nakon toga pozvao ostale sudionike kada se desio taj nemili događaj. To je pod broj jedan da li je prijavljivao taj slučaj policiji. Znači upada u stan i upotreba noža, klanje itd. I drugo,

Predsjedateljica:

Dobro, to ste rekli gospodine Zvonko, samo da podsjetite.

Poslanik/zastupnik Zvonko Marić:

Pa evo pokušavam da pojasnim komesaru, i druga stvar, druga osoba studentica koja je stradala od ubice koji je vozio automobil, je prebačena u ovoj satnici u ovom vašem izvještaju do kojeg sam došao je prebačena u Opću bolnicu ili Državnu bolnicu, kako se to kaže, pa onda prebačena u Klinički centar i vidi se satnica, ne zna se koliko je zadržana u, a nije nevažno, u Državnoj bolnici, a onda na KC i zašto je to tako bilo? Kakva je to procedura.

Komesar Vahid Ćosić:

Shvatio sam pitanje. Ovog trenutka ne mogu odgovoriti na pitanje u kojem tražite odgovor da li je evidentirano u policijskim evidencijama prijavljivanja prije toga incidentne situacije. Ja tu je načelnik Druge policijske uprave koji može dati konkretan odgovor zato su i došli jer imamo jako puno informacija, ako može dati ja bih ga zamolio.

Evo prelazim na ovo od gdina Marića drugo pitanje. Najbliža zdravstvena ustanova je JU Opšta bolnica Sarajevo. Zdravstveno medicinsko osoblje je preuzelo povrijeđenu i oni su pružili prvu medicinsku hitnu pomoć. Oni su procijenili da u datom trenutku ne mogu možda sa medicinskim tretmanom pružiti adekvatnu pomoć, nego su je prebacili na jednu od klinika u Klinički centar Sarajevo.

Predsjedateljica:

Dobro, nemojte upadati.

Policijski komesar Vahid Ćosić:

Uvažena zastupnica Filipović da li se osjećam sigurno? Nigdje se sigurnije ne osjećam nego u glavnom gradu BIH i to poručujem svim građanima Kantona Sarajevo, to odgovorno tvrdim i odgovorno tvrdim kada je u pitanju moja porodica da nikad nikakav problem nije bilo, mada sam u dva slučaja moja porodica je bila na meti određenih kriminalnih aktivnosti, određenih kriminalaca. Znači i sami smo bili žrtve. To da li ima moralna odgovornost. Moralnu odgovornost imam za događaje koji su se desili. Ali odgovorno tvrdim da smo poduzeli sve, Uprava policije MUP-a Kantona Sarajevo i policijski službenici da stvorimo bolji i kvalitetniji ambijent za građane Kantona Sarajevo.

Poslanik/zastupnik Selma Filipović:

A da li ćete podnijeti ostavku iz moralnih razloga, to je bilo moje pitanje?

Policijski komesar Vahid Ćosić:

Ostavku ne razmišljam da podnesem ostavku iz moralnih razloga iz razloga toga što sam zaista uložio maksimalno sebe za ovaj ukupan vremenski period onda kada sam bio na jednoj opštoj meti, haranzi uspijevao sam zaista da Uprava policije radi i funkcionise nesmetano bez ikakvih problema. Sve projekte da realizujemo i sada za sada ne vidim razloga, izuzev ako bude određene zakonske konsekvence me sljedovale da moram odstupiti s ove pozicije. Nisam uspio zapisati sve predsjedavajuća.

Poslanik/zastupnik Amar Dovadžija:

U nekoliko navrata, ne samo vi nego i premijer ste spomenuli ime Josipa Barića koje evo, u nekoliko slučajeva umiješan, ali eto, vi ste rekli da nije pa evo konkretno u slučaj Dženana Memića ko ji evo imamo da je taj policijski službenik u dva navrata promijenio svoj iskaz, jeste li vi kao komesar pokrenuli ikakve istražne radnje da ustanovite zbog čega je došlo do promjene tog iskaza i izvještaja.

Policijski komesar Vahid Ćosić:

Pismeni dopis i akt stepena hitnosti i hitno dobio sam od glave kantonalne tužiteljice u ko joj traži da se ispita odgovornost policijskog službenika Barića. Ja sam taj akti istog trenutka kada sam ga zaprimio u službenoj pošti signirao jedinica za profesionalne standarde koja je nadležna za procesuiranje i vođenje postupka utvrđivanja disciplinske odgovornosti ili ukoliko su došli do određenih podataka da ima elemenata krivične odgovornosti, na kraju krajeva, Tužilaštvo bi podnijelo krivičnu prijavu. Jedinica za profesionalne standarde, tu je i načelnik jedinice za profesionalne standarde, ja bih molio ako ne uspijem da vam dadnem sve odgovore sa kojima ćete biti zadovoljni, zato postoje rukovodioci organizacionih jedinica uprave policije koji po linijama rada isključivo imaju odgovore na vaša postavljena pitanja. Ta unutrašnja istraga koja je provedena ocjenjena je sa ocjenom bez dovoljno dokaza. Kada je došao taj zvaničan nalaz jedinice za profesionalne standarde policijski komesar je samo potpisao popratni akti i taj nalaz prosljedio glavnoj kantonalnoj tužiteljici.

Predsjedateljica:

Hvala. Presretači, jeste.

Polijski komesar Vahid Ćosić:

Kada su u pitanju presretači ja sam u svom izvještaju koji sam naveo zaista napomenuo koliko preseretača se koristi, čini mi se da smo negdje za devet mjeseci negdje oko 27.000 prekršajnih naloga imali kada je u pitanju angažovanje presretača. Molim vas, evo tu su komandir jedinice za saobraćaj, zamjenik, šef odsjeka za video nadzor i šef odsjeka za saobraćajne istrage. Ako imaju potpunu cjelovitu informaciju kod sebe da vam mogu dati brojke, bojim se da ne bi pogriješio, zamolio bih samo mikrofona da im se dadne da mogu odgovoriti konkretno. Kada su u pitanju mehanizmi borbe protiv korupcije ja sam u zadnjem svom izlaganju zaista opširno detaljno kazao kada smo mi donijeli strategiju borbe protiv korupcije, prvi od svih policijskih agencija u BiH. Oko tog koraka smo upoznali Ministarstvo sigurnosti, koje zbog kratkoće vremena tu strategiju bilo preuzelo i prosljedilo kao obavezujuću za druge policijske agencije. Na osnovu strategije borbe protiv korupcije koju je donijela Vlada, mi smo participirali također u sastavu Vlade, gdje smo isti takav akcioni plan donijeli na nivou MUP-a Kantona Sarajevo i pored toga formirao sam tim koji ima isključivo zadatak borbu protiv korupcije u MUP-u i jedan dio policijskih službenika je zadokumentovan i ja mislim određeni postupci, jedna je od presuda bila u prvom stepenu, a za druge postupke, čini mi se da ih ima desetak, da je još postupak na sudu.

Određen je iz odijeljena za posebne namjene i sektora kriminalističke policije.

Predsjedateljica:

Nemojte tako upadati molim vas, bilo je vrijeme za pitanja. Gospodin odgovara. Nastavljamo dalje. Izvolite gospodine Vukasoviću. Evo upravo je krenuo.

Poslanik/zastupnik Mario Vukasović:

Pa evidentirani broj građana protiv kojih je podnijeta prijava zbog nudenja mita policajcima kao i evidentirani broj policijskih službenika koji su sankcionisani zbog primanja mita. Da li postoje takvi slučajevi koje su mjere poduzete?

Predsjedateljica:

Sada smo to.

Polijski komesar Vahid Ćosić:

Ja bih zamolio načelnike jedinice za profesionalne standarde u svom izvještaju ukoliko ima takav podatak jer u ukupnoj masi svih brojki ne mogu precizan odgovor dati.

Poslanik/zastupnik Mario Vukasović:

Ok. Zahvaljujem. Molio bih samo da poslije, ako bude mogućnost čujem odgovor.

Predsjedateljica:

Tužiteljica ima riječ sada. Hvala vam gospodine Ćosiću.

Glavna kantonalna tužiteljica Dalila Burzić:

Ja sam imala samo dva pitanja. Prvo pitanje uvaženog poslanika Vukasovića. Haris Salman, ubistvo njegovo. Ustvari ubistvo Dalibora Sulejmanovića, 18 godina kazne zatvora. Mi smo podnijeli žalbu, nismo zadovoljni s visinom kazne. Obzirom na način na koji je ovaj lišen života i okolnosti pod kojima je to učinjeno. Uvaženi poslanik Mušanović u pogledu Džamonje i ovih slučaja, on je imao tu saizvršioca. To je kriv Abdurahman kojem je postupak u toku na sudu, a Džamonja je izbjegao i trenutno se nalazi, po našim saznanjima u Americi i u tom dijelu je

raspisana potraga.

Ja ću samo jedan kratki komentar na ovo sve. Mi jako insistiramo na javnosti, ja javnosti sudskih postupaka koji se vode na sudu. Evo recimo sada, ova konkretno dva pitanja, da možda i mediji su dovoljni istrajni i zainteresovani tokom cijelog suđenja u nekom postupku, možda bi i građani, pa i poslanici imali adekvatnije i blagovremene informacije. Međutim, šta se nama dešava. Nama se dešava da novinari budu jako zainteresovani kada krene neki predmet. I ta zainteresovanost traje nekih mjesec, dva dana i nakon toga vjerujete mi u sudnici sjede sudije, sa tužiocima, braniocima i optuženim, što je meni jako žao. Možda bi i sve to djelovalo ozbiljnije i studioznije, možda i pravednije da je možda javnost više na taj način putem medija uključena u postupke gdje vlada načelo javnosti. Evo konkretno, predmet Memić. Predmet Memić, suđenje nam je 24. imamo krunskog svjedoka, jedinog očevica događaja, koji je predmetom bio najvećih natpisa medijskih povodom ovog slučaja i ja zamislite imam taj dan u isto vrijeme kada je suđenje i principi javnosti, javni pretres, na čemu mi insistiramo, imamo zakazane demonstracije. Znate, u svakom predmetu, u toku postupka, tužilac je tu da izvede dokaze i pokaže šta donosi na sud. I to bi trebali građani da znaju. I to su prave informacije i praćenje suđenja. Ja u nekim predmetima insistiram na brzom suđenju upravo zbog toga što imam nekad osjećaj da u vrlo važnim predmetima se razvodni to sve, da bi se otupila oštrica javnosti koja vremenom prestane biti zainteresovana u nekom predmetu kao na početku. Mislim da to nije dobro. Mi smo samo jedan moj mali komentar, evo ja mislim da ste zadovoljni odgovorima, pa ako bude još nešto, ja sam tu.

Predsjedateljica:

Samo jedno, evo gospodin Amel Mekić.

Poslanik/zastupnik Amel Mekić.

Hvala vam predsjedavajuća. Evo bit ću kratak pa ću pozdraviti sve nas ovdje prisutne i gledaoce ispred malih ekrana da ne prozivam pojedinačno. U izvještaju koji sam slušao od komesara uvaženog, on kaže da 61,8% su povratnici, počinioči krivičnih djela. Ja sebi postavljam pitanje pa šta radi onda sud, ako su oni svi povratnici?

Glavna kantonalna tužiteljica Dalila Burzić:

Sud donosi sudske presude. Ukoliko nismo zadovoljni s njima mi kao Tužilaštvo se žalimo. O tome odlučuje neposredno viši sud, i to je cijela mudrolija. A ja sam kada sam uzela riječ i kada sam se obratila građanima ukoliko nas još uvijek prate, ako nismo im već dosadili, a mislim da nismo, sam upozorila na neke stvari koje ne smatram dobri. Mislim da kaznena politika nije adekvatna. E sada, svaki povratnik, to mu se mora cijeliti kao otežavajuća okolnost. Ali opet kažem, to je onaj povratnik koji je presuđen. To je povratnik ko ji je kažnjen, osuđen i upisan u kaznenu evidenciju kao osuđen. To je za sud povratnik. Za sud nije povratnik lice koje u operativnoj jedinici policije evidentirano kao osoba koja bi se mogla dovesti u vezi s nekim krivičnim djelom. Ali u svakom slučaju, kod povratnika, to je moje duboko uvjerenje, uslovna osuda dva puta za redom ne bi smjela biti tolerisana, od tužioca pogotovo, ali i sudovi bi morali o tome da vode računa. Mi čak imamo situaciju da ni u poziv osude uslovne sud ne radi po službenoj dužnosti, nego opet sad sam ja to uvela kada sam došla, da mi onda tražimo i insistiramo i tražimo od suda odluku da opozove prethodno uslovnu osudu, odnosno odluči o njenom opozivu. To su sve te situacije u koje mi dođemo.

Predsjedateljica:

Poslovnička intervencija zastupnik Bajrović.

Poslanik/zastupnik Izudin Bajrović:

Poštovana predsjedavajuća, mislim da ova naša današnja sjednica Skupštine gubi formu. Postaje

je teško pratiti. Prelazimo s pitanja na diskusije, pa se vraćamo na pitanja, odgovaramo nešto što nam nije postavljeno. Molim vas da se vratimo Poslovniku kako bi građanstvo a i mi mogli nekim redom da vodimo ovu sjednicu. Hvala.

Predsjedateljica:

Hvala lijepo. Ja sam gđinu Mekiću izašla u susret, upravo zbog toga da građanstvo dobije sve informacije. Hvala vam. Eto, ako možete gospodin Mešanović nije zadovoljan s pitanjem, pa je htio dopunu svog pitanja.

Poslanik/zastupnik Safet Mešanović:

Opština Centar nema dva mikrofona u ovoj Sali, ali eto. Molim vas tužiteljice samo kratko. Budući da je izvještaj na Općinskom vijeću u Novom Gradu bio gdje je Treća policijska uprava po tom izvještaju konstatovala da i nakon šest mjeseci od učinjenog tog djela nije podignuta optužnica, odnosno potjernica. Imamo tri godine su prošle i vi sada kažete da je potjernica. Jel moguće da Tužiteljstvo nije moglo dovesti tog čovjeka pred lice pravde, gdje postoje dokazi da je on počinio to krivično djelo. Tri godine.

Glavna kantonalna tužiteljica Dalila Burzić:

Da vam kažem. Prvo potjernica nije isto i potraga. Treća stvar potraga i optužnica nije isto. Pošto je to događaj iz 2013 godine kada ja nisam bila na ovoj poziciji, ja ću evo ili da u vidu poslaničkog pitanja vam ostanem dužna to detaljno razjašnjenje tačno preduzetim radnjama. Međutim Tužilaštvo kada se traga za počinioce ili za osumnjičenim licem, traga se uz pomoć policije. Prema tome, i tu ima procedura. Imate policijske potrage koje raspisuje policija, kao operativnu radnju, a opet imate potjernice koje se raspisuju na osnovu odluke suda. A prije toga mora biti određena procedura završena. Tako da su to dvije različite stvari. A ja ću stvarno detaljno provjeriti sve ovdje o čemu se radi i ne znam hoću li dobiti pismeno ovo ili ću ja to da uradim i da odgovorim kao na vaše pitanje, pa da se upoznate s tim.

Predsjedateljica:

Pismeno, pismeno. Eto u redu. Hvala vam lijepo uvažena tužiteljice Burzić. Izvolite uvaženi ministre Mulabdić.

Ministar unutrašnjih poslova Vedran Mulabdić:

Zahvaljujem se. Želim prije svega, obzirom da se prvi put javljam da pozdravim uvaženo predsjedništvo, uvažene zastupnice i zastupnike u Skupštini Kantona Sarajevo, poštovanog premijera, članove Vlade, a ko i gledatelje uvažene Kantona Sarajevo, TV Kantona Sarajevo. Prije svega želim da kažem da obzirom na protokol današnje Skupštine nisam imao potrebu da se obraćam iz razloga tog što za sigurnosnu situaciju a kada su operativni podaci, što je iznio detaljno komesar policije Kantona Sarajevo, dakle mislio sam da nemam potrebe da se obraćam. Što se tiče pitanja uvaženog zastupnika Pindže, čini mi se da je bilo pitanje vezano za inicijativu za pokretanje disciplinskog postupka i disciplinske odgovornosti protiv policijskog komesara Kantona Sarajevo ja sam u skladu sa svojim ovlaštenjima, a mislim da je to detaljno obrazložio i predsjednik Komisije za sigurnost. Ja kada sam zaprimio inicijativu za pokretanje disciplinskog postupka, i disciplinske odgovornosti u datom roku da kažem, sam donio shodno toj inicijativi rješenje o pokretanju disciplinskog postupka i disciplinske odgovornosti protiv policijskog komesara Kantona Sarajevo. I isto uputio u daljnju proceduru a već ste upoznati da je to Nezavisni odbor. Kada je pitanje uvaženog zastupnika Kojovića, meni je vrlo jasno i poznato i naučio sam nadležnosti svoje, odnosno nadležnosti ministra MUP-a Kantona Sarajevo i mi u tom cilju, odnosno ja sa svojim najbližim saradnicima radimo i postupamo. Hvala.

Predsjedateljica:

Hvala lijepo uvaženi ministre Mulabdić. Dodatno pitanje.

Poslanik/zastupnik Predrag Kojović:

Meni je drago da vi znate. Moje pitanje se odnosilo na jednu od vaših nadležnosti, a to je da utvrđujete prioritete i politike i upućujete ih komesaru. I ovo je jedno pitanje bilo pretpostavljam da će premijer na njega, koje se tiče ovlasti Vlade.

Ministar unutrašnjih poslova Vedran Mulabdić:

Pa ako dozvolite, evo uvaženog komesara ovdje i svih njegovih i mojih saradnika. Mi imamo svakodnevne susrete i imamo svakodnevne sastanke na kojima jasno, decidno i konkretno radimo i planiramo svoje aktivnosti, svako u skladu sa svojim nadležnostima. Možda sam ostao dužan da kažem kada je postupak javnih nabavki u pitanju i to je još jedan o razloga što se nisam referisao, uvaženi premijer je to spomenuo. Ja sam samo četiri mjeseca ovdje. Mi smo u ova četiri mjeseca uz zajedničke napore na Vladi Kantona Sarajevo obezbijedili iznos od 1,5 milion KM kako bi izvršili nabavku materijalno tehničkih sredstava, odnosno konkretno vozila. Hvala.

Predsjedateljica:

Hvala lijepo. Ministre, ministre ima još. Gospodin Pindžo nije zadovoljan.

Poslanik/zastupnik Mirsad Pindžo:

Uvaženi ministre za današnju sjednicu Kolegij Skupštine Kantona Sarajevo izričit je bio da sjednici obavezno trebaju i moraju prisustvovati glavni kantonalni tužilac, policijski komesar, predsjednik Nezavisnog odbora, ministar unutrašnjih poslova i naravno premijer. Ko je mijenjao ili nije mijenjao, ko treba da se obrati al na temu sigurnost u Kantonu Sarajevo a da ministar policije, odnosno precizno ministar unutrašnjih poslova nema potrebu ništa da kaže, imate vi pravo i na to. Međutim ja sam nezadovoljan vašim odgovorom. Jasne su meni zakonske procedure, ko pokreće inicijativu za disciplinski postupak, ko donosi rješenje i ko vodi disciplinski postupak. Mene interesuje, ministre vi, kada je Komisija za sigurnost pokrenula, vi ste imali pravo i da odbijete. Ali vi ste donijeli rješenje o pokretanju disciplinskog postupka. Jel to tajna da u ovoj Skupštini javnosti kažete šta su razlozi i argumenti u vašem rješenju o pokretanju disciplinskog postupka protiv policijskog komesara Kantona Sarajevo. Ja vas molim da nam to kažete. Ako treba da zatvorite za javnost sjednicu, zatvorit ćemo je po Poslovniku, ali imamo pravo na te informacije, da ih ne dobijamo od medija, špekulacije. Jest ovo ili nije ono. Rješenje mora sadržavati zbog čega. Hvala.

Ministar unutrašnjih poslova Vedran Mulabdić:

Prije svega želim da vam, da dam odgovor na vaše pitanje. Ja sam shodno zadobivenoj inicijativi, zaprimljenoj, izvinjavam se, inicijativi donio rješenje o pokretanju disciplinskog postupka i disciplinske odgovornosti u skladu sa članom 52. tačka d) koja se odnosi na davanje netačnih podataka, koji utiču na donošenje odluka nadležnih organa, kao i na osnovu tačke g) istog člana koja kaže prikrivanje činjenica o načinu izvršenja službenih zadataka. Ne znam je li očekujete još nešto u tom odgovoru. Da li ste? Ako dozvolite evo samo da završim. Ministar unutrašnjih poslova sam ja, a tema današnje sjednice, koliko je meni poznato, tema današnje sjednice je sigurnosna situacija u Kantonu Sarajevo. O sigurnosnoj situaciji u Kantonu Sarajevo mogu najbolje reći i to je detaljno podnio izvještaj o sigurnosnoj situaciji policijski komesar. Ne znam da li ste možda. Bujrum molim vas, odnosno ako imate potrebe za dodatna pitanja, tu sam.

Predsjedateljica:

Hvala lijepo uvaženi ministre. Izvolite premijeru.

Premijer Elmedin Konaković:

Kolega Kojović je postavio pitanje vezano za rad ministra i Vlade. I ja ću samo pročitati neke odredbe, članove zakone koji po meni precizno definišu, ali i ostavljaju prostor upravo za one izmjene o kojima smo mi govorili. Vi ste se pozvali na član 9 ovog zakona. Dakle, tražili ste ovdje, govorili ste o smjernicama ili odlukama. Dakle, član 9. kaže, pročitat ću ga: „Izvjешavanje o radu ministarstva i uprave policije. Pa kaže: ministar je obavezan dva puta godišnje po potrebi i češće podnositi izvještaj o radu ministarstva koji obuhvata i dio pitanja iz nadležnosti rada Uprave policije koji izrađuje ta uprava. Izvještaj iz stava (1) ovog člana podnosi se Vladi Kantona Sarajevo, Vlada podnosi Skupštini Kantona Sarajevo.

c) odluke i smjernice Vlade Kantona Sarajevo i Skupštine Kantona Sarajevo provode ministar i policijski komesar u skladu sa ovim zakonom. Odluke i smjernice provode. Potpuno je tačno to da nigdje ne piše da se one propisuju. A sada ću vam reći šta su smjernice ove Vlade i na koji način su prezentirane i vama i javnosti i na koji način to funkcioniše. Zadnji član kaže: „Izvještaj iz stava (1) ovog člana može se odnositi i na pojedinačne slućajeve ako to zatraže organi iz stava (2) ovog člana, ako zakonom nije drugaćije odrećeno i ne ugrožava operativni rad Uprave policije. Upravo je ovo radila Vlada, ćak smo i na specifićne, posebne dogaćaje, na sjednicama Vlade, gdje imamo zapisnike, imamo to u materijalu, proćitat ću i dat ću vam, traćili izvješťaje o slućaju Memić i od tućiteljice i od komesara i od Uprave policije. I u ovom zadnjem slućaju, na hitnoj sjednici Vlade smo takoder traćili izvješťaj i davali na samoj sjednici smjernice. I to je radila ova Vlada. A proćitat ću vam gdje bi to moglo biti u koliziji s ovim zakonom. Znaći ovdje stalno govorimo o mogućim nadležnostima Vlade ili eventualnom miješanju u operativni rad policije. Ne postoji bolja smjernica kolega Kojoviću, saslućajte me malo, nervozni ste. Ne postoji bolja smjernica od ovog zakona u kojoj se do zareza jasno precizira šta je ćiji posao. Pa tamo gdje piše odgovornost uprave policije, pa onda nabrojano sve: zašćita ljudi, ųivota, saobraćaj. Sve što sam vam ja proćitao. A onda vam ovdje u ćlanu 21 pišu nadležnosti ministara. Vršić nadzor nad provoćenjem zakona ili drugih propisa, utvrćuje prioritete i politiku ministarstva koje je razdvojeno u ovom zakonu. Imaju termini Ministarstvo i Uprava policije. A onda tamo ćlan 5. (e) na prijedlog policijskog komesara usvaja plan policijskih poslova Uprave policije. Policijski poslovi Uprave policije na prijedlog komesara, usvaja ih ministar. Dakle, vrlo smo jasno mi ovim zakonom napravili nešćto što se slaćem da nismo trebali i trebali bi smo promijeniti da postoje jasno utvrćene precizno definisane smjernice i politike. Smjernice su i politike su ovaj Zakon i sve ono što Vlada radi. Dakle, ne postoji ni jedan drugi akt koji smo trebali donijeti ili propisati a nismo, da bi smo onda danas rekli ministru niste nam vi to u skladu s ovim zakonom uradili, a sigurno bi doprinijelo poboljšanju sigurnosne situacije kada bi smo taj ćlan Zakona ovdje ugradili.

Predsjedateljica:

Hvala lijepo uvaćeni premijeru a sada molim predsjednike klubova da samo malo doću do stola. Hvala lijepo. Mi smo imali kratki Kolegij da se dogovorimo da sada napravimo pauzu od sat vremena da bi mogli nastaviti sa raspravom. Hvala lijepo. Sat vremena.

NASTAVAK NAKON PAUZE

Predsjedateljica:

Uvaćeni zastupnici, evo poslije pauze nastavljamo sa radom 6. vanredne sjednice. Delegati iz Doma naroda će sada trenutno napustiti na izvjesno vrijeme Skupšćtinu i oćići tamo, ko hoće, naravno. Tako da nastavljamo sa raspravom. Sjednicu će nastaviti voditi uvaćeni zastupnik Sabahudin Delalić.

Dopredsjedavajući Sabahudin Delalić (u daljem tekstu Dopredsjedavajući):

Sve vas srdačno selamim i pozdravljam. Nastavljamo s radom. Otvaram raspravu. Za raspravu se javio kolega Halilović, trenutno nije prisutan. Sljedeći je Elvedin Okerić.

Evo upravo je stigao zastupnik Halilović. S obzirom da se on prvi javio na onom prvom dijelu kada nismo znali jesu li pitanja ili je rasprava. Imate riječ, izvolite.

Poslanik/zastupnik Semir Halilović:

Hvala. Cijenjeni građani Kantona Sarajevo, prisutni zastupnici i gosti, dakle, današnja sjednica Skupštine Kantona Sarajevo, Tematska sjednica Skupštine Kantona Sarajevo je dobro da se dogodila iz prostog razloga što ovi ljudi koji gledaju televizijski prenos mislim da su napokon shvatili da ovo prebacivanje odgovornosti s jednog na drugi stepen, ovo međusobno optuživanje i beskrajna objašnjenja šta neko drugi treba da radi, zapravo su najbolja slika sigurnosne situacije u Kantonu Sarajevo. Iz izvještaja sam shvatio da u Kantonu Sarajevo, policija Kantona Sarajevo nije uspjela da riješi 5000 krivičnih djela po nepoznatom počinocu. To je valjda njen bio osnovni posao da otkrije ove po nepoznatom počinocu. Nezavisni odbor koji također ima vrlo važnu ulogu u sigurnosnoj politici u Kantonu Sarajevo nije uradio svoj posao. I nije korektno da se ovdje gura samo odgovornost na komesara policije Kantona Sarajevo, već ona mora biti pravolinijski, od Nezavisnog odbora, preko policijskog komesara do Tužilaštva Kantona Sarajevo. Nažalost, ova Skupština i to građani Kantona Sarajevo trebaju da znaju, da se ne bi stvorio krivi dojam, nema ingerencije da većinu ovi instanci promijeni, smijeni itd. Već se ovo pretvara u bespredmetnu sagu u kojoj nema rješenja. Čitava današnja rasprava od 4,5 sata nije ponudila jedno rješenje, a kako ćete riješiti ove slučajeve ko ji su sporni? Kažete slučaj Sefić, koji se sada dogodio, dvostruko ubistvo, i na njemu je sva ova sjednica je sazvana zato što je kulminiralo zbog tog slučaja. Međutim vi tužiteljice recimo u Kantonu Sarajevo prema vašem dopisu koji ste meni poslali, odgovarajući na zastupničko pitanje, dakle kada se saberu dva i dva, vi u Kantonu Sarajevo imate 66 neriješenih ubistava, po poznatom i nepoznatom počinocu. Dakle, imate također iz A liste, ratnih zločina, nemate ni jedan riješen predmet ratnog zločina. Ni jedan. I imate iz liste političkih ubistava, njih 4, a sva četiri su počinjena u Kantonu Sarajevo, ni jedno riješeno. Nula. Što znači da u Kantonu Sarajevo trenutno hoda oko 100 do 150 ubica, nalagodavaca i pomagača, potpuno slobodno. Toliko je ovaj grad gospodine Ćosiću siguran. Vi ste mi jednom odgovorili na pitanje kada sam uputio pitanje gdje su nestali fizički dokazi sa lica mjesta za jedan predmet dvostrukog ubistva, odgovorili ste mi da su nestali iz Depoa MUP-a Kantona Sarajevo. Da je ovo normalna pravna država, ujutro bi neko bio uhapšen. Nije se dogodilo ništa. I treba ovakva tragedija u Sarajevu da se dogodi da vi dođete na skupštinu Kantona Sarajevo. Nismo vas vidjeli dvije godine dana. Tužiteljica je bila prije godinu dana, rekla je kako je pospremila Tužilaštvo, okrečila prostorije, složila predmete, sve je bilo sređeno završeno, uzet parking, parkirali sve, sve, sve i nakon godinu dana imamo samo njenu kandidaturu za predsjednicu Suda BiH. Politička ubistva nula, ratni zločini nula i fata se uglavnom, uglavnom se hvataju oni slučajevi kada javnost postane do te mjere uznemirena da se mora reagovati. U slučaju Memić ste podbacili i jedni i drugi. A neki policijski funkcioneri tvrde ja ubistvo Dženana Memića počinio neko sasvim drugi, pa je sva ova zavrzlama policijsko-tužilačka, pravna, politička, da se zapravo namjerno pravi kako bi se zaštitio pravi ubica gdina Dženana Memića. I to vam poručuje i njegov otac. Međutim, vi ovdje ne slušate oštećene. Vi ste ovdje da zadovoljite princip da ostanete na svojim mjestima, da ispunite norme. I to je osnovni problem što se ovdje ne provodi pravda, nego norme. Gdinu Konakoviću, ako se sjećate prije tri četiri sedmice sam rekao, na sjednici sam kazao da bi bilo dobro da se ovi izvještaji o stanju sigurnosti prebace na početak rasprave, zato što su uglavnom na kraju i to uglavnom niko ne sluša, i zato što uglavnom većina zastupnika kada dođu na red, kažu ne treba čitati idemo dalje. Većina zastupnika u ovoj Skupštini se ponaša tako prema tim izvještajima i sada imate čast da raspravljate o ubistvima koja ne mogu da se riješe. Ovdje, također treba reći, vi ste pomenuli

neke slučajeve brutalnih ubistava u automobilskim nesrećama. Međutim, imate i dva slučaja koja nisu kažnjena. Tada vi niste bili tužilac, ali javnost treba da zna da u slučaju Rašidagić i u slučaju Šutković, gdje ste imali jedno ubistvo, ubistvo na tramvajskoj stanici, čovjeka koji je stajao na tramvajskoj stanici i u drugom slučaju ja mislim da se auto zabilo u Vječnu vatru, ti ljudi su pušteni iz zatvora u roku od mjesec, dva dana. Te kazna, te drugostepeno, te prvostepeno, te tužilac, te nagodba, te pušten privremeno. I, evo nas. U Sarajevu su poznata dva advokata koja non stop sve svoje predmete završavaju sa nagodbom sa tužilaštvom svoje predmete. Kako je to moguće? Od 100% predmeta, 100 % nagodbe. Ove priče, kako se vrši istraga, kako se stavljaju lisice, kada se vadi pendrek, nismo mi došli da slušamo edukaciju. Vi ste gospodo predugo na funkcijama. I ovdje, dakle, ne smije se odgovornost usmjeriti samo na policijskog komesara, nesreća se jeste dogodila, ali odgovornost je pravolinijska i nije u pitanju samo ovaj slučaj, nego ja vam kažem 66 ubistava u Sarajevu nije riješeno. 66 ubistava. I kažete Sarajevo siguran grad. U Sarajevu, i to treba kazati, a evo mi to svaki dan vidamo, slobodno šetaju počinioци najtežih krivičnih djela zbog raznih nagodbi sa Tužilaštvom Kantona Sarajevo i zbog nerada, odnosno lošeg rada pojedinih ljudi iz policije. Ne, ne treba čitavu policiju ovdje uzimati. Ti ljudi što na ulicama stoje, ti ljudi što se smrzavaju za 700 KM, to oni nisu krivi za to. Oni nisu krivi za ovo. Ali se u Sarajevu nekako uvijek zna koje predmete se smije progoniti a koje se ne smije dirati. Kako je to moguće da su jedni uvijek krivi za sve, i jedni su uvijek optuženi, osumnjičeni, sumnjičeni, a druga paleta krivičnih djela se ne procesuirala. Ja znam, i nekoliko zastupnika odavde, da se iz ove sale, gdje mi sada sjedimo, diriguje sa nekoliko istraga, što u policiji što u Tužilaštvu Kantona Sarajevo. I nemojte da mislite da mi to ne znamo šta se radi. I nemojte da mislite da neko od vas neće sutra završiti kao Goran Salihović što je završio zbog zloupotrebe službenog položaja. Hvala lijepo.

Dopredsjedavajući:

Zahvaljujem zastupniku Haliloviću. Zastupnik Okerić.

Poslanik/zastupnik Elvedin Okerić:

Zahvaljujem dopredsjedavajući. Imam obavezu kao predsjednik Komisije da kratko prokomentarišem optuživanje komesara na rad Komisije. Naravno, ne ugrožavajući prvostepeni postupak koji treba da provode Neovisni odbor po inicijativi koju je podnijela Komisija. A svakako imam potrebu da upoznam prisutne kao i građane, volio bih i da članovi Komisije prokomentarišu ponašanje i odnos komesara prema Komisiji za sigurnost. Kada je u pitanju nadzor nad MUP-om Kantona Sarajevo on je eksplicite naveden u Zakonu o Ministarstvu unutrašnjih poslova kroz Uputstvo o sadržaju i vršenju supštinskog nadzora nad zakonitošću rada MUP-a Kantona Sarajevo i Uprave policije, gdje se kaže u članu 9. s obzirom da je bilo riječ o onemogućavanju uvida u dokumentaciju i bilo određenih opravdanja zbog čega se nisu mogli, nije mogla dokumentacija dostaviti, odnosno ostvariti uvid Ad hoc tijelu. Član 9. Uputstva kaže stav (3): „Po formiranju Ad hoc tijela vrši se neposredni nadzor u prostorijama Ministarstva i Uprave policije putem neposrednog uvida u dokumentaciju, spise i akte, a po potrebi i usmeno saslušavanje odgovornih osoba i svjedoka“. Stav (4) „o neposrednom uvidu sačinjava zapisnik koji potpisuje i prisutno službeno lice Ministarstva, odnosno Uprave policije“. Ovo sam imao potrebu da demantujem ono što je na početku komesar kazao da ne bi javnost ostala dezavuirana. A svakako u narednoj diskusiji ću još uzeti učešća. Hvala.

Poslanik/zastupnik Slaviša Šućur:

Zahvaljujem predsjedavajući. Evo mi smo se danas skupili zbog sjednice koja ima jednu tačku dnevnog reda, kaže to je Stanje sigurnosti u Kantonu Sarajevo. Ako se malo osvrnemo na sve što smo imali priliku čuti, mislim da je taj naziv potpuno pogrešna. Ovo se trebalo zvati Priprema za smjenu komesara Čosića. Jedini koji je ozbiljno govorio sa argumentima, sa podacima o stanju sigurnosti jeste bio taj komesar. Svi su drugi se sveli na to koji su njegovi

griješ i njegove greške. Ako malo pogledamo materijale koje smo dobili iz Nezavisnog odbora, i od naše Komisije za sigurnost to je nevjerovatno liče jedan na drugi kao jaje jajetu, po strukturi, pola stranice, ili dva pasusa o stanju sigurnosti, vrlo paušalno, i sve ostalo se odnosi na grijehe komesara Ćosića. Ja imam utisak da je nekada davno neko odlučio da komesara treba skloniti, da je pokrenuta kampanja, i ono što me zaista boli kao čovjeka, što je tragedija koja se desila dvjema djevojkama koje su izgubile život u saobraćajnoj nesreći iskorištena kao povod da se ovo na neki način privede kraju. Ima puno nelogičnog u ovome što smo imali priliku čuti. Ja ću reći također da smatram da ima propusta i u radu komesara, evidentno. Ja mu zamjeram strašno njegov odnos prema Nezavisnom odboru, njegov odnos prema Skupštini, ako je činjenica da se nije odazivao na pozive, da nije odgovarao, to je nešto što smatram da bi trebalo definitivno otkloniti. Dakle, on ima svoje mjesto, svoje obaveze, te institucije imaju svoje, i to je nešto što se mora zaista poštovati. Međutim, sve drugo, što sam imao priliku da čujem da mu se stavlja na dušu mene malo dovodi u zabunu. Mi smo trebali da povjerujemo nečemu što je neko rekao nekome i da to nama bude dovoljno da mi kažemo vidimo stvarno tog čovjeka treba maknuti. Ono što me također brine i čudi, ukoliko tužitelj kaže ja neću da radim sa tim, tim i tim inspektorom, dakle mora da ima razlog zašto to kaže. Vjerovatno čovjek sumnja na korupciju. Zašto ne pokrene istragu protiv takvog čovjeka. Ja smatram da je to put da se riješim. Ako hoćemo da se ozbiljno riješimo korupcije. To tog momenta po meni, policijski komesar odgovara na samostalnom obavljanju svojih poslova odgovara potpuno za rad svojih ljudi i mislim da je problem ovdje što je neko smatramo da treba, funkciji, ne čovjeku, ja Vahida Ćosića mislim da sam dva puta u životu sreo, nego funkciji. I neko misli da ako taj čovjek, evo neće on da sluša, ja znam šta i kako treba, e sada ga treba maknuti. Mislim da to nije put. Ako hoćemo govoriti o problemima o sigurnosnoj situaciji u Sarajevu ja bih volio da znam nešto što nisam imao priliku da čujem ovdje. To statistički podaci u sličnim gradovima u regionu. Koliko je krivičnih djela, koje vrste, po broju stanovnika. Volio bih da mogu porediti s nečim, da jednostavno znam šta mi realno možemo očekivati od naše policije, ako. Svi mi znamo da nije nimalo lako. Sarajevo ima jedan veliki problem, nevjerovatna fluktuacija stanovništva, migracija, priliv novog stanovništva. Niko živ ne zna gdje ko stanuje. Bespravna gradnja, nova naselja niču, nema adresa. Ko to može upratiti? Ko je za to odgovoran? Mi ne možemo premijeru reći onako, ima tu, problemi su u sudstvu, jeste, jest ne valjaju zakoni, ne valja i mi smo pravili propuste i onda se fokusirati i potrošiti sat vremena na jedan segment i onda izreći nešto što se ja u pravom dijelu slažem, da mi imamo odličnu policiju, ako pogledamo u kom kontekstu postoji, kakve su nam druge institucije u društvu, naša policija u Kantonu Sarajevo ja smatram jako dobra. Uz sve propuste i naravno želio bih da budu bolji, puno bolji. I onda reći, dakle nahvaliti instituciju i reći čovjeka koji vodi to e sada kao logičan zaključak je da tog čovjeka treba maknuti. Meni se tu nešto ne slažem. Možda ga i treba maknuti ali ja nisam čuo argumente za to. Nakon ovakvog izvještaja o stanju sigurnosti od strane Nezavisnog odbora ja zaista dovodim u pitanje da li je zaista Nezavisni ili je i on radio u ovom nekom dijelu po nalogu onoga ko je donio odluku da komesara treba smijeniti. I vrlo pažljivo ću pratiti šta će se dalje dešavati, mislim ide sve svojim tokom, ima Zakon, ima procedura, ako komesar zaista bude trebao da bude smijenjen, ja ću biti prvi koji kaže svaka čast uradili ste posao. Ali ono što je navedeno kao razlozi, to su prekršaji za ukora po meni. Ako uporedite sa svim onim što je premijer rekao šta misli o radu policije u Kantonu Sarajevo i ono što ja smatram da u objektivnim okolnostima policija i može. Treba raditi više. Kada govorim o osjećaju nesigurnosti građana, ja vam lično mogu reći, razgovaram sa mnogo ljudi, nisu ova ubistva nešto što stvara najveći osjećaj nesigurnosti. Osjećaj nesigurnosti najviše kod ljudi, najviše su iritirani onim što se dešava svaki dan. To su sitne krađe, ljudi se osjećaju nezaštićenim, pljačke, otimačina, bahato ponašanje bogatih pojedinaca, skorojevića koji ulaze u tuđa imanja sa svojim kućama, krađe, rade šta hoće. To je ono što ljude najviše iritira, i oni traže pomoć policije. Policijac dođe i kaže ja nisam nadležan, ja nemam mogućnosti da tu bilo šta intervenišem i ljudi budu kivni. Ljudi budu kivni što policija zađe svaka tri mjeseca na Ciglanama i pokači one

kazne za parkiranje. Tri mjeseca svi se parkiraju, jedan dan zađu i pokače svima. To nije logično i to nije dobro, to ne treba tako raditi. To iritira ljude. Ko je odgovaran što ljudi žive, imaju zgrade, plaćaju sve što plaćaju, nemaju mjesta za parking? Nemaju uređeno parking mjesta, nemaju označeno? Ne znam je li policija. Dakle, zamjeram policiji, ili treba svaki dan da kači te kazne, baš me zanima šta bi se onda desilo, kako bi ljudi reagovali na to ili da insistiraju da se označe parking mjesta na tim mjestima gdje su ljudi svakako parkiraju. To je ono što stvara nezadovoljstvo građana. Ovaj kriminal krupni koji se dešava, ubistvo, to se uglavnom dešava u krugovima tih kriminalaca. Ovo što se desilo sa ovom nesrećom, e tu imam jedan veliki problem. I mene zaista, ja očekujem. To je jedna od mojih inicijativa i prema tužiteljici i prema komesaru, prema Vladi Kantona Sarajevo, taj problem da je čovjek povratnik u izvršenju prekršaja, i to po meni prekršaja koji bi trebalo prekvalifikovati u krivično djelo. Dakle, ako čovjek vozi dvostrukom brzinom od ograničenja u naseljenom mjestu, to je po meni ubistvo u pokušaju. To je dakle ugrožavanje ljudskih života i imovine, svjesno. Tu se jednom neko može desiti, ako je dva ili tri puta, to mora biti krivično djelo. To više ne može biti prekršaj. Ja često pričam o anegdoti iz SBK, gdje čovjek u jednoj godini 90 puta uhvaćen u krađi šume. Svaki put po dulum i po u pinc gauer. Kako je to moguće? I godinama tako, i niko ništa ne poduzima. Dakle, očito postoji problem. I jedna od mojih inicijativa, ja sam razmišljao zaista šta je, dakle zadatak i policije i Tužilaštva kada uoče nedostatke u zakonodavstvu, kada uoče rupe koje koriste ljudi koji ugrožavaju sigurnost građana da trebaju biti puno odlučniji u podnošenju inicijativa i aktivnije podnošenje inicijativa za izmjene zakona. To je po meni ključna stvar da dođemo do nekih rješenja. I još jedna stvar, oduzimanje sredstva kojim se počinu takvi i prekršaji. Dakle nekada je u Zakonu o šumama bilo ako uhvatiš čovjeka u krađi šume oduzimaš mu motornu pilu odmah, nema priče. Nema sudskog postupka. I to postoji vani, postoji u Europi. Nije da mi kršimo neki standard. Čovjek koji bude uhvaćen da vozi dva puta većom brzinom od ograničene njemu se oduzima automatski vozilo. Nek i nije njegov, nek odgovara onaj koj i mu je dao ako je povratnik. Po istom prekršaju. Mi samo na takav način možemo stati u kraj nekim od ovakvih pojava. Ali evo ljudi koji to bolje znaju ministarstva, evo policija, nek definišu ta i takva rješenja. Ali vas molim nemojte da napravimo strašnu grešku da priliku da se ozbiljno pozabavimo ozbiljnim problemom, jer onaj sitni kriminal o kom ja govorim je posljedica male zaposlenosti, posljedica generalnog lošeg stanja u društvu, malo je kriminal što mi nemamo mehanizama socijalnih da o tim ljudima brinemo, mi nemamo nikakve mehanizme kako da ljude resocijaliziramo nakon održane zatvorske kazne. Mi dobijamo samo bolje obučene kriminalce. A to nije samo posao policije. Mi moramo, ako hoćemo da iskoristimo ovu zaista tragediju, da ne prođe tek onako, nego da napravimo neke pomake moramo ući u ozbiljnu analizu svih segmenata sa jednakom pažnjom. Hvala.

Poslanik/zastupnik Zvonko Marić:

Hvala dopredsjedavajući. Još jednom pozdravljam sve i još jednom zahvaljujem gostima što prisustvuju ovoj sjednici. Doista u ovom trenutku je teško bilo šta reći. Ja sam maloprije rekao i ostajem pri tome da najviše govorimo kada riječi gube smisao. Apsolutno je ovo gubljenje smisla šta god da se kaže u ovakvom trenutku s obzirom na posljedice koje smo imali. Ja ću prvo da budem samokritičan. A onda ću se osvrnuti na sve ove koji su danas izlagali, a neki su duže govorili čak i od Fidela Kastro i ništa nam nisu rekli. Dakle, vi ćete se sjetiti da sam ja doživljavao ovdje kao neprijatelj broj jedan. A evo iz kojeg razloga. Kada sam svojevremeno ukazao na problem uličnih trkača, to je bila zastupnička inicijativa, uzmite stenograme, gdje se okupljaju šta bi trebalo uraditi, kako ih registrirati itd. Niko se nije osvrnuo prije godinu i po dana. Kada sam također inicirao tematske sjednice vezane za sigurnost i gradnju Sarajeva, niko nije reagirao. To je isto učinila i moja kolegica Selma Filipović, također Segmedina Srna, Semir Halilović. Pa zar nije gospodo bilo bilje da smo tada držali tematske sjednice o gorućem problemu, nego što danas držimo, kako je zovete, hitna, vanredna ili ne znam kako sjednica pod okolnostima i zbog razloga koji su se desili. Čista logika. A ne postupati po iščašenoj logici ako

neko nešto predloži, tu su predrasude. Sit sam tog licemjerstva. Zaista sam razočaran u radi ove Skupštine, i ne uvažavanja zastupnika i ovog parlamenta. Pa što će ovi zastupnici uopće ovdje? Što će ovaj parlament kada se ne poštuje? Na šta to zapravo liči? Ovo je samo jedna predstava, imitacija života. Imitacija parlamentarnog života. Kao da ovim društvom upravljaju neki nevidljivi ljudi iz sjene, centri moći. Kakva smo mi Skupština ako za dvije godine nismo održali ni jednu tematsku sjednicu. Jel nije bilo razloga za to? Pa predlagao sam i zbog 320 zagađenih izvorišta na Ilidži da imamo i o tome tematsku sjednicu. Ali ćemo je imati vanrednu u to sam uvjeren kada se potruju građani pijući takvu vodu. Da se vratimo ovome problemu. Nije ovo stanje od jučer. Ovo je gospodo, fakturisanje za pogrešnu politiku u proteklm godinama. Nije se urušio ovaj sistem. Kada vidite danas i svaki gledatelj koji je čak ispod prosječnog informiran jasno mu je. Nakon svih tih izlaganja da sistema ovdje nema. Svaki put kada sam nastupao ovdje bilo je bez bilo kakvih interesa, ne politički nego pokušavajući da predstavim interese onih koji su me birali. Možda osjećaj nemaju oni koji su imenovani za nas koji smo birani. Ili su ljudi glasali za nas a obično se to svodi s obzirom na kupovinu glasova da ljudi u ovome društvu bude glasalo za njih a ne budu birani. Sada smo valjda shvatili da ova nije kriza u ovome društvu samo ekonomska već suštinska zato što ne postoji bilo kakav sistem. Dakle, to je kritika na rad parlamenta. Što se tiče Vlade, ukazivali smo bezbroj puta i ja i neki drugi ljudi na činjenicu da u MUP-u Kantona Sarajevo se dešavaju čudne stvari. Koliko sam samo ja imao zastupničkih pitanja vezanih za neslaganje sada licemjeri govore o tome i koriste te podatke, ali dobro je i to da se iskoristi, neslaganje između podataka o kojima je govorila tužiteljica Burzić i podataka koje smo dobijali iz MUP-a. Ja sam zahvalio tužiteljici Burzić, ona je došla ovdje furiozno, očekivali smo sve da će to pospremiti itd., i ona je pojasnila neke stvari koje sam želio da čujem jer ko ne zna mora da pita a onda da pravi analizu. Najbolnija situacija je ta što je evidentno nama se prikazuju po poznatom počinocu podaci. Ma šta me briga. To je poznato svakome i šta se imaju uvrštavati kojekakvi procenti. Mi se bavimo brojkama. Ja sam rekao mi smo komirani bili sa onakvim brojkama. Znamo da ništa ne vrijeme. Statistika je jedno, život je drugo. I jasno je da nas zanima ono što je po nepoznatom počinitelju i uz to ono što je samo usput pomenula tužiteljica Burzić a to je koliki je broj odbijenih predmeta odnesenih predmeta zbog nedostatka pogreške u proceduri, podataka, nedovoljnih argumenata za podizanje optužnice itd. Šta se time hoće kazati? Da policajci ne znaju raditi svoj posao? Pa znate šta? Ja mnoge poznajem od njih koji su bili u ratu i nisu imali bilo kakve dvojbe, kada su znali što rade, i kada su znali cilj i kada se pred njima postavljani ciljevi oni su ih izvanredno rješavali. Znao ovdje prevladava čini mi se filozofija da se hor pravi od srednjaka. To je rekao jedan od najviših funkcionera u ovoj državi. A šta je sa dirigentima, kakvi su oni? I nema kolektiva, apsolutno ne postoji kolektiv koji ako nema u svojim redovima nekoga ko će povući mašinu ili lokomotivu naprijed nego se oslanjati samo na srednjake onda katastrofa je. To je katastrofa apsolutno. Ono što bih htio da istaknem, vi znate da sam ja možda jedan od najvećih kritičara rada premijera Konakovića. Imali smo ovdje i polemika imali smo možda i u hodnicima itd., ali ću reći jednu stvar, principijelno, želim da budem principijelan isto onako kako sam istupao, i da kažem sljedeće: sada kada bi se postavilo na glasanje dato njegova smjena ja bih glasao protiv. A najveći sam kritičar i to ću ostati. Ali kada je sada uzdrman zašto bih ja bio lešinar da dotučem Konakovića i Ćosića i tužiteljicu Dalilu Burzić itd. Ne. Neka riješe institucije sistema koje imaju nadležnost i ja ne želim da sudjelujem u tom njihovom međusobnom ratu. Također vi znate da sam bio protivnik zakona koji je usvojen ovdje. Kako ste gledali na mene kada sam rekao da se mora uskladiti sa federalnim zakonom i vratiti se poglavlje koje govori o civilnom nadzoru nad radom policije i policijskog komesara. Kada je gospodin Kurteš bio tu za tom govornicom prva je rečenica bila njegova imamo podršku Međunarodne zajednice. Ja sam rekao to je vaš hendikep, to nije argument. Ako se vi pozivate znači nešto nije u redu sa tim zakonom, pa sam rekao i zašto. Pa sam rekao na umanjene ovlasti ministra. Govorio sam o tome. Govorio sam i o tim stvarima da je sužena baza za imenovanje komesara zato što mogu biti samo glavni, čak sam pobrojao i imena trojice glavnih inspektora koji sutra mogu biti jedino komesari. Zašto

to ne bi mogli biti samostalni inspektori. Pa u Goraždu glasnogovornik je glavni inspektor. Može ovdje konkurisati čovjek koji je bio šef policije u bilo kojoj policijskoj stanici i upravljao sa 230 ljudi, ne može. Kakva je to iščašena politika? Zato je i jesmo ovdje gdje je jesmo u agoniji. Ali šta bih vam još rekao, ono što zamjeram gđinu Konakoviću je to da e on kao prvi čovjek izvršne vlasti najodgovorniji čovjek i treba da preuzme odgovornost ali da sam sebe rastereti. I prigovarao sam mu da čujemo i ministre i druge ljude šta rade. A ne on kaže pada Poslovníkom o radu da ne mogu ministri govoriti nego će on govoriti. Pa znate šta je još gore od te varijante koja je krajnost. Jedino te varijante je da je preporučio ministrima da ne guraju prst u struju. To je jedino gora i teža varijanta.

Dopredsjedavajući:

Upozorio bih vas samo na vrijeme, da privodite kraju.

Poslanik/zastupnik Zvonko Marić:

Ja ću još jednu rečenicu pa ću koristiti pravo drugi put. Da, svakako hvala vam dopredsjedavajući što me upozoravate. Ali mislim da sa ove sjednice ne smijemo otići bez konkretnih rezultata jer građani to od nas očekuju. Zaključaka i mjera koje su u našoj nadležnosti kao parlamenta da bi se ovo stanje pokušalo poboljšati. Hvala dopredsjedavajući. Koristiti ću ponovo vrijeme za diskusiju.

Poslanik/zastupnik Dževad Rado:

Zahvaljujem dopredsjedavajući. Pošto se prvi put javljam, pozdravljam vas i rukovodstvo i premijera, predstavnike Vlade, naravno uvažene kolegice i kolege i sve one koji danas prate naš današnji rad. Nažalost, nedavna pogibija dvije curice, odnosno studentice su samo vrh ledenog brijega koji je pokrenuo kompletnu ovu priču a ustvari problem je mnogo dublji i zahtijeva mnogo više ozbiljnosti. Nama danas ponovo imamo situaciju gdje se vrši prebacivanje odgovornosti, razvodnjavanje stvarnog problema zbog koga smo u konačnici mi i zakazali ovu današnju našu hitnu sjednicu. Činjenica je da sigurnosna situacija ozbiljno narušena i niko normalan ne može reći da je ona dobra niti može ostati ravnodušan a posebno ne oni koji su najodgovorniji za stanje sigurnosti u Kantonu Sarajevo. Na žalost, mi brzo zaboravljamo pa tako smo između ostalog zaboravili i probleme koji su nam se dešavali u bliskoj prošlosti, a ja ću vas podsjetiti samo na par značajnih problema. To su bili problemi oko matičnog broja, pa su bili problemi 7. februara i mnogi drugi, o njima danas niko ne govori. I tu priču nikad nismo priveli kraju a otvaraju se uvijek nove. Nešto nam se desi onda je to u fokusu pažnje, sve je ovo drugo zaboravljeno. Gospodo, drage kolegice kolege, građani Kantona Sarajevo od nas očekuju da konačno preduzmemo konkretne korake. Mjere, radnje i aktivnosti u smislu poboljšanja njihove lične i materijalne sigurnosti a ovo bi trebao biti za nas sve ovdje koji sjedimo imperativ. Tako da vas molim da konkretnim imenovanjem problema i onih koji su najodgovorniji u propuštanju da preduzmu sve što je njihova zakonska i ljudska obaveza jasno danas kažemo i polučimo konkretne zaključke i mjere koje će rezultirati poboljšanjem sigurnosne situacije u Kantonu Sarajevo samim tim i građana koji žive u ovom kantonu. Još jednom vas molimo nemojte da razvodnjavamo, nemojte da se bavimo nekim statistikama. Konkretno, desio se taj slučaj, šta možemo uraditi. Ja očekujem danas od svih nas, prije nego što se završi ova sjednica da polučimo konkretne mjere i konkretne zaključke sa vremenskim rokovima. Hvala vam lijepo.

Poslanik/zastupnik Bibija Kerla:

Pozdravljam sve prisutne u Sali, pozdravljam goste, Vladu, predsjedavajućeg i moje kolege, a naročito pozdravljam gledaoce televizije koji veoma pažljivo prate današnju sjednicu i upravo moje izlaganje je posvećeno njima. Ja sam prije par minuta dobila jednu poruku a koja glasi: "Bibo molim te postavi pitanje da li oni misle da sa ovakvim nastupom i upiranjem prstom jedni u druge daju vjetar u leđa onima koji čine ove sve prekršaje. Njihov sukob pokazuje da oni

nisu u stanju ni najsitniji kriminal procesuirati do kraja, od hapšenja do presude. Pitaj ima li tu neko da ne priča šta je sve problem, ima li iko da kaže šta je pravo rješenje?“ upravo ovo izlaganje mog kolege Rađe je došlo meni ko kec na jedanaest jer ja sam jučer imala veliku polemiku. Dobila sam veliki broj poruka u kojima naši građani daju svoje prijedloge kako riješiti ovu situaciju gradu Sarajevu. Ja sam te poruke zapisala i sažela ih u jedno 20 tačaka pa vas molim da ih saslušate.

1. Pooštavanje kazni za vozače, ali i kažnjavanje nesavjesnih saobraćajaca i policije. Niko ne smije biti iznad zakona. Uz semafore izvesti saobraćajne policajce, ne znam koliko je to izvodljivo, ali bar na kritične zone u saobraćaju. Uvođenje maksimalne kazne za divljanje na cestama, a posebno za one sa smrtnim posljedicama.
2. Moj prijedlog vam je Bibo da Vlada pozove nekog stručnog da napravi analizu i onda da se krene korak po korak, izmjena zakona, uvođenje kazni, smjene onih koji sjede i pametuju, stručne analiza kriminaliteta sa ekspertnom obradom podataka, prevencija na osnovu analize, veće ovlasti policiji. Ovo već postoji samo treba kopirati.
3. gospođu Bibo nek stručni ljudi izvrše obilazak svih raskrsnica da vide koliko traje zeleno za pješake, da se izvrši test odnosno pregled koliko treba da traje zeleno svjetlo da bi se bezbjedno prešla veoma široka cesta sa četiri do pet saobraćajnih traka,
4. u državi u kojoj živim je donesena odluka u svim gradovima se vozi 40 km/h. Bezbjednost ne može biti bolja, nema buke u gradovima. Što se tiče naših pravila, ja bih te zamolila da se zalažeš za mnogo oštrije kazne; oduzimanje trajno vozačkih dozvola, velike prekršajne kazne pogotovo za brzu vožnju.. samo tako se može nešto postići.
5. Pješaci su ljudi, nisu mašine i ne treba da trče preko pješačkog. Trebaju pristojno vrijeme da pređu do kraja ulice. Rigorozno kazniti vozače koji oduzimaju pješacima prvenstvo prolaza ili nam obezbjediti oklopna vozila da prelazimo ulice
6. Svaka urađena i prosperitetna država je uređena sa sankcijama. Nama ne trebaju da izmišljaju toplu vodu nego da uzmemo dobre modele kao cilj i krenemo više jednom da radimo onako kako rade drugi.
7. mislim da oduzimanje vozačkih i automobila neće biti neka velika korist. Ti divljaci će uzeti opet automobili i voziti bez vozačkih. Rješenje za počinjenja teška djela u saobraćaju su kazneno popravni zavod, ali sa radnim aktivnostima za dobrobit države. Da se ne lažemo, u zatvorima opet treba da dođu oni koji su učinili to djelo. Ali treba da rade, da bi opravdali taj svoj boravak tu.
8. bezbjednost, javni red i mir, te saobraćaj povjeriti gradskim mafijašima, npr. Niski Karkelji i kompaniji i plaćati im budžeta, otpustiti svu policiju, naročito one što su po nacionalnom ključu zaposliše. Grad bi bio bezbjedniji i budžet bi ostvario velike uštede.
9. preporučujem mobilnu kameru svakom automobilu kao obavezna oprema, time će se u toku vožnje snimiti svi počinioči prekršaja, da kao anonimni snimatelj taj snimak možete predati MUP-u da oni dalje nastave da rade.
10. (nerazumljivo) na sudstvo i Tužilaštvo da rade u punom kapacitetu, a ne da suđenje bude svake druge srijede, kao što večeras reče glavna tužiteljica Kantona Sarajevo. To je bilo jučer napisano, pa vjerovatno je to bilo prekjučer da je tužiteljica rekla da se svake srijede održava sastanak.
11. ugraditi nadzorne kamere i istog momenta hapsiti kriminalce jedino je pravilo i rješenje.
12. Šokantno i zastrašujuće saznanje da je policija organizator najvećih krađa kao što su automobili, te u saradnji sa carinskom službom ta ukradena auta završavaju van BIH. Prije par dana tako su ukrali auto parkirano kod Robota, na lokaciji Socijalno i na žalost nisu ga pronašli. Pitamo se zašto nema onih kamera kao što su postavljene u Kaknju, Širokom, i drugim gradovima. I mislim da bi to bilo jedno od adekvatnih rješenja.
13. svaka država ima kriminalce, samo u BIH kriminalac ima državu i to ne može promijeniti niko
14. ja mislim da sudstvo igra dobru ulogu u svemu ovome, ne rade po zakonu, i da ima neku

privilegiju, svi kriminalci kažu da nemaju mjesta po zatvorima, to je samo izgovor ostali opet na ulicama.

15. vratiti miliciju zakona bivše nam drage Jugoslavije

16. vratiti sudove u porotu, nisu odgovarali ni političarima ni tužiocima, nakon ukidanja porote nastao je dil između advokata i sudija, Tužilaštva i sada imamo da sirotinja i poštene građane čerupaju a vani te puštaju (nerazumljivo) i uz depozit

17. nisu nama problem samo vozači, koliko je žena i djece sačekalo od strane idiota, otetih mobitela, lančića, naušnica, na žalost, policija ne reaguje kako treba

dajem jedan prijedlog istjerati policiju iz auta na ulice, da patroliraju dnevno kroz ulice, pod broj dva sastanak mjesečni sa predstavnicima stanara svih zgrada na kojima bi im ukazali na mogućnost prekršaja i sumnjive likove koji se pojavljuju. Došlo bi do približavanja naroda i policije

18. sve dok bude previše institucija koji mogu prebacivati krivicu jedni na druge ništa se neće riješiti. Policija treba biti u nadležnosti opština, tada bi građani znači od koga treba tražiti odgovornost, ovako pojeo vuk magarca.

19. svi neka rade ono što trebaju po zakonu a ne samo davati obećanja i stalo ponavljati jedno te isto. Prekidati sjednice prije početka i sljedeća ko zna kada će biti. Tri mjeseca federalni parlament nije imao sjednicu, svi su uzeli plate za svoj nerad.

20. prvo izaći u javnost sa spiskom svih dužnika po nalogima i sudskim presudama, imenom i prezimenom. Ispitati ko je odgovaran za tolike neplaćene kazne. Iste kazniti i automatski dati otkaz. Provjeriti u sudu kako se rješavaju predmeti po datumima. Jer neki idu espresno a neki godinama leže u ladici i protiv takvih ne poduzimaju se nikakve mjere jer postoje saučesnici. To isto tražiti od tužioca. Kazne su jedino učinkovite kada su visoke zatvorske, da policija patrolira pješke po gradu a ne da sjedi po raznim ugostiteljskim objektima. Omogućiti građanima lakši pristup komandirima jer dobar dio policije ne reaguje na poziv. Hitno osloboditi trotoare od parkiranih vozila.

21. imam jednu molbu na koju tražim odgovor, po mom naselju se priča da brat onog Sefića radi kao kriminalni inspektor na Ilidiži. Ne znam je li tačno, ako jeste, onda mi je stvarno sve jasno.

22. Da se hitno provjere ustanove, ljekari koji izdaju ljekarska uvjerenja za polaganje vozačkog ispita jer po nekim informacijama ima ljudi sa teškim psihološkim poremećajima i dijagonozama a dobili su ljekarsko i položili vozački ispit. To je ako je jedan slučaj istina, treba doktora koji je potpisao stvarno zatvoriti.

23. Definicija komunalne policije. Previše je hrabrosti za parking servis, premalo za interventnu.

24. Ja bih ti predložio da se pobijete pa ko bude jači taj je pobjednik.

Hvala lijepa.

Poslanik/zastupnik Segmedina Srna Bajramović:

Zahvaljujem uvaženi dopredsjedavajući za riječ. Pozdravljam sve prisutne. Pa evo, ja bih rekla da smo mjesecima bježali od činjenice da se sigurnosna situacija značajno pogoršava iako svi oni među nama, među kojima sam i sama nikada nisu željeli navedenu temu, ili konkretno zaključak od prošle godine za održavanje ovakve sjednice pretpostaviti kao optužbu bilo k o joj stranci ili parlamentarnoj većini generalno. Namjera je bila prije svega iskrena i u suštini jednostavna. A to je ukazati da statistički podaci, u kojima ste mjesecima tražili utočište, ne odgovaraju objektivnom stanju sigurnosti koju građani osjećaju svakodnevno u svojim životima. I danas mislim apsolutno isto da svi zajedno u ovoj Sali nosimo vlastitu političku, pa ako hoćete i ličnu odgovornost, neko manje, neko više za stanje u društvu. Međutim, konačno je vrijeme da stvari poredamo na pravi način, suštinski i objektivno analiziramo pojedinačne segmente sistema, obrazovne, policijske, tužilačke i na kraju političke. Detektujemo slabe tačke,

definišemo korektivne mjere i u redovnim aktivnostima pratimo realizaciju i ocjenjujemo ulogu svakoga od nas u sistemu. Trenutna sigurnosna situacija u Sarajevu ili bolje rečeno osjećaj koji svi građani ovog grada i Kantona dijele, nije ništa drugo nego jedno kolektivno beznađe, apatija koja se duboko ukorijenila u svijest svih ljudi koji ovdje žive i rade zajedno sa svojim porodicama. Ovakvo stanje i reakcije javnosti, naročito studenata, mladih i ljudi koji više ne mogu trpjeti ovakvu količinu straha izazvanu kolektivnom nesigurnošću primarno je potaknuto brutalnim ubistvom dvije studentice Sarajevskog univerziteta, Selme Agić i Edite Malkoč, čija tragična smrt je kao i u svim normalnim i zdravim društvima postala paradigma promjena, društvene reakcije i zahtjeva za promjenama. Jasno je kako sjednice o stanju sigurnosti koje se organizuju kao rezultat tragičnih događaja predstavljaju otežavajući momenat jer su ljudi s pravom nestrpljivi i traže brze mjere a mi smo u hendikepu vremena zbog činjenice da nam je to isto vrijeme pojela višemjesečna promocija kvazistatistike, navodno dobrog sigurnosnog stanja. Ne znam i ne želim da otvaram tu polemiku, ali očigledno je neko godinama svjesno propuštao model statističke hipnoze građana s ciljem da se stanje u sistemu sigurnosti ostavi onakvim kakvo očigledno nije dobro i ne može odgovarati izazovima i zahtjevima sigurnosti s kojima se suočavamo. Kada se to kaže primarno mislim na činjenicu kako su kontrolni mehanizmi sistema godinama politički kontrolisani i sve je bilo zasnovano na vrlo jednostavnoj ali za građane pogubnoj političkoj filozofiji, pravo na sigurnost i zaštitu imaju privilegovani. Mala grupa političkih podobnih i na sve načine osiguranih slojeva stanovništva dok ostatak većine, poštenih i ljudi koji se bore za svoju sigurnost na žalost ne može računati na ovu privilegiju. Odatle proizilazi činjenica stalnih ponavljajućih djela. O tome je govorio nešto i kolega Šućur. Na žalost mi već godinama prihvatamo neke pojave kao normalne a one su samo preduslov odgajanja ozbiljnih kriminalaca. Džeparenje i prosjačenje je postalo unosan biznis jer se naš sistem umjesto aktivnih mjera suprotstavljanja samo prilagodio devijantnim društvenim pojavama. Ovo je samo jedan od primjera koji ukazuju na društvene deformacije sistema čije posljedice mi danas, evo svi zajedno osjetimo. Posebno situaciju komplikuje činjenica da dijelovi politike nisu stali samo na policiji već su vrlo aktivni u svom društveno destruktivnom djelovanju prema Tužilaštvu i cijelom pravosuđu. Institucijama za izvršenje krivičnih sankcija i drugim institucijama u lancu te građanima teško dokučive pravde za kojom toliko čeznu. Pogrešna politika je godinama gradila sistem zaštite interesa pojedinih interesno povezanih grupa u društvu. Umjesto zaštite zakona i osiguranje načela da je Zakon jednak za sve, institucije sigurnosti su se pretvorile u svoju suštu suprotnost i postale zaštitnik novih društvenih elita oličenih u tajkunima i sumnjivih privatizacija, njihovoj djeci i potomcima, koji se sada zovu poznati biznismeni, te cijeloj garnituri novo nastalih poznatih imena koji su postali svjesni svoje nadmoći nad ostatkom građana i sebi dali pravo da se na njih Zakon ne primjenjuje. Manifestacije takvog stanja su brojne i sve su u pravilu satkane od tužnih priča ubijene djece, nasilja i bahatosti, beskurpuloznosti i ignorancije bilo kakvih prihvatljivih društvenih normi ponašanja. Time smo dobili ovo što imamo danas, i na žalost moramo naglasiti kako je veliki broj ljudi unutar ovog sistema svjestan stanja i ne odobrava ga, ali iz raznoraznih razloga su odabrali s pravom ili ne, opciju nezamjeranja i velikim dijelom statusa kvo. Nemojte misliti da policajce ne boli činjenica da kada uhvate odgovornog za neko od krivičnih djela on biva pušten ili blago kažnjen te se nakon par sati ili dana vrati u društvo i smije u lice tim istim policajcima. Prema tome, jasno je kako je pogrešno postavljen i politički okupiran sistem sigurnosti demolirao profesionalce i dobru volju većine za obavljanje povjerenih poslova i zadataka. Zašto je ovo sve važno u ovom trenutku, zato da ne bi slučajno pomislili kako su problemi negdje drugo i kako treba isključivo djelovati na nekim normativno tehničkim i organizacijskim pitanjima i reformama koje su neminovne u sektoru sigurnosti. One su neminovne i od 2011 postoje inicijative u kojima se tražilo da se krene sa provođenjem tih reformi i da otvoreno razgovaramo o problemima, uzrocima i njihovom rješavanju, pogotovo u policiji koja je pod plaštom nezavisnih odbora direktno politizirana i trenutno je ponovno predmetom frakcijskih političkih obračuna koji se vode radi vlastitih a ne radi interesa građana. Na žalost rješenje ove

situacije ili početak rješenja je jedan ali vrlo bolan. Politika treba konačno dići ruke od institucija sigurnosti i prepustiti profesionalcima i ljudima od znanja i integriteta da na stručnim, nestranačkim i vrlo transparentnim osnovama ponude rješenja ovog ludila u kojem živimo koje će postati sve veće i teže. Građani trebaju izvršiti pritisak i ne odustajati od svojih zahtjeva da žive u sigurnom okruženju. Dok smo se pripremali za ovu sjednicu desilo se nekoliko novih saobraćajnih nesreća koje su rezultat objesne vožnje, povrijeđena su djeca a vozači pobjegli sa lica mjesta, razbojništva i otimanje imovine od građana više i ne registrujemo. Ako opet po ko zna koji put ovo prepustimo analizama, raspravama koje nemaju cilj i ne vode do konkretnih rješenja onda nam ne preostaje ništa drugo nego da sjedimo i čekamo neku novu nesreću, neki novi izgubljeni život. Nakon ove sjednice trebamo započeti sa korjenitim reformama koje će najprije uvesti odgovornost, odgovornost i odgovornost svih onih koji su dužni pružiti sigurnost i puni građanski civilni i transparentni nadzor i kontrolu nad radom ovih službi, da sutra jasno znamo ko je za šta odgovoran i kome ćemo povjeriti da obavlja poslove sigurnosti sa jasno definisanim kriterijima, mjerilima i rezultatima rada koje svi očekujemo od tih ljudi. Nema više skrivanja i bježanja od odgovornosti iza nekakvih nezavisnih odbora, VSTV-a i drugog. Parlament, tj Skupština je mjesto gdje se trebaju polagati računi građanima za sigurnost ili nesigurnost u ovom gradu, i građani konačno trebaju postati subjekti a ne objekt sigurnosnog sistema koji imamo i debelo plaćamo iz naših džepova. Toliko, zahvaljujem.

Predsjedateljica:

Hvala lijepo uvažena zastupnice Segmedina. Za raspravu se javila uvažena zastupnica Ćudić. Izvolite.

Poslanik/zastupnik Sabina Ćudić:

Pozdrav svim prisutnim. S obzirom da su nam na današnjem dnevnom redu i obraćanju se obratio predstavnik Nezavisnog odbora za izbor i reviziju policijskog komesara mislim da je neophodno ne razmatrati samo posljednji izvještaj odnosno onaj koji nam je dostavljen neposredno pred samu sjednicu već da se trebamo osvrnuti na rad ovog tijela i u proteklom periodu. Pa tako u izvještajima Nezavisnog odbora za izbor i reviziju policijskog komesara u zajedničkom izvještaju za 2010, 2011 i 2012 godinu, podsjećam da je trenutni komesar policijski došao na ovu funkciju 2010 godine, dakle govorim o periodu koji pokriva rad ovog komesara, stoji je Nezavisni odbor inicirao kod policijskog komesara niz prijedloga, ideja, sugestija i aktivnosti u cilju poboljšanja i koordinacije rada svih organizacionih struktura policije i da je ovaj posao obavljen na visini zadatka, odnosno izražava Nezavisni odbor veliko zadovoljstvo radom komesara i ostvarene saradnje. Svi izvještaji policijskog komesara u ovom periodu, a kako će ispostaviti u periodu za 2014 i 2015 sve i jedan mjesečni izvještaj usvojen je jednoglasno uz najvišu ocjenu, odlično. Pa se tako problematizira ono što se problematizira i ispred samog Nezavisnog odbora u izvještajima dakle kao problem, što bi se moglo vezati za sigurnost i današnju tematsku sjednicu jeste navedeno krađa motornih vozila koja se više puta problematizira, zatim pojava perača prozora na semaforima, ali se zaključuje da je uočen konstantan napredak u radu policije te obavljanju svakodnevnih poslova, i uz posebnu napomenu na kraju izvještaja da je saradnja koju je komesar ostvario sa organima i institucijama je okarakterisana na krajnje profesionalnom uz obostrano uvažavanje. Ja mislim da je važno napomenuti da u ovom izvještaju također stoji da na sastancima Nezavisnog odbora, što je medijski problematizirano u proteklih nekoliko dana redovno se pozivaju predstavnici Vlade i Skupštine Kantona Sarajevo na kojim se prema sopstvenoj procjeni odazivali, prisustvovao ministar MUP-a, premijer Vlade Kantona Sarajevo. Za period u mandatu u kom svi mi danas sjedimo 2014 -2015 godina Nezavisni odbor nije štedio na riječima hvale za policijskog komesara Kantona Sarajevo. Pa tako ponavljaju su ocjene odličan, a ono zbog čega smo se danas okupili, moramo priznati, bez obzira što je tema sigurnosna situacija u Kantonu Sarajevo jeste povod je tragična nesreća u kojoj su izgubile život dvije mlade osobe i ta tragična nesreća

se desila kao rezultat divljanja na cesti, odnosno brze vožnje, odnosno problema trkača, koji Nezavisni odbor koji nam se danas obratio niti u jednom izvještaju u proteklih pet godina, niti spominje niti problematizira. Ono što Nezavisni odbor problematizira, evo primjera radi, jesu ponavljam neke, usudila bih se reći marginalne stvari dok u jednom pitanju koje javnost, na pritisak javnosti problematizira se pitanje smrtnosti na cestama, kaže se: „prema statističkim pokazateljima evidentno je povećanje ukupnog broja saobraćajnih nezgoda, zatim povećanje broja povrijeđenih, kao i povećanje broja stradalih osoba. Međutim, procentualno gledajući, to povećanje odgovara u potpunosti povećanju broja novoregistrovanih motornih vozila za isti period prethodne godine, kao i povećanju broja lica koja su stekla pravo na upravljanje motornim vozila“. Dakle, ovo je prihvatljiv zaključak Nezavisnog odbora koji ne dovodi u pitanje činjenicu da je smrtnost u svim zemljama regiona, a da ne govorimo u poređenju sa Europom u drastičnom padu, doku Sarajevu bilježimo porast. I tako dalje, i tako dalje, na kraju ovih izvještaja ponovo za 2014 uz napomenu za fantastičnu saradnju sa policijskim komesarom. I u 23016 usvajamo izvještaj u kom se također ponovo hvali taj rad ali se problematiziraju neke druge stvari, pa tako članovi Nezavisnog odbora su se osvrnuli na povećani trend krađa zadnjih sjedišta iz motornih vozila marke Pežo, ali nisu recimo spomenuli ponovo nikada niti trkače, niti smrtnost na cestama. Dakle, nešto što se ovdje ponavlja kao patern, jeste činjenica da do sada, do 2016 kada imamo situaciju u kojoj smo se našli Nezavisni odbor pruža bezrezervnu i svakog mjeseca u proteklih pet godina jednoglasnu podršku komesaru Ćosiću. Ono što je interesantno da se problematizira niz stvari ali niti u jednom momentu ono radi čega smo tu danas. Isto tako nemamo, kao što smo ustanovili u prvom dijelu sjednice, niti jednog pisanog traga da je Ministarstvo unutrašnjih poslova u proteklih pet godina na čelu sa premijerom niti je bilo koje drugo Ministarstvo identifikovalo ovo kao problem niti uputilo pismenu depešu, a nemamo čak ni dokaza usmeno pitanje komesaru vezano za stanje na cestama u Kantonu Sarajevo, odnosno smrtnost kao rezultat divljačke vožnje ili vožnje pod uticajem alkohola, ili kao rezultat trka za koje saznajemo da se dešavaju od 2008 godine i da su za njih odgovorni 30 ne javnosti, odnosno policijski poznatih i Tužilaštvu lica u Kantonu Sarajevo. Mislim da je jako važno da problematiziramo, ako problematiziramo lanac odgovornosti, ja bih se složila sa kolegom Šućurom. Dakle, sva pažnja je usmjerena na jednu osobu koja je dio šireg lanca, a taj lanac je i Nezavisni odbor koji da ima moralnu odgovornost podnijeli bi ostavku, iz razloga što su zaduženi upravo za sugestije kako sami navode i kako navode da daju kontinuirane sugestije, pri čemu su te sugestije najblaže rečeno banalne. Dakle, uvredljivo za našu inteligenciju banalne u poređenju sa stvarnom situacijom na terenu. Da se naslonim i na ovo što je govorila kolegica Segmedina Srna, razumijem šta je htjela reći, da nam se serviraju manipulisani podaci vezano za statistike sigurnosne u Kantonu Sarajevo, ali ti zapravo podaci su katastrofalni i bez, i sa ovim podacima koji su nam dostavljeni, ti su podaci katastrofalni. 54% krivičnih djela u Kantonu Sarajevo u kojima su počinioci nepoznati su ostali nerasvijetljeni u 2015 godini. To znači da svako drugo krivično djelo ostaje nerasvijetljeno. Ja samo hoću da naglasim činjenicu, ako smo se ovdje okupili da govorimo o odgovornosti i sigurnosti u Kantonu Sarajevo u postojećem sistemu i zakonskom okviru unutar kog djelujemo ne postoji niti teoretska šansa da se ova kola lome na jednoj osobi. I samo za kraj da kažem, da kada je u pitanju Tužilaštvo, usvajali smo dva izvještaja koja nam je usmeno podnosila kantonalna tužiteljica u kom se ni u jedno momentu ne problematizira komunikacija sa policijskim komesarom. Ako su ove žrtve rezultat prekida i raskola u toj komunikaciji. Za tu komunikaciju, odnosno ne komunikaciju moralo je znati i ova i Skupština Kantona kao i javnost, hvala.

Poslanik/zastupnik Zvonko Marić druga diskusija:

Hvala vam predsjedavajuća. I ja bih budući da sam bio kritičan prema parlamentu pa Vladi nisam pomenuo samo još neke stvari, nisam govorio o komesaru Ćosiću i tužiteljici Burzić. Vrlo kratko ću reći, također ne slažem se sa načinom na koji se ovdje radi. Zapravo evo kada smo donosili onaj Zakon, ja uvijek polazim od toga da treba ući u uzroke pa onda rješavati probleme

i to sam ko zna koliko puta ovdje pomenuo, i mislim da je to svakome jasno. Pa ću reći da evo budno smo pratili rad Vlade i odlučili da podijelimo jedno Ministarstvo i to koje Ministarstvo? Ministarstvo MUP-a. Na upravu i Ministarstvo. I dok cijeli svijet teži k tome da objedini sigurnosni sustav ovdje se to dijeli. Nadam se da su pravedno podijelili imovinu između ministarstva, pa sam sjećate se rekao da su dvije škole pod istim krovom. I sada kada sam ukazivao na sve te propuste, ali najvažniji su tenderi na svemu tome, pa su se dijelile uniforme koje su tobože radioaktivne, i na to sam ukazivao, i u Goraždu i u Orašju, i ti policajci nisu možda su otporniji, to sam svojevremeno rekao na radioaktivnost nego sarajevski. Zašto su dijeljene te uniforme, prema čijoj odluci, a to je imovina ove Skupštine. Ova Skupština to nije dala, nije dala saglasnost. Dalje, moram kazati također, evo komesar Ćosić je tu, komesaru vi znate da ja mogu puno toga reći ovdje o vama, ali iz principijelnih razloga to neću da radim danas, neću da radim sada u ovakvoj situaciji, ali ću vas podsjetiti da sam jako alergičan i kada sam bio novinar ukazivao sam na to kada neko pomene neovisnost. Isto kao što je Neovisni odbor. Od čega je on neovisan? Od čega je neovisna Jedinica za standarde u policiji? Pa nemojte da ja pominjem i one vozačke dozvole vezano za onu ženu itd. I da kažem da to nije neovisno kao što nije ni neovisan ovaj kako ga mi zovemo Neovisni odbor. Niste ni vi, znate koliko je neovisan ovaj Odbor, koliko ste vi neovisni kandidat. Možete biti profesionalni, ili neprofesionalni ali neovisnost, u konačnici, vi ste ovisni od onoga ko vas plaća. Isto tako i Neovisni odbor i prestanite da se bacate tim terminima i da se gađate neovisnost pa neovisnost. Dajte, budite profesionalni. Također, moram kazati, evo i premijeru Konakoviću da kažem i to da apsolutno možemo promijeniti i mišljenje, može promijeniti i politiku, niko nije crn da nema pravo na dobru gestu, ali je i sam rekao za tom govornicom da će u buduću, i tražim od njega da bude dosljedan, ponekad on i njegovi ministri poslušati ili pogledati stenograme i vidjeti šta su to zastupnici govorili i izvući ono najvrjednije što smatra da se treba da se primijeni u praktičnom životu. Meni ovdje jako smeta što ovi zastupnici ponekad doživljavaju kao akteri.

Predsjedateljica:

Gospodine Zvonko isteklo vam je vrijeme. Evo još 30 sekundi.

Poslanik/zastupnik Zvonko Marić:

Ja ću iskoristi samo priliku da bih kao doprinos rješavanju situacije ponudio jedno od rješenja a to je da se ustanovi ako je ikako moguće stalno parlamentarno tijelo koje će sačinjavati predstavnici svih stranaka sa predstavnicima nekih nevladinih organizacija a u pogledu sigurnosti u saobraćaju kako bi pomogli i policajcima koji žele raditi svoj posao, a i Vladi da je rasteretimo svega ovoga. Dakle, to će biti moj mali doprinos ukoliko budu smatrali zastupnici da to treba usvojiti.

Poslanik/zastupnik Rasim Lakota:

Pošto se prvi put javljam, pozdravljam vas predsjedavajuća, članove Vlade, kolegice i kolege zastupnike, naše gost, a poseban pozdrav ide gledaocima TVSA. Slušajući danas ovu raspravu i biti akter ove današnje sjednice ne treba mnogo biti mudar i pametan i zaključiti da sigurnosna situacija u Kantonu Sarajevo nije dobra. Ali, i ova današnja sjednica i sva ova dešavanja koja su dovela do toga da danas raspravljamo o stanju sigurnosti trebalo bi da se iskoristi prilika i da se malo popravi sistem. Svi akteri koji učestvuju u kreiranju sektora sigurnosti, a to nije isključiva nadležnost samo policije to je malo šira oblast zainteresirani smo svi da nam stanje sigurnosti u kantonu bude bolje, svi treba da damo svoj doprinos kako bi situacija u sigurnosti bila na većem nivou, a tu prije svega mislim da je osnovna zadaća policije da da svoj maksimum. Ja ću kazati nekoliko rečenica kao član Komisije za sigurnost koja je u ovom proteklom periodu od ovih poznatih dešavanja, naročito od pogibije Dženana Memića jako ozbiljno pristupila svojoj zadaći kao skupštinskom tijelu koje je zaduženo za sigurnost i vrlo odgovorno pratila situaciju u Kantonu Sarajevo i bavila se ozbiljno ovom problematikom. Želim ovdje napomenuti da u

sastavu komisije za sigurnost, predstavnici svih političkih partija koje se nalaze u ovom parlamentu, a to znači i pozicije i opozicije, isto tako, sve odluke koje smo donijeli na komisiji bile su jednoglasne, što govori o ozbiljnosti i pristupu rada ove naše komisije. Danas kao i na komisiji za sigurnost umorni smo statističkim podacima i statistikom kao osnovnom za prikazivanja određenog stanja. To nije dobro. Ne može statistika i statistički pokazatelji promijeniti stanje sigurnosti u Kantonu Sarajevo. Mi uporno slušamo procentualno u odnosu na stanje od prošlog mjeseca, u odnosu na stanje prošle godine koje je usput bilo loše. Mi samo slušamo da je loše od lošijeg. Nismo na Komisiji za sigurnost i nemamo i ne slušamo prijedloge, inicijative, planove kako zajednički da poboljšamo stanje sigurnosti u Kantonu Sarajevo, a jako smo zainteresirani i tu smo i građani to od nas očekuju. Radeći u ovoj komisiji a i pomalo se razumijem u sigurnost i pripremajući se uočio sam nekoliko stvari a dvije želim ovdje da podijelim sa našim gledaocima koji nas prate pored malih ekrana, a to je podatak za koji ja nisam u početku mogao da vjerujem da je tačan. A tiče se Zakona o zaštiti tajnih podataka u BiH, i odluke MUP-a Kantona Sarajevo da donese svoj interni akt koji se zove Odluka o listi radnih mjesta i dužnosti za lica koja su predmet sigurnosnih provjera. Da samo malo pojasnim. Vi sada u Kantonu Sarajevo možete se zaposliti u MUP-u bez sigurnosne provjere. To je skandalozno. Da zasnujete radni odnos i da dobijete čin policajca, sve do čina viši inspektor a da ne podliježete sigurnosnoj provjeri. To su sigurnosnom sistemu ne postoji i to je jedna vrlo, vrlo velika greška koju je napravio ovo Ministarstvo. Ja se nadam da će se vrlo brzo ta odluka promijeniti. Kolega Marić je napomenuo da su se dijelile radioaktivne uniforme u Goraždu i u Posavini, ali ja moram ovdje napomenuti da je MUP Kantona Sarajevo prekršio Ustav FBiH, odnosno Uredbu o jedinstvenoj uniformi u FBiH, jer je promijenio izgled uniforme u FBiH ustavna kategorija. Oni su to primijenili svojim internim aktom i zato je danas vidite ovdje prisutne naše kolege koji se nalaze u crnoj uniformi. A da bi do kraja bio jasan, član 7. Uredbe o jedinstvenoj uniformi Vlade FBiH glasi, citiram: „Federalni i kantonalni ministar može propisati iznimno od odredba člana 2. ove Uredbe i u granicama svoje nadležnosti propisati posebne odore“, pa u zagradi, dobro me čujete „konjička odora, odora za kadete, ljetna bijela odora, i odora za pripadnike helikopterskih jedinica“. To su posebne odore. Zatim u nastavku. „kao i dopunske dijelove odore za obavljanje poslova i zadataka u specifičnim zemljopisnim i klimatskim uvjetima“. Ovo jasno govori da se neke stvari u MUP-u Kantona onako kako to ne bi trebalo da se dešavaju ali ova odluka o promjeni izgleda uniforme koštala je budžet Kantona Sarajevo nešto više od 2,5 miliona maraka. A postojeće uniforme, kao što je rekao kolega Marić su se dijelile u Goraždu i u Posavini. Ja mislim da je to nedopustivo i ovo moje izlaganje i ove moje primjedbe nisu upućene nikom. Moj cilj kao i političke partije koju predstavljam da se stanje sigurnosti u Kantonu Sarajevo mora podići na veći nivo. Svi oni koji su odgovorni i koji po svim ovim procedurama treba da odgovaraju, a ja koristim na kraju priliku da pozdravim sve pripadnike MUP-a Kantona Sarajevo, odgovorno tvrdim da ima tamo preko 95% časnih, sposobnih, odgovornih ljudi koji su u stanju da stanje sigurnosti u Kantonu Sarajevo bude na većem nivou. Hvala vam.

Predsjedateljica:

Hvala lijepo uvaženi zastupniče Lakota. Za raspravu se javila uvažena zastupnica Filipović. Gospodine Halilović vi imate drugu, repliku? A repliku imate? Izvolite. Mislila sam da je druga rasprava pa da. Kome replicirate?

Poslanik/zastupnik Semir Halilović replika:

Gdinu Lakoti, samo kratko. U Komisiji za sigurnost nisu predstavnici svih političkih stranaka. BPS nije član Komisije za sigurnost, jer su komisije podijeljene onako paušalno, pa sam ja član neke komisije za socijalnu politiku s kojom nemam nikakve veze, a kao pravnik recimo nisam član Komisije za sigurnost. Pa eto, prema tome da se zna, da se ne bi ta odgovornost širila tamo

gdje joj nije mjesto, da se zna možete pročitati ko je član te Komisije za sigurnost. Hvala lijepo.

Predsjedateljica:

Replika na repliku. Izvolite gospodine Lakota.

Poslanik/zastupnik Rasim Lakota odgovor na repliku:

Ja sam mislio kada sam kazao da predstavnici svih političkih partija, prije svega na predstavnike pozicije i opozicije, ja sam mislio da je gospodin Halilović u ovoj kategoriji predstavnika pozicije pa on vjeruje nama koji smo tamo u komisiji.

Predsjedateljica:

Hvala lijepo. Za raspravu se javila...opet replika? Izvolite. Izvinite nisam vas vidjela gospodine Haliloviću.

Poslanik/zastupnik Semir Halilović replika:

Da vam kažem gospodine Lakota kada su ozbiljne stvari u pitanju ne vjerujem nikome. Prema tome nemam razloga da vjerujem ni vama ni bilo kome ko sjedi u Komisiji za sigurnost. Prema tome snosite odgovornost za vlastiti posao kao što i ja snosim odgovornost za posao u Komisiji za socijalnu politiku u kojoj sjedim.

Predsjedateljica:

Hvala lijepo. Uvažena zastupnica Selma Filipović.

Poslanik/zastupnik Selma Filipović:

Hvala lijepo predsjedavajuća. Na žalost danas smo od nadležnih mogli čuti prebacivanje loptice odgovornosti sa jednih na druge, to je sa Tužilaštva Kantona Sarajevo na MUP Kantona Sarajevo i na komesara Ćosića, na žalost. I dok je Nezavisni odbor sve ove godine hvalio rad komesara Ćosića do tada sam kao zastupnik u Skupštini Kantona u nekoliko navrata inicirala na zamolbu građana Kantona Sarajevo da se održi tematska sjednica o sigurnosti. Zar je trebalo sve ovo da se desi u Kantonu Sarajevo da bi se ovdje napokon danas raspravljalo. Upozoravala sam na nesigurnost, i to više puta, o čemu svjedoče sva moja pitanja i inicijative koje sam podnosila ovoj Skupštini. Kada god sam postavila neko pitanje i reagovala da policija ne radi dobro svoj posao i da će doći do eskalacije nemilih događaja i to pitala od toga da su gradske ulice postale trkališta, da ginu nedužni turisti, sjetite se turiste kod Predsjedništva stranog, da se nanose teške tjelesne povrede licima nedužnim licima hladnim oružjem, da se otuđuje imovina i pokretna i nepokretna itd. Svaki put kada bih postavila jedno od ovakvih pitanja iz MUP-a Kantona Sarajevo mi je poručeno: „Štovana profesorice, zastupnice pita i govori o umiješanosti policije u neke kriminalne radnje i zabada nos gdje joj nije mjesto“. Pitala sam nadležne u ime građana Kantona Sarajevo te u svoje lično ime i kao žrtva oraganizovanog kriminala, lično sam se obračunala sa autom mafijom, a iz policije Kantona Sarajevo mi je rečeno da je to ludost, da se to jednostavno ne može riješiti, da su to kriminalne grupe koje su naoružane automatskim oružjem itd. Nedavno sam bila i predmet ostavljanja policijske kazne na vozilu, meni i ostalim kolegama na parkingu, dok drugi građanin Kantona nije dobio kaznu jer je privilegovan od strane policije Kantona Sarajevo. Dokle će samo jedni građani Kantona Sarajevo plaćati kazne, i dokle će odgovarati dok za druge Zakon neće važiti. Za jedne će važiti za jedne neće važiti i dokle će privilegovana djeca od pojedinih građana određenih kategorija stanovništva u ovom kantonu da neće snositi ama baš nikakve sankcije dok drugi debelo plaćaju danak i to svojim životima? Mi se moramo pozabaviti ovim pitanjem i mi moramo pooštriti rad, odnosno policija mora zaista početi da radi svoj posao profesionalno. Nedopustivo je da nakon ovoliko postavljenih pitanja i upozorenja od strane samo jednog zastupnika a koliko me sjećanje služi, bilo je još zastupnika koji su na tu temu sigurnosti, odnosno nesigurnosti pitali nadležne iz

MUP-a Kantona Sarajevo. Moja pitanja su se odnosila čak iz perioda dok je bio ministar MUP-a gospodin Nermin Pećanac i to jedno od pitanja je glasilo: „molim ministra unutrašnjih poslova Kantona Sarajevo da mi odgovori koje i kakve mjere MUP je pokrenulo u sprječavanju nabavljanja, nošenja i upotrebe automatskog oružja na prostoru Kantona Sarajevo?“

Dalje, 2015 godine u devetom mjesecu sam postavila također pitanje, bio je gospodin Predrag Kurteš ministar unutrašnjih poslova. Pitala sam koje konkretne mjere i radnje i u kojem roku će MUP Kantona Sarajevo poduzeti s ciljem smanjenja stope nesigurnosti u našem kantonu? I pitala sam gđina Kurteša o neprofesionalnom i koruptivnom ponašanju službenih osoba policajaca na ulicama Kantona Sarajevo, od dobacivanja djevojkama, razgovara o prekršaju uz kafu, razgovara o prekršaju za traženje protuusluga u hrani itd. Nakon svega mi je gospodin Kurteš odgovorio da policijski službenici Uprave policije Sarajeva imaju stalni zadatak da rade na preveniranju kako prema izvršiocima krivičnih djela tako i licima koja su sklona činjenju prekršaja iz oblasti javnog reda i mira iz saobraćaja. Nekoliko pitanja, nekoliko inicijativa je postavljano, postavila sam i pitanje koliki broj krađa automobila od ukupnog broja se odnosi na krađu u Kantonu Sarajevo, te u nadležnosti kojeg Tužilaštva je da postupi u slučajevima krađe automobila kada se isti sa teritorije Kantona Sarajevo gdje se desi krivično djelo transportuje na teritorije RS-a? Molim vas, nedopustivo je da se zvanični podaci iz policije su da skoro 900 vozila je otuđeno bilo tokom posljednje tri godine na teritoriji Kantona Sarajevo. A oko 200 vozila na teritoriji cjelokupne Federacije. Što znači da sva ova pitanja i sve ove inicijative govore u korist toga da sigurnosna situacija u Kantonu Sarajevo nije bila na zadovoljavajućem nivou. Zadnja moja inicijativa koju sam podnijela ovoj Skupštini, a opet sam upozoravala da je povećan stepen svih oblika kriminala u Kantonu Sarajevo, da građani Kantona Sarajevo zaslužuju mirniji grad, sigurniji grad, dobila sam odgovor da se podržava inicijativa mene kao zastupnice za održavanje tematske sjednice da se jedno pokrenem ja kao zastupnik inicijativu da pripreme materijal za tematsku sjednicu i na kraju krajeva održim tu tematsku sjednicu na temu sigurnosti odnosno nesigurnosti. Mislim da se ovdje upozoravalo davno, čak od 2010 godine svo ono vrijeme dok je Nezavisni odbor hvalio rad komesara Vahida Ćosića. Na kraju, tražim da se ispita rad policijskog komesara i da se pokrene inicijativa, ova Skupština danas da pokrene inicijativu za smjenu Nezavisnog odbora jer smo mi ti koji smo na kraju krajeva i birali taj Nezavisni odbor. Nismo zadovoljni njegovim radom i želim danas da kažem. To je jedan od konkretnih prijedloga. Hvala lijepo

Predsjedateljica

Hvala lijepo uvažena zastupnice Filipović. Da li još ima netko za prvu raspravu? Nema. Prva izvolite. Uvaženi zastupnik Pindžo.

Poslanik/zastupnik Mirsad Pindžo:

Zahvaljujem predsjedavajuća. Dugo sam razmišljao da li uopšte da se prijavim za bilo koju, prvu ili drugu ili bilo koju diskusiju jer poslije čitav dan zasjedanja i informacija koje smo dobili i onoga što se sve čulo, ne znam šta reći. Ne u smislu da ne znam svoj stav ili da ga nemam, nego šta reći na ovo sve. Hitna sjednica sa određenim povodom, potpuno ne pripremljena, i promašena. Ja se ne mogu oteti utisku a da se ova sjednica Skupštine Kantona pretvorila u navijački javno treba li smijeniti policijskog komesara ili ne treba? Ja nisam advokat ni policijskog komesara s kojim nikad u životu popio kafu niti sa tužiteljicom niti sa bilo kim od ovih ljudi koji su danas, ja mislim da građani Kantona imaju dodatni razlog za zabrinutost kada su čuli danas ove i informacije, a pošto istina nikada nije samo na jednoj strani, ako tužiteljica, glavna kantonalna tužiteljica traži imenom i prezimenom policajce kojima će povjeriti određene radnje da obave mimo rukovodstva, odnosno policijskog komesara onda to može biti samo jedan razlog. Da se ne vjeruje policijskom komesaru i njegovom timu, znači da su korumpirani, da im se ne vjeruje. Ili da odaju informacije ili šta god. Ali evo da ne prejudiciramo da ne pretpostavljamo, zašto kantonalna tužiteljica nije pokrenula istragu protiv tih ljudi jer se u

sistemu kako ga ja gledam ne smije dozvoliti da institucije rade na taj način. To nije sistem i tako se ne smije raditi. Što ne znači da nije bilo grešaka i u radu policijskog komesara i bilo kojeg drugog organa pa i policije. Ali čitav dan slušamo kako nam je policija dobra, od 90% i zastupnika i onih koji su danas izlagali imamo priču da su nam policijske snage i policajci od onih što su na ulici da su 90 – 95% dobri. Pa kako je moguće da imamo dobru policiju a da nam ne valja policijski komesar? Meni su tu lično nešto ne slaže. Ima li grešaka. Ja tvrdim da ima i pokazalo se, ali ja nisam zagovornik da se to rješava u navijačkoj atmosferi nego u sistemu. I oni koji kažu da trebamo da imamo malo veći uticaj, politički uticaj na rad policije, pa do prije nekoliko mjeseci su govorili da ne treba da imamo. I predložili upravo takav zakona i donijeli Zakon u kome nema operativne nadležnosti politika a upravlja policijom. Dali joj potpunu, pa i finansijsku samostalnost. I sada odjednom hoćemo da to promijenimo, a kao mi ne možemo ništa uticati, nije tačno. Jesmo li tražili civilni nadzor nad policijom? Jesmo. Pa ko će taj civilni nadzor vršiti? Svaki građanin s ulice pa da dođe u policiju i kaže daj mi ovaj zapisnik i daj mi ovaj predmet. Preko stručnih organa to je Nezavisni odbor. Tamo bi trebali da sjede ljudi koji se razumiju u svoj posao, i koji su nezavisni. Bar nezavisni od političkih stranaka da nemaju direktan uticaj na operativan rad policije. Kaže nema Vlada. Nije tačno da nema ni Vlada. I ministar unutrašnjih poslova istjerao svoje pravo i pokrenuo disciplinski postupak protiv policijskog komesara i neka organi rade svoj posao. Neka utvrde, ja sam svjesno, namjerno pitao, dajte nam, koji su to razlozi? Jer ono što sam vidio u medijima i ono što sam čuo danas to su uopštene kvalifikacije a ako zastupnici u Skupština Kantona Sarajevo ne mogu saznati detalje pa i povjerljive informacije takve vrste šta je to, šta se stavlja na teret policijskom komesaru, onda nisam baš siguran da mi imamo ikakav nadzor, ali ne nad policijskim komesarom nego nad Vladom koju mi biramo. Šta uraditi danas* zašto sam rekao da je ovo prilično promašena sjednica? Promašena u smislu što su građani dodatno zbunjeni da imamo toliko problema i naravno kako ih ko vidi. Nekima je problem Zakon, nekima policijski komesar, nekima Tužilaštvo, ova Skupština nema nadležnost ni nad tužilaštvom ni nad sudom, a čuli smo optužbe i na njihov račun. Optužbe pod navodnicima, ne klasične optužbe nego da i u tom sistemu ne funkcioniše baš sve, pa i iz usta tužiteljice kada dodjeljuje kaznu uslov na uslov. Šta može biti pametna diskusija i pametan prijedlog kako izaći iz ovoga i iz ove rasprave danas, jer tema sigurnost i sigurnosna situacija u Kantonu Sarajevo se ne može svesti samo na rad policije. To je puno kompleksniji problem i morali bi se zapitati šta to radi ova Skupština i svi drugi organi u koje smo doveli i društvo u koje stanje smo ga doveli. Koje su vrijednosti na djelu. Jesu li mladima uzor kriminalci i tatini sinovi koji vozažu Ferarije po 100 do 150 km/h po gradu ili su neki uzorni sportisti ili neki drugi. Jesmo li se dovoljno borili protiv kriminala i korupcije da ne dajemo primjer mladima da je bolje ne raditi nego krasti jer neće biti procesuirani. Pa što ćeš to raditi, pa bolje idi kradi nego idi u školu. Da ne govorim o onim ljudima koji rove po kontejnerima da nemaju šta da jedu i naravno, u takvom stanju i takvih vrijednosti koje smo stvorili u društvu, šta očekujemo da policija uradi? Naravno, ne abolirajući ni jednog momenta da ne mogu bolje raditi i da nema kriminala i korupcije i u njihovim redovima s kojim se naravno treba obračunavati, ali ne pred kamerama nego u sistemu i kod nadležnih organa. Zna se ko to radi. Šta je do Skupštine Kantona? Ja sam očekivao danas da će i Nezavisni odbor i Vlada Kantona predložiti nama mjere šta je to šta bi Skupština Kantona svojim odlukama trebala da uradi da popravi sigurnosnu situaciju po svim segmentima? I kod policije i kod Tužilaštva i u ekonomskoj sferi i u socijalnoj i obrazovnoj i u svim drugim i to bi imalo smisla. Ovako je bila pričaonica, optuživanja, iznošenja još nekih činjenica koje dodatno treba da zabrinu građane jer saradnja institucija koje se bave borbom protiv kriminala i korupcije u sistemu na ovakav način koji smo čuli danas građane treba dodatno da zabrine. Šta će Skupština Kantona uraditi i koje će zaključke donijeti da bi prevazišli i stanje u tim institucijama ali i u društvu uopće, e to je pitanje. Ja zato predlažem da mi ovu raspravu skratimo, da napravimo malo pauzu, da struka sjedne i sa Vladom da napravimo prijedlog zaključaka, da ova rasprava ne bude uzalud potrošeno vrijeme nego da donesemo određene konkretne mjere šta je to šta

Skupština Kantona zahtjeva prvo od određenih organa, šta je to što mi možemo uraditi, šta je to zadatak Vladi da obezbijedi organima za provođenje reda i zakona da bi se stanje popravilo. U svakom drugom slučaju mislim da je uzalud potrošeno vrijeme. Ne trebate me upozoravati na vrijeme jer kao šef Kluba imam 15 minuta, ali hvala, ja sam završio.

Predsjedateljica:

A joj, izvinjavam se, u pravu ste, oprostite. Za drugu raspravu se javio gospodin Halilović. Replika gospodin Marić. Hajte replika ima prednost.

Poslanik/zastupnik Zvonko Marić:

Hvala predsjedavajuća. Dakle ja ću samo da iskoristim ove dvije minute koliko imam pravo na repliku i da se osvrnem na ono i referiram što je rekao gospodin Ćosić. Također gospodin Konaković i evo gospodin Pindžo. Najveća žalost u ovom parlamentu je činjenica da sve pokreće naknadna pamet. Mi sada ovdje jako puno govorimo ali ja se ne slaže s gdnom Pindžom da ova Skupština ne može uraditi ono što je do nje. Mogla je puno toga preventivnog uraditi. Gospodin Konaković je pominjao i pominje ono u čemu ga i ja podržavam. Da je politika slomila zapravo 15 odnosno 20 jedinicu koja je bila najkvalitetnija sasvim sigurno specijalnu jedinicu, zbog jednog kriminalca. I šta se desilo? Izgubili smo tu supstancu. Ti kriminalci čiji je spisak napravio evo pomenut ću ga, i ministar tada Dahić, on je predlagao 17 hapšenje njih. Oni su proizveli, dakle govorim o prevenciji, tih 17 je proizvelo na stotine svojih nasljednika, isto kao što i trkači koji sada ima 70, 100 će proizvesti za pet godina 500 trkača. Gdje je tu prevencija? O tome sam govorio i molim da se obrati pažnja vezano za to jer bojim se, da ovo kako mi radimo postaje genetska predispozicija vođenja i način politike i moram kazati i da mi ne smijemo podleći takvoj atmosferi i raditi na taj način. Imamo načina i ovo podržavam gdnina Pindžu da napravimo kratku pauzu i da pokušamo poduzeti neke mjere donijeti konkretne zaključke koje će barem ublažiti ovo stanje od kojeg svi strahuju u ovom gradu. Hvala.

Predsjedateljica

Hvala lijepo uvaženi zastupniče Marić, a za drugu raspravu se javio uvaženi zastupnik Halilović.

Poslanik/zastupnik Semir Halilović:

Dakle, kratko u prilog ovome što je rekao kolega Marić s malom digresijom. Kriminal u Kantonu Sarajevo i stanje sigurnosti svakako nisu nastali sami od sebe, porast kriminaliteta u Kantonu Sarajevo je direktan uzročnik padu ekonomskog stanja. I prilične političke anarhije koja ovdje Vlada. Ako je tačno da u vrltima Bjelašnice treba da se gradi grad od 4 milijarde KM, a u vrltima Suhodola, bolnica neka od 400 miliona, pa čemu onda žuč koji građanima Kantona Sarajevo, ima para jel? Što su ljuti? Što su nervozni? Kako onda nemamo novca za auta, za motorole, za? Evo vidite kažu ima para. Dakle, kriminal je nastao kao direktna posljedica loših ekonomskih kretanja u BIH i uzročno posljedično u Kantonu Sarajevo o kojem mi ovdje govorimo. I kriminal nije samo trebao biti preveniran ili zaštićen ili sankcionisan od strane policije Kantona Sarajevo, ili Tužilaštva Kantona Sarajevo, već treba biti krajnje iskren i reći da mnoge ljudi iz kriminalnih struktura, oblika privrednog kriminala, uličnog, drumskog kriminala, i drugih oblika kriminala, štite ljudi iz politike, pa nisu oni pali s neba. Pa samo zaštićeni kriminalac je neosuđen kriminalac. Samo zaštićen kriminalac je sistemski kriminalac oni koji stalno napreduje, buja, ne može mu sistem ništa. Zašto? Pa zato što neko iz sistema stoji iza njega, eto zbog toga. I ne može se onda okriviti jedan inspektor zato što ne može da zaustavi nekog siledžiju iza kojeg stoji ne znam pet nekakvih moderno nazvano tajkuna. U prilogu ovome što je rekao kolega Marić da damo neke zaključke, ja također sam zato da se da pauza 15 do 20 minuta, pola sata, koliko je potrebno, i u prilog tome predlažem da se svaka tri ili četiri mjeseca održi tematska sjednica o stanju sigurnosti u Kantonu Sarajevo. Iz prostog

razloga što za to ima razloga. Također predlažem da se izabere novi Nezavisni odbor u Kantonu Sarajevo za izbor policijskog komesara i da se uslov za izbor novog nezavisnog odbora policijskog komesara bude taj da glasa najmanje dvije trećine zastupnika u parlamentu. Tako će on biti nezavisan, sastavljen ne od proste većine nego do 2/3 zastupnika u Skupštini Kantona Sarajevo. I također tražim od Vlade Kantona Sarajevo da od naredne sjednice izvještaj o stanju sigurnosti i o radu Tužilaštva Kantona Sarajevo pređu sa zadnjih mjesta na prednja mjesta. To ne smije biti u zapečku, to ne smije se dogoditi da mi o ovome ne pričamo, da se ne vidamo godinu dana, da se ne čujemo, da ne razgovaramo, da budu ovakvi odnosi, to se ne smije dogoditi. A praktična primjena ovih stvari bi dovela da ljudi između sebe komuniciraju, da se mi između sebe vidamo, da razmijenimo informacije, da razmijenimo mišljenja. Hvala vam lijepo. Nema više šta.

Predsjedateljica:

Hvala vam lijepo. Evo ja predlažem da sada napravimo pauzu. Nije još, uvažena tužiteljice još nismo završili. Izvolite. Ispravka krivog navoda uvažena tužiteljica.

Glavna kantonalna tužiteljica Dalila Burzić:

I ispraviti krivi navod uvaženog poslanika Halilovića jer ovdje su iznesene vrlo krupne konstatacije bez pokrića i argumentacije na račun rada Tužilaštva. Gospodine Haliloviću, ovdje ste javno za govornicom, pred građanima jer se ovo sve prenosi izjavili da u Kantonu Sarajevo ima 66 nerazriješenih ubistava koji je podatak kojim vi raspolazete? U Kantonu Sarajevo sve ukupno ima nerazriješenih 16 ubistava. Ovdje ste iznijeli podatak da Tužilaštvo u Sarajevu nije ništa uradilo u pogledu predmeta ratnih zločina pa tako ove godine ništa nikom nismo radili. Uvaženi poslanice četiri optužnice u prvih šest mjeseci su upućene na kantonalni sud, trenutno je šest suđenja u toku. Ja sam prošli put kada sam se obratila poslanicima i vama pomislila da bi ste se trebali malo informisati i shvatiti da postoji državna strategija u rješavanju predmeta ratnih zločina koji su 2010 godine svi otišli na procjenu i ocjenu Tužilaštvu BIH. Prema tome, najažurnije Tužilaštvo u državi trenutno nižeg nivoa koja radi te predmete a to možete provjeriti i zvanično po stanju predmeta, ratnih zločina je Tužilaštvo u Sarajevu. I treća optužba, vrlo neargumentovana, vrlo paušalna, to je da se neke istrage na Tužilaštvu u Sarajevu vode pod nečijim paskama i uticajima. Gospodine Haliloviću, takav sud dati za govornicom bez jednog argumenta i dokaza, ja mislim da svi mi ovdje radimo vrlo odgovorno posao. I da nekada svojim diskusijama možda malo i dodato uznemirimo građane što apsolutno nije u redu. Prema tome, ja očekujem kao glavni tužilac od vas zadokumentovane podatke u kojim istragama kantonalnog Tužilaštva u Sarajevu politika ima uticaj i molim vas da tu nastupamo krajnje odgovorno. Hvala vam.

Predsjedateljica:

Hvala lijepo.

Molim sada predsjednike klubova. Repliku? Možete.

Poslanik/zastupnik Semir Halilović:

Hvala. Tužiteljica Burzić, što se tiče 66 neriješenih ubistava u Kantonu Sarajevo, nije 66 nego 68, a taj dokument ste poslali vi meni, poslat ću vam ga nazad. Čisto da ga pročitate, to ste vi napisali. Nisam ja to napisao. Na moje zastupničko pitanje ima na internet stranici Skupštine Kantona Sarajevo. Vi ste napisali po poznatom počiniocu, po nepoznatom počionicu i kada se saberu ta dva počionica to je broj od 68. evo vaš dokument i ne morte to paušalno, ja se ne bavim sa tim stvarima. Što se tiče ratnih zločina, rekao sam vam. Iz A liste niste procesuirali nikoga. Pazite, da vam kažem, vaša sloboda ponašanja u ovoj Skupštini govori o vašoj političkoj zaleđini koju vi ovdje imate. Ne bi ste se vi ovako ponašali i ne bi ovako bili slobodni da vas ovdje nije doveo onaj ko vas je doveo. Razumijete. A što se tiče istraga, ja to neću uputiti vama,

uputit ću tamo gdje treba da uputim i odlično znam čime se bavimo. I vi ste zadnja osoba koja meni može govoriti da govorim paušalno itd. Ja vas pitah lijepo za 66, nije 66 nego 68 ubistava. Pitah vas lijepo za četiri politička ubistva. Prošli put, godinu, obišli ste sve televizije koje postoje u državi da ispričate kako ste očistili Tužilaštvo i zašto, ako je to najbolje Tužilaštvo, pa što ste se kandidovali za predsjednika suda? Što bježite onda, gdje ćete? Gdje ste pošli ako ste najbolji? Vaš lični integritet, vi niste član Skupštine Kantona Sarajevo.

Predsjedateljica:

Molim vas, ne dozvoljavam ovakvu vrstu retorike.

Poslanik/zastupnik Semir Halilović:

Vi ste ovdje gost upravo tako i vi nemate pravo na galamu sa.

Predsjedateljica:

Gospodine Haliloviću i vi isto.

Poslanik/zastupnik Semir Halilović:

Ja sam zastupnik gospođo.

Predsjedateljica:

Jeste, ali vodite računa o.

Poslanik/zastupnik Semir Halilović:

Ja apsolutno vodim računa i ja što iznosim ja imam pravo na ovo što govorim gospođo. Gospođa je ovdje gost ne treba da dobacuje s mjesta i nema pravo na krivi navod, to imaju zastupnici. Vi ste podnijeli vaš izvještaj i sada je na nama da se o njemu očitujemo i očitovali smo se. Na žalost nemamo mogućnost da vas mijenjamo. Hvala lijepo.

Predsjedateljica:

Hvala lijepo gospodine Haliloviću. Ja molim sada predsjednike klubova da napravimo pauzu i da se svi gore u sali 100 nađemo. 15 minuta. Sjednica se nastavlja.

NASTAVAK NAKON PAUZE

Predsjedateljica,

Dobili ste zaključak, odnosno prijedlog zastupnika Zvonka Marića, mislim u printanoj formi da ste svi dobili. Treba li da čitam ili ne? Izvolite gospodine Zvonko.

Poslanik/zastupnik Zvonko Marić:

Hvala predsjedavajuća. Budući da sam razgovarao sa sekretarom Skupštine Kantona koja mi objasnila svu tu proceduru nema potrebe da se izjašnjavate o mom prijedlogu jer sam shvatio po Poslovniku da je to (nerazumljivo) ali je moja namjera bila dobra i pokušao sam da dam svojevrсни doprinos, ali nadam se kroz ove zaključke koje ćete nam vi prezentirati da ćemo iznaći neke moduse da unaprijedimo kontrolu barem u saobraćaju s obzirom na sve ono što sam u izlaganju rekao. Hvala.

Predsjedateljica:

Dobro. To je inače član 53. Poslovnika Skupštine. A sada nakon Kolegija koji smo sada održali, pročitat ću zaključke koje je Skupština, odnosno Kolegij Skupštine donio.

1. Skupština Kantona Sarajevo nalaže MUP-u i Upravi Policije da hitno stavi pod kontrolu

- tzv. Trkače koji predstavljaju najveću prijetnju za učesnike u saobraćaju.
2. Nakon održane javne rasprave o stanju sigurnosti u Kantonu Sarajevo Skupština Kantona Sarajevo konstatuje da sigurnosna situacija u Kantonu Sarajevo nije zadovoljavajuća.
 3. Nalaže se Vladi Kantona Sarajevo da u okviru svojih nadležnosti i ovlasti putem Ministarstva unutrašnjih poslova, Uprave policije, kao i drugih ministarstava u sastavu Vlade preduzme sve mjere i radnje u cilju poboljšanja stanja sigurnosti u Kantonu Sarajevo, uključujući izmjenu kantonalnih propisa po hitnoj proceduri, kao i pokretanje inicijativa za izmjenu propisa viših nivoa vlasti koji mogu doprinijeti stabilizaciji stanja sigurnosti i popravljajući ambijenta ukupnog življenja u Kantonu Sarajevo.
 4. O poduzetim mjerama Vlada će izvijestiti Skupštinu Kantonu Sarajevo na sljedećem zasjedanju Skupštine 26.10.2016.godine.
 5. Nalaže se Vladi Kantona Sarajevo, Nezavisnom odboru za izbor i reviziju i nadzor nad radom policijskog komesara, kao i Komisiji za sigurnost Skupštine Kantona Sarajevo da u okviru svojih ovlasti provedu proceduru utvrđivanja odgovornosti ministra unutrašnjih poslova, policijskog komesara, kao i odgovornost drugih subjekata koji neposredno utiču na ukupnu sigurnost građana, te da o tome izvijeste Skupštinu Kantona Sarajevo na sljedećem zasjedanju 26.10.2016.godine i podnesu pismene izvještaje o poduzetim aktivnostima odgovornosti institucija i pojedinaca i izrečenim sankcijama.
 6. Skupština Kantona Sarajevo upućuje apel svim institucijama i pojedincima na području Kantona Sarajevo koji djeluju u javnom interesu građana da svoje kapacitete usmjere na popravljajući stanja sigurnosti građana Kantona Sarajevo, te da poduzmu sve aktivnosti što profesionalnijeg izvršavanja zadataka, odgovornosti prema građanima i društvu, te nužnog povećanja pravde i pravičnosti, u svim postupcima koje provode od najnižih do najviših organa vlasti.
 7. Skupština zahtijeva od policije, Tužilaštva i sudova uspostavu hitne i najbolje moguće saradnje i koordinacije.
 8. Skupština Kantona upućuje apel svim građanima, a posebno vozačima i pješacima da se pridržavaju svih pozitivnih propisa a posebno propisa koji važe u saobraćaju i saobraćajnoj kulturi, kako bi se smanjio rizik i povećala saobraćajna kultura stanovništva.

Ovo su zaključci Kolegija te vas molim da se sada izjasnimo o njima. Tko je za?

Tko je za? Tko je protiv? Suzdržan?

Za je glasalo 31, suzdržano ništa i protiv ništa. Konstatujem da je Skupština usvojila ove zaključke.

Ovog trenutka sada mogu da konstatujem da smo završili rad ove hitne sjednice te zahvaljujem na strpljenju i vidimo se na sjedećoj sjednici koja je sutra u 10,00 sati.